

ივანე ჯავახიშვილის სახელობის თბილისის სახელმწიფო უნივერსიტეტი

კლასიკური ფილოლოგიის, ბიზანტინისტიკისა
და ნეოგრეცისტიკის ინსტიტუტი



პროგრამა „ლოგოსი“

პუბლიკაციები და ღონისძიებები კლასიკური ფილოლოგიის,
ბიზანტინისტიკისა და ნეოგრეცისტიკის სფეროში

C O R P U S H I P P O C R A T I C A

ნაწილი 1

თბილისი
2008

მთარგმნელები: ფილოლოგიის დოქტორი ნოდარ ბაზრინდაშვილი.
მედიცინის დოქტორი მაკა ბაზრინდაშვილი.

რედაქტორები: ფილოლოგიის დოქტ. პროფ. ვალერი ასათიანი
მედიცინის დოქტ. პროფ. რამაზ შენგელია.

რეცენზენტები: მედიცინის დოქტ. პროფ. თეიმურაზ აპტრიაშვილი
მედიცინის დოქტორი ბრიგოლ სულაბერიძე.

ISBN 978-9941-401-29-9

შინაარსი

წინასიტყვაობა წიგნისა.....	4
წინასიტყვაობა რ. შენგელიასი.....	6
წინასიტყვაობა თ. პეტრიაშვილი.....	8
ფიცი.....	10
დარიგებანი.....	12
ექიდემიები I ა) ამინდის პირველი მდგომარეობა.....	20
ბ) თოთხმეტი ავადმყოფი.....	37
ექიდემიები III ა) პირველი ნაწილი.....	47
ბ) ამინდის დამასნეულებელი მდგომარეობა.....	54
გ) 16 ავადმყოფი.....	62
საკეების შესახებ.....	72
ძველი მედიცინის შესახებ.....	79
ჰაერთა, წყალთა და ადგილთა შესახებ.....	102

წინასიტყვაობა

ოცდაათხ საუკუნეზე მეტი გავიდა „მედიცინის მამად“ წოდებული ჰიპოკრატეს ნაშრომების შექმნიდან, მაგრამ მათ დღესაც არ დაუკარგავთ მნიშვნელობა.

ძველ თუ ახალ მსოფლოში ჰიპოკრატე ითარგმნა მრავალ ენაზე, მაგრამ ქართულად, როგორც ჩანს, მისი თარგმანი დღემდე არ მოგვეპოვება.

მხოლოდ გასული საუკუნის სამოციან წლებში პროფესორმა თინათინ ყაუხჩიშვილმა თარგმნა და წიგნში „ჰიპოკრატეს ცნობები საქართველოს შესახებ“, გამოაქვეყნა მისი ნაშრომის „ჰაერთა, წყალთა და ადგილთა შესახებ“, მეორე ნახევარი, სადაც საუბარია სხვადასხვა ქვეყანაზე და მათ შორის კოლხეთზე.

გასული საუკუნის ოთხმოციან წლებში თსსი მედიცინის ისტორიის კათედრამ და პირადად მისმა გამგემ, პროფესორმა მიხეილ შენგელიამ, გრძნობდა რა ქართველი ექიმებისათვის ჰიპოკრატეს შრომათა ქართულ ენაზე გაცნობის აუცილებლობას,

თსუ კლასიკური ფილოლოგიის კათედრას მიმართა თხოვნით ჰიპოკრატეს ნაშრომთა ქართულად თარგმნის თაობაზე და თსუ კლასიკური ფილოლოგიის კათედრის გამგემ—ბატონმა რისმაგ გორდეზიანმა ჩემდა სასიხარულოდ მე, თსსი ლათინური ენის კათედრის ახალგაზრდა დოცენტს შემომთავაზა და მეც, მივიღე რა ეს საპატიო მისია, შევუდექი მუშაობას და ეთარგმნე „ეპიდემიები I, „ეპიდემიები, III და „აფორიზმები,„ ამ უკანასკნელის მცირე ნაწილი გამოქვეყნდა 1988 წელს მიხეილ შენგელიას წიგნში „მედიცინის ისტორია,„

90-იანი წლების ცნობილი მოვლენების გამო თარგმანზე მუშაობა შეფერხდა, თუმცა კი 2004 წლიდან, როცა განვაახლე თარგმნა, კვლავაც მრავალი წინააღმდეგობა შემხვდა 2006 წლის რეფორმების გამო.

მიუხედავადამისა ამჟამად თარგმნილი მაქვს ე.წ. „კორპუს პიპოკრატიკა“-ს I და II ტომი. წინამდებარე I ტომში შედის. 1. ფიცი. 2. დარიგებანი. 3. ძველი მედიცინის შესახებ. 4. ჰაერთა, წყალთა და ადგილთა შესახებ. 5. კვების შესახებ. 6. ეპიდემიები I. 7 ეპიდემიები III.

II ტომში შედის. 1. პროგნოსტიკა.. 2. დიეტა მწვავე დაავადებების დროს. 3. ღვთაებრივი დაავადების შესახებ. 4. საექიმო ხელოვნების შესახებ. 5. სუნთქვის შესახებ. 6. კანონი. 7. კეთილშობილური საქციელის შესახებ და 8. კბილების ამოჭრის შესახებ.

ჩვენ ვაგრძელებთ მუშაობას და, თუ ფინანსური შესაძლებლობები გვექნება, ყოველწლიურად შევძლებთ თითო ტომის გამოცემას.....

რაც შეეხება თარგმანს: იგი შესრულებულია ეგრეთწოდებულ “პიპოკრატეს კრებულ“-ში წარმოდგენილი ბერძნულ-ინგლისური ტექსტიდან, რომელიც გამოცემულია ლონდონში გასული საუკუნის II ნახევარში. ტექსტის სპეციფიკურობის გამო თარგმანიც შესაბამისია და არა აქვს მხატვრული თარგმანის არავითარი პრეტენზია. შეიძლება ვინმეს ეუცხოოს, ვთქვათ, სათქმელის ზმნების გარეშე გადმოცემა, მაგრამ ასეთ მკითხველს თუნდაც გრიგოლ რობაქიძის ნაწარმოებებს შევახსენებდი.

კერძოდ “ფიცი” კი, რომელიც თავისთავად მხატვრულ-ორატორული ნაწარმოებია, ჩვენც მხატვრულად ვთარგმნეთ და მეტიც, გაეკადნიერდით და თითქმის გავლექსეთ კიდევამასთანავე, ცხადია, სიამოვნებით მივიღებთ ყველა შენიშვნასა და რჩევას და გავითვალისწინებთ შემდგომში.

ნოდარ გაფრინდაშვილი..

ჰიპოკრატე ყველა დროის ერთ-ერთ უდიდეს მოაზროვნე მედიკოსადაა მიჩნეული. მისი ნააზრვეი მრავალ ტომს მოიცავს და დღეს ძნელია ზღვარი დასდო უშუალოდ მისეულ ნაწარმოებებსა და შემდგომ პერიოდში მისივე მოწაყეების მიერ დამატებულ-გადრმავებულს შორის. მთელ ამ მემკვიდრეობას "Corpus Hippocratica" ჰქვია და მუდმივი შესწავლის საგანია სხვადასხვა დარგის მეცნიერთა მხრიდან. ამ ულევ საგანძურში დაინტერესებული მკითხველი მრავალ საინტერესოსა და სასარგებლოს იპოვნის.

კუნძულ კოსზე დაბადებული მოაზროვნის შეხედულებები დაავადების ეტიოპათოგენეზზე, კლინიკურ სურათსა და მკურნალობის ტაქტიკაზე, ადამიანისა და გარემოს ურთიერთობაზე, ბიოეთიკურ საკითხებზე და, ბოლოს, თვით მედიცინის ისტორიაზეც, არასოდეს ჰკარგავს აქტუალობას.

ჰიპოკრატეს ცნობები საქართველოს შესახებ გასული საუკუნის შუახანებში თარგმნა და გამოსცა პროფესორმა თინათინ ყაუხჩიშვილმა, მაგრამ გენიალური მედიკოსის სამედიცინო ხასიათის ოპუსები სისტემურად და აკადემიურ დონეზე ქართულად ჯერ არავის უთარგმნია და დაუსტამბავს.

ბატონი ნოდარ გაყრინდაშვილი მრავალი წელია რუდუნებით ადგას ამ საქმეს და ცდილობს, ქართულ მედიცინას და მთარგმნელობით ლიტერატურას დიდი ღვაწლი დასდოს. გადაუჭარბებლად შეიძლება ითქვას, რომ ჰიპოკრატეს შრომების ქართულად თარგმნით იგი მთლიანად ქართულ კულტურას ფუნდამენტური და მოწესრიგებული ყენომენის მეტად ნიშანდობლივ შტრიხს შესძენს.

იმედია, ეს წიგნი პირველი მერცხალი იქნება და მალე მშობლიურ ენაზე გალენუსის, ცელსუსის, დიოსკორიდისა და აღმოსავლელ ბრძენ ექიმთა სხვა თხზულებებსაც ვიხილავთ. ყველაყერი ეს უმჭიდროეს კავშირშია ჩვენს ისტორიასან,

სამედიცინო-სააზროვნო სისტემასტან, მოლიანად ჩვენს ფსიქო-მენტალობასთან.

წინამდებარე წიგნი უეჭველად მეტად მნიშვნელოვანი სამედიცინო-კულტუროლოგიური მოვლენაა, რომლის მნიშვნელობასაც გარკვეული დროის შემდგომ უფრო მეტად შევიგრძნობთ.

თსსუ მედიცინის ისტორიისა და ბიოეთიკის დეპარტამენტის ხელმძღვანელი

მედ. მეც. დოქტორი პროფ. რამაზ შენგელია.

“გამოცდილი მკურნალი ემსგავსება ღმერთსა, ამისთვის, ვინაითგან სწეულსა განამთელებს და მიზეზ ექმნება მეორედ ცხოვრებისა, ხოლო გამოუცდელი, რაიცა სწეულობაში სიცოცხლე დარჩენია, მასაცა მოუღებს.” წერდა მე-18 საუკუნის ბოლოს იოანე ბატონიშვილი და გულისტკივილით აღნიშნავდა, რომ მეცნიერება იყო ბურჯი ქვეყნის აღშენებისა, „რომ ჩვენ უფრო ბერძენთა და ევროპელთა გუარი გვაქვს სწავლასა შინა“ მაგრამ ქართველებს თავისი მიწა-წყლის, ენისა და სარწმუნოების დასაცავად წარმოებული განუწყვეტელი ბრძოლების გამო მეცნიერებისათვის დიდი დროის დათმობის საშუალება არ ეძლეოდათ.

ასე რომ არ წარმართულიყო ჩვენი ქვეყნის ბედი, წარმოუდგენელია ქართველებს არ ჰქონოდათ ნათარგმნი მრავალი ცნობილი ფილოსოფოსის, მათ შორის, ჰიპოკრატეს ნაშრომები, თუმცა კი, ალბათ, რომც ჰქონოდათ, ქვეყნის ხშირი ავებელობისა და უბედურებათა გამო ძნელად თუ მოაღწევდა ჩვენამდე.

მხოლოდ მეოცე საუკუნის სამოციან წლებში მოხერხდა ჰიპოკრატეს ზოგიერთი ნაშრომის გაცნობა ქართულენოვანი მკითხველისათვის. შემდეგში ჰიპოკრატეს ნაშრომების თარგმნას ნაყოფიერად მიჰყო ხელი თსსი უცხო ენების კათედრის დოცენტი — ნოდარ გაფრინდაშვილმა. მისი თარგმანი ძველი ბერძნული ტექსტიდანაა შესრულებული, რაც ნაშრომს ორიგინალობას ანიჭებს.

ნოდარ გაფრინდაშვილის ყველა ნამუშევარში, მათ შორის ჰიპოკრატეს ნაწარმოებთა თარგმანში, ავტორის საკმაოდ დახვეწილი პროფესიონალიზმი და დიდი შრომისმოყვარეობა აისახება.

ჩემი აზრით ნ. გაფრინდაშვილის მიერ ქართულად მოწოდებული ჰიპოკრატეს შრომათა მნიშვნელობა დიდია იმიტომ, რომ მიუხედავად 21-ე საუკუნეში არსებული ტექნიკური მიღწევებისა, თანამედროვე ექიმის ჩამოყალიბების პროცესში მომავალ ექიმს ავადმყოფთან გაბმული სულიერი ძაფების (რაც ასე სჭირდება ავადმყოფს) ნაკლებობა რომ არ

ქონდეს, აუცილებელია გაეცნოს ძველ, თუნდაც უსიკვლეს შეხედულებებს მედიცინაზე, რაც კიდევ უფრო დახვეწს ახალგაზრდა ექიმების სულიერ გარემოს. სწორედ ამისათვის არის საჭირო, საკუთარ ენაზე მივაწოდოთ ახალგაზრდობას ძველი ფილოსოფოსებისა თუ ექიმების ნააზრევი.

აქედან გამომდინარე, ცუდი არ იქნება, ჰიპოკრატეს ნაშრომთა უკეთ გაცნობის მიზნით, სტუდენტთა სასწავლო პროგრამაში გარკვეული დოზით ამ ნაშრომთა თუნდაც მოკლე შინაარსის შეტანა.

ბატონ ნოდარ გაყრინდაშვილს კი, ბევრი საუკეთესო წიგნისა და ნაშრომის ავტორს, ვუსურვებთ კვლავაც მრავალი, მსოფლიოში ცნობილი პიროვნების, მათ შორის ექიმების ნააზრევი მიეწოდებინოს ქართული მკითხველისათვის საკუთარ ენაზე, რაც მეტ საშუალებას მოგვცემს ჩვენი საქმიანობის ანალიზისა და პროფესიონალური დონის ამაღლების დახვეწაში.

**თემურაზ პეტრიაშვილი. თსსუ პათფიზიოლოგიის
დეპარტამენტის ასოცირებული პროფესორი, 02.10.08.**

ზიცი

ვფიცავ აპოლონს – ღმერთსა და მკურნალს,
 ვფიცავ ჰიგიას და ასკლეპიოსს,
 პანაკეიას, ყველა ღმერთს და
 ღმერთქალსაც ყველას მოწმიდ მოეუხიბო,
 რომ პატიოსნად, ჩემი ძალის შესაბამისად,
 მე აღვასრულო ეს ფიცი და წერილი აღთქმა.
 ვინც შემასწავლა ეს ხელოვნება,
 მივიღო იგი მშობლების დარად;
 გაეუნაწილო მონაგარი და
 გვერდით დავედგე ყოველგვარ ჭირში!
 და-ძმად ჩაეთვალო ნაშობნი მისნი
 და შევასწავლო, თუ ისურვებენ,
 ეს ხელოვნება უშურველად და
 საზღაურზე ფიქრის გარეშე.
 დარიგებანი, სახალხო თუ ბრძენთა სწავლანი,
 სრულად გადავცე შეილთა ჩემთა,
 შთამომავალთაც მოძღვართა ჩემთა,
 შეგირდთა, რომელთ შვილიცინასთან აკავშირებთ
 და არა სხვასთან მოვალეობა და ფიცი ესე!
 ჩემი ძალისა და გონების შესაბამისად,
 მხოლოდ სნეულთა სასარგებლოდ წარემართო ქცევა
 და განვერიდო ყველანაირ უსამართლობას,
 და მითუმეტეს, არრა ვაწილი არასდროს არვის!
 მე სასიკვდილო არვის მივსცე არასდროს აბი,
 არც მივასწავლო გზა ასეთი უაზრობისკენ,
 ქალს, მითუმეტეს, – მოსაშლელი საშუალება!
 შეუბღალავად და უმწიკვლოდ
 წარემართო მარად ცხოვრება ჩემი და ხელოვნება.
 ხელი არ ვახლო მე კენჭოვან დაავადებას,
 გადავაბარო იგი მას, ვის ძალუცს ამის ქმნად!

უმართებულო და ბოროტი ფიქრის გარეშე
მე ნებისმიერ სახლში შევალ მხოლოდ იმისთვის,
რომ ავადმყოფი ვიხსნა მისი გასაჭირისგან...
როგორ შეეხედავ მრუში თვალთ ქალს, ან მამაკაცს,
რა ბედენაა, მონა არის ის თუ აზატი!
ჩემი მისიის აღსრულებისას,
ან ჩვეულებრივ, კაცურ ყოფაში,
თუ გავიგონებ, ან ვნახავ რამეს,
რისიც არა ხამს გახმაურება,
არ გავამქდავნიო ეს საიდუმლო!
მე, შეუცვლელად შემსრულებელს ამა ფიცისას,
ადამიანთა ყოველთა თანა,
ღმერთმა მარგუნოს დიდება და ბედნიერება
უკუნისამდე, ყოფასა და ხელოვნებაში..
ბოროტმოქმედთ და ფიცთგამტეხთ კი...
ექმნათ პირიქით!

დარიგებანი

ცხოვრებაში არის ხოლმე ხელსაყრელი შემთხვევა, მაგრამ იგი ხანგრძლივი არაა. დრო მკურნალია, მაგრამ ზოგჯერ — ხელსაყრელი შემთხვევაც. ვინც ეს იცის, მკურნალობა ალბათობის განსჯის საფუძველზე კი არ უნდა წარმართოს, არამედ, უპირატესად, გონიერებასთან შერწყმული გამოცდილების შესაბამისად; განსჯა ხომ იმასთან შერწყმული მოგონებაა, რასაც შეგრძნებით ვლბულობთ, გრძნობა კი მხოლოდ თვალხილულ გამოსახულებებს ეყრდნობა, განიცდის საგანთა ზემოქმედებას და გადასცემს მას აზროვნებას.

ეს უკანასკნელი კი, მას რომ მიიღებს, ხშირად აკვირდება, თუ “რა”, “როდის”, “როგორ” და, ყველაფერს რომ გააანალიზებს, გაიხსენებს მას. ასე რომ, განსჯასაც მივესალმები მე, თუკი იგი დასაწყისს ღებულობს მომხდარი მდგომარეობიდან და დასკვნებს სწორი მეთოდით აკეთებს. აკი, თუ განსჯა სათავეს იღებს იქიდან, რაც ცხადად ხდება, იგი ხომ გონების ზემოქმედების ქვეშ მოექცევა, რაც სხვა საგნებისაგან ყველაფერს სათითაოდ ითვისებს. უნდა ვაღიაროთ, რომ ბუნება სხვადასხვა ძალისაგან მოდის მოძრაობაში და შეგონებას მრავალი სხვადასხვაგვარი საგნისაგან ღებულობს, აზროვნება კი, როგორც ზემოთაც ითქვა, ამას ითვისებს მისგან და მერე მიჰყავს ჭეშმარიტებად.

როდესაც განსჯა თვალხილული ფაქტებიდან კი არ მომდინარეობს, არამედ გონების საეარაუდო მსჯელობიდან, ხშირად აგდებს [მკვლევარს] მძიმე და არასასიამოვნო მდგომარეობაში,— ასეთები კი, ხომ მართლაც ყოველად უგზოდ მავალნი არიან! თუმცა, რაა ცუდი იმაში, თუ გასამრჯელოს ისინიც მიიღებენ, რომლებიც არც თუ კარგად ასრულებენ საექიმო მოვალეობას? მაგრამ ეს ცუდია ავადმყოფებისათვის, რომელთაც იციან, რომ სენის ძალა იმდენად დიდი არაა, თუ ექიმის გამოუცდელობაც არ წაეხმარება მას. ამაზე კი ქვემოთ საკმაოდ ბევრს ვიტყვით.....

2. მისგან ხომ, რაც მხოლოდ განსჯიდან მომდინარეობს, ვერაფერ [ნამდვილს] ვერ მივიღებთ; ეს ხომ მხოლოდ საქმის ჩვენების მიხედვითაა შესაძლებელი; აკი მცდარია და არამყარი მხოლოდ ლაყბობაზე დამყარებული მტკიცებულება. ამიტომაც ყოველთვის უნდა ვემყარებოდეთ მას, რაც სინამდვილეში ხდება და ამას უნდა დავუთმოთ დიდი დრო, თუ გვინდა რომ შევიძინოთ ის უბრალო და შეუცდომელი უნარი, რასაც საექიმო დაოსტატებას ვუწოდებთ, ეს კი დიდ სარგებლობას მოუტანს როგორც ავადმყოფებს, ისე მათ მკურნალ ექიმებსაც და არც იმისი უნდა შეგერცხვეს, რომ უბრალო ხალხისაგანაც ვისწავლოთ რაიმე, თუ შევატყობთ, რომ იგი ხელსაყრელია ავადმყოფთა მკურნალობისათვის. მე იმასაც კი ეფიქრობ, რომ ყოველგვარი დახელოვნება ისე იქნა მიღწეული, რომ ჯამდებოდა და განიხილებოდა თითოეული შემთხვევის საბოლოო შედეგი და ყველაფერი მიდიოდა ერთსადაიგივე დასკვნამდე.

ამიტომაც ყურადღება უნდა მივაქციოთ ყველა შემთხვევით მოვლენას, რომელიც ყოველ ნაბიჯზე გვხვდება და ჩვენი მოღვაწეობისას საქმე ვაკეთოთ წყნარად და სასარგებლოდ და არა წინასწარმეტყველებებითა და აპოლოგიებით.

3. სასარგებლოა აგრეთვე, რომ ავადმყოფებს წინასწარვე დავუნიშნოთ სხვადასხვა სახის საშუალებები, რადგან, ექიმისაგან დანიშნული წამლები რომ ავადმყოფებს შეეღის, ამას რა მტკიცება უნდა, ხოლო მრავალი სხვადასხვა მიზეზისა და ცვალებადობის გამო ნებისმიერი დაავადება ჩვეულებრივ ხომ დიდი ხნის განმავლობაში გრძელდება ხოლმე.

4. ესეც კარგად უნდა დაიმახსოვროთ ჩემი რჩევებიდან: თუ შენ თავიდანვე მხოლოდ გასამრჯელოზე იფიქრებ – ამასაც ხომ აქვს ჩვენს საქმიანობასთან კავშირი – მაშინ, ცხადია, ავადმყოფს იმას აფიქრებინებ, რომ, თუ კარგ გასამრჯელოს არ მოგცემს, მიატოვებ მას, ანდა არც მოუფრთხილდები და არც სასარგებლო რჩევებს მისცემ.

გასამრჯელო არაა მთავარი, რადგან მიმაჩნია, რომ ამაზე ყურადღების მიქცევა მეტად საზიანოა ავადმყოფისათვის, გან-

საკუთრებით მძიმე დაავადებების დროს, როცა დაავადების სინქარე არ გვაძლევს დაყოვნების საშუალებას. იგი კარგ ექიმს აიძულებს, ეძებოს არა რაიმე გამოსრჩენა, არამედ კარგი სახელის მოპოების შესაძლებლობა... უმჯობესია ვუსაყვედუროთ გადარჩენილებს, ვიდრე წინასწარვე გაეძარცვოთ საშიშროებაში ჩაცვევნილები!

5. თუმცა ზოგიერთი ავადმყოფი, რომელიც რაღაც უჩვეულოსა და იღუმალს აძლევს უპირატესობას, დიახაც იმსახურებს უყურადღებობას, მაგრამ სასჯელს – არა. ამიტომაც მათ, მცდარი გზით მავალთ, იქნებ მართლაც შეეწინააღმდეგო, მაგრამ, ღმერთმანი, რომელი გულითადი ექიმი იფიქრებს, რომ ავადმყოფი სიმკაცრით განკურნოს?! ასე რომ ის, ვინც დაავადების გამოკვლევას იწყებს, თუ რაიმე სასარგებლო რჩევას არ მისცემს ავადმყოფს და არ დაამთავრებს მკურნალობას, ავადმყოფს განა აბუჩად არ იგდებს?]

6. მე გირჩევთ აგრეთვე, რომ კაცთმოძულედ არ მოეპყროთ ნებისმიერ ავადმყოფს, არ უნდა მიაქციოთ ყურადღება მისი ქონების რაოდენობას ან მის სიძუნწეს და ზოგჯერ უფასოდაც კი უნდა უმკურნალოთ; შენზე კეთილი მოგონება უფრო მაღლა უნდა დააყენო წუთიერ კეთილდღეობასთან შედარებით.

თუ გექნება შემთხვევა, რომ მკურნალობა გთხოვოს უცხო მგზავრმა ან ღარიბმა, უმაღვე გაუწიე მათ ეს სამსახური, რამეთუ, სადაცაა კაცთმოყვარეობა, იქვეა [თავისი] საქმის სიყვარულიც.

ზოგიერთი ავადმყოფი ხომ, რომელმაც იცის, რომ მძიმე სენითაა შეპყრობილი, თუ დარწმუნდება ექიმის მართებულ მკურნალობაში, ადვილად გამოჯანმრთელდება ხოლმე. ხომ კარგია, რომ ავადმყოფობას ჯანმრთელობისაკენ წარმართავდე, ხომ უნდა ვიფიქროთ ჯანმრთელებზე იმიტომ, რომ არ დაავადდნენ. ჯანმრთელებზე ზრუნვა საჭიროა აგრეთვე კეთილგონიერული საქციელისათვისაც.

7. მაგრამ ზოგიერთები, რომლებიც უეციობის ჭაობში არიან ჩაფლულნი, ვერ გაიგებენ ამას. ჰო და ისინი, არაექიმე-

ბი, სამარცხეინოები, რომელთაც ხშირად ბედიც სწყალობთ, უცებ ამალღდებიან ხოლმე – ორმაგ ხეირში ვარდებიან: მკურნალობენ მდიდარ ავადმყოფებს და თანაც მაშინ, როცა დაავადება უკვე გადის; ხოლო თუ დაავადება გამწვავდება, მაშინ მხოლოდ ტრაბახობენ და აბუნად იგდებენ საექიმო ხელოვნების უდავო საშუალებებს, რომელთა მეშვეობითაც ეგრეთწოდებული დამსახურებული ექიმები გამოავლენენ ხოლმე თავის სიძლიერეს. ის კი, ვინც უმწიკვლოდ და პატიოსნად აწარმოებს მკურნალობას, ამ წესს არ დაარღვევს არა შეუძლებლობის, არამედ უსამართლობისადმი ურწმუნოების გამო. ისინი [ცუდი ექიმები], თუ დაინახავენ, რომ ავადმყოფის მდგომარეობა საშიშია, ხელს არ ჰკიდებენ და სხვა ექიმების მოწვევასაც ერიდებიან, რადგან სხვისაგან დახმარების ზიზღით არიან განმსჭვალულები. სენისაგან შეწუხებული ავადმყოფები კი ორ ცეცხლს შუა იწვიან, რადგან არ ენდობიან ისეთ მკურნალობას, რომელიც ნამდვილ საექიმო ხელოვნებას არ შეესაბამება – დაავადების დასუსტება ხომ ნებისმიერი ავადმყოფის სანუკვარი ოცნებაა.

ამიტომაც, რადგან გამოჯანმრთელება სურთ, არ მოსწონთ, რომ მუდამ ერთსადაიგივე სახეობის მკურნალობას უტარებდნენ, თუმცა ვერ გრძნობენ ექიმის მიერ წარმოებული მკურნალობის მრავალგვარობას. ისინი, თუმცა მდიდრები, იძულებულნი არიან, თავი დახარონ ბიწიერების წინაშე და ამიტომაც უკმაყოფილონი არიან. თანაც, რადგან აქეთ კეთილდღეობის შესაძლებლობა, ყველაფერს – ყოველგვარი შრომის ნაყოფს და მიწათმოქმედების შედეგად მიღებულ სიმდიდრეს ხარჯავენ იმისათვის, რომ გამოჯანმრთელდნენ – სრულებით არ ფიქრობენ იმაზე, რომ საბოლოოდ ბევრს ვერაფერს მიიღებენ.

8. მაგრამ ამაზე საუბარი საკმარისია. ავადმყოფის მდგომარეობის გაუარესებაც და შემსუბუქებაც ხომ ექიმის მეთვალყურეობას საჭიროებს. ამიტომაც, არაფერი სამარცხეინო არაა იმაში, თუ ექიმს თავისი გამოუცდელობის გამო რაიმე

გაუჭირდება ავადმყოფთან მიმართებაში და სხვა ექიმებს მოუხმობს დამხმარედ, რომლებთან ერთადაც (რომლებიც ეცდებიან დაეხმარონ მას) იგი უკეთ გაარკვევს ავადმყოფის მდგომარეობას.

ნელა მიმდინარე მძიმე ავადმყოფობის დროს, როცა სა-
შიშროება მატულობს, ძნელი მდგომარეობის გამო ბევრი
რამ გამოგვეპარება ხოლმე მხედველობიდან და ამიტომ ამ
დროს მტკიცედ უნდა ვიდგეთ ჩვენს მრწამსზე; მე ხომ არა-
სოდეს ვამტკიცებ, რომ ასეთ შემთხვევაში მხოლოდ ექიმის
დახელოვნებას ჰქონდეს გადამწყვეტი მნიშვნელობა. როცა
ერთად იკვლევენ ავადმყოფს ექიმები, ისინი არ უნდა წაეჩხ-
უბონ და არც უნდა დასცინონ ერთიმეორეს. მე ჩემი ფიც-
ით ვამტკიცებ, რომ ერთი ექიმის აღმოჩენამ არასოდეს არ
უნდა გამოიწვიოს მეორეს შური, ეს ხომ ამ უკანასკნელის
სისუსტის მაჩვენებელია, თვით ხელოსნებსაც არ ეკადრებათ
ასეთი საქციელი ქალაქის მოედანზე. ისიც ხომ სიმართლეა,
რასაც კონსულტაციებზე ამბობენ, – ნებისმიერ სისრულეს
ხომ რაღაც მაინც აკლია.

9. ყოველივე ამის გარდა ექიმის დახელოვნების ნათელი
მაჩვენებელია ისიც, თუ სწორად წარმართავს მკურნალობას
და ამავე დროს არ შეწყვეტს სწეულების გამხსნევებას...,
რომ ისინი მეტისმეტად არ დამწუხრდნენ სულიერად, რომ
ყველანაირად ეცადონ, რაც შეიძლება დააჩქარონ გამოჯან-
მრთელება.

რადგან ჩვენ წარვმართავთ ყოველივეს, რაც საჭიროა
გამოჯანმრთელებისათვის, ავადმყოფი რომ რჩევებს დროზე
მიიღებს, აღარ დაუშვებს შეცდომებს; ისე კი ავადმყოფები,
თავიანთი მძიმე მდგომარეობის გამო სასოწარკვეთილები,
კიდევ უფრო ავადდებიან და მალე ესალმებიან სიცოცხ-
ლეს. ხოლო თუ ის, ვისაც ვვალება ავადმყოფზე ზრუნვა,
გამოიყენებს საექიმო ხელოვნების მიღწევებს, შეუნარჩუნებს
ბუნებრივობას და არ შეცვლის მას, გაუქარვებს ავადმყოფს
არსებული მდგომარეობით გამოწვეულ მწუხარებას და ურ-
წმენობას. აკი ადამიანის კარგი განწყობილება არის მისი

რადაც ერთგვარი მდგომარეობა, რასაც იწვევს ბუნებრივი ურთიერთობა არა უცხო, არამედ ჩვეულებრივი თანაფარდობით შეთანხმებული სუნთქვასთან, სითბოსთან და სითხის გადაშუშავენასთან, ყველანაირ და ყოველგვარ კვებასთან და სხვა მრავალ ქმედებასთან, თუკი რამ ნაკლი არ ექნება დაბადებიდან ან ადრეული ასაკიდანვე; და თუ მაინც იქნება ეს უკანასკნელი, მაგრამ არა ძლიერი, უნდა ვეცადოთ, რომ იგი როგორმე დაეუბრუნოთ პირვანდელ მდგომარეობას; – სისუსტე, თუნდაც ხანგრძლივი, ხომ არაა ბუნებრივი მდგომარეობა.

10. ექიმი უნდა მოერიდოს აგრეთვე მეტისმეტ პრანჭიაობას და ძვირფასი სუნამოების ხმარებას, რადგან ყველაფერი გადაჭარბებული იწვევს ერთგვარ ეჭვსა და გაღიზიანებას, ყოველგვარი ზომიერება კი – კეთილგანწყობას. ერთ ადგილზე ტკივილები ასე თუ ისე ხომ ასატანია, მრავალ ადგილზე კი – აუტანელი, თუმცა კარგ გარეგნობას კი არ ვეწინააღმდეგები, პირიქით, მიმაჩნია, რომ იგი ექიმის ღირსებაცაა.

11. ასევე კარგად უნდა გვახსოვდეს ისიც, თუ რა ხდება ხოლმე ძვირფასი ხელსაწყოებისა და სხვა ასეთების ჩვენებისას.

12. ბრბოს წინაშე ლაქლაქი არაა საქებარი საქციელი; უკიდურეს შემთხვევაში პოეტთა გამონათქვამები მაინც არ უნდა მოვიხმოთ – ასეთი თავგადადება ხომ უძღურების ნიშანია; მე ვეწინააღმდეგები სხვისი შრომის ნაყოფის მხოლოდ სიტყვიერად გამოყენებას, რადგან იგი სასიამოვნოა მხოლოდ თავისთავად, ეს იმას პგავს, მუქთახორების ფუჭ შრომას რომ მიეხატოთ.

13. არაა სასურველი აგრეთვე მედიცინის შესწავლის დაგვიანებულ ასაკში დაწყება. მედიცინაში გვიან მოსულები ვერაფერს ახალს და ნამდვილს ვერ აკეთებენ და მხოლოდ ძველსა და გარდასულს თელიან სასარგებლოდ... და მაშინ იწყება წარუმატებლობა და კამათი, ყოველივე ახლის უარყოფა,... არ აქცევენ ყურადღებას ზრდილობას,

წეს-ჩვეულებებს და ვალდებულებებს, ღმერთების წინაშე დადებულ ფიცს; ექიმები, რომლებიც დაავადებებს უნდა ებრძოდნენ, იწყებენ განუწყვეტელ დამოძღვრას და სწავლებას უბრალო ხალხისას, რომლებიც მეტაფორებსა და გამონათქვამებში ეძებენ აზრებს; მეტიც, ხალხი ხომ შეკრებაზე საჭიროებს რჩევების მოსმენას ავადმყოფობათა შესახებ... ამიტომაც, სადაც მე წარემართავდი მკურნალობას, არასოდეს ვითხოვდი დახმარებას ასეთი მრჩეველებისაგან, რადგან ვიცოდი, რომ მართებული ცოდნის გაგება მათ არ გააჩნდათ. რადგან მათი უეიცობა უეჭველია, შევახსენებ მათ, რომ საჭიროა გამოცდილება და არა სხვისი აზრების ძებნა და ცოდნა; მართლაც, ვის რას არგებს სხვისი სხვადასხვა აზრების ცოდნა, თუ კარგად არაა დახელოვნებული, ვთქვათ, ქირურგიაში? ასე რომ მე გირჩევთ, კარგად დაუკვირდით მას, რასაც ისინი ამბობენ და შეეწინააღმდეგეთ მას, რასაც ისინი აკეთებენ.

14. ერთხელ დადგენილ დიეტაზე დიდხანს ნუ შეჩერდები. ავადმყოფის მადა ხანგრძლივია. როგორც დიდი შიშია მოსაფრთხილებელი, ასევე დიდი სიხარულიც საშიშია. საშიშია ჰაერის უცარი გამოცვლაც. აღერების ასაკში ყველაფერი სასიამოვნოა, ხანდაზმულში კი – პირიქით. ენის არევას იწვევს ან მისი ტკივილი, ან ყურების რამ მიზეზი, ანდა ის, რომ დააპირებს ერთის თქმას და ამბობს მეორეს, ან, თუ სანამ პირველ ჩანაფიქრს იტყოდეს, დაფიქრდება მეორეზე. ეს, რაიმე ხელშესახები დაავადების გარეშე ემართებათ იმათ, რომლებიც ხელოვნების შესწავლით არიან დაკავებული. ზოგჯერ პატარა საგნის ძალა, მისი ასაკის შესაბამისად, უდიდესია. ავადმყოფობის ცვალებადობა მისი ხანგრძლივობის მაუწყებელია, კრიზისი კი – მისი დასასრულის. მცირე დაავადება წამლით იკურნება, თუ იგი რომელიმე სასიცოცხლო ნაწილში არაა. გასაჭირის გამო გამოხატული თანაგრძნობა ავადმყოფს აღიზიანებს ზოგიერთები იტანჯებიან ხოლმე სხვისი ტანჯვის გაზიარების გამო.

ხმამაღლა ლაქლაქი 'შემაწუსებელია. ჯანმრთელობისათვის
სასარგებლო ადგილი სასიამოვნოა.

ეპიდემიები.

ნაწილი პირველი

თავი პირველი

ამინდის პირველი მდგომარეობა

კუნძულ თასოსზე შემოდგომის ბუნიობისა და პლევიადების ამოსვლის დროს იყო დიდი, შეუწყვეტელი და წყნარი წვიმები სამხრეთის ქართან ერთად. ზამთარი იყო სამხრეთული, ნელა უბერავდა ჩრდილოეთის ქარები. იყო სიმშრალე..., მთლიანობაში ზამთარი გაზაფხულს უფრო ჰგავდა. გაზაფხულიც იყო სამხრეთული, თუმცა ცივი, მცირე წვიმებით. ზაფხული ძირითადად იყო ღრუბლიანი, არ იყო წვიმები, ეტესიები იშვიათად ქროდნენ მსუბუქად და სხვადასხვაგვარად, □ ასე რომ, ამინდის სამხრეთულობისაკენ საერთო გადახრისას, სიმშრალის დროს, გაზაფხულის დადგომისთანავე ატმოსფეროს მდგომარეობა რომ გახდა თითქმის საწინააღმდეგო და ჩრდილოური, მრავალს შეეყარა მწვავე ციებ-ცხელება ნელი მიმდინარეობით. ამასთანავე მხოლოდ ცოტას დაეწყო ცხვირიდან სისხლის დენა და ავადმყოფთაგან არავინ გარდაცვლილა, თუმცა მრავალს გაუჩნდა სიმსივნეები ყურებთან ზოგს ცალ და ზოგს ორივე მხარეს. უმეტესობამ იგი ფეხზე, უსიცხოდ გადაიტანა, მხოლოდ რამდენიმემ იგრძნო მცირეოდენი სიცხე. ყველას უვნებლად გაუარა ამ სიმსივნეებმა, არავის არ დაჩირქებია ისე, როგორც ეს სხვა მიზეზის გამო ხდება ხოლმე. გარეგნულად ისინი იყვნენ რბილები, დიდები, გაშლილები. ისინი ნელ-ნელა ყველას გაუქრა ყოველგვარი ანთების, ტკივილისა და კვალის გარეშე. გაუჩნდათ ისინი მოზარდებს, ყმაწვილებს, მოწიფულებს და ამ უკანასკნელთაგან უმეტესად იმათ, რომლებიც ვარჯიშობდნენ გიმნასტიკასა და ორთაბრძოლაში. ქალთაგან იგი მცირეოდენთ დაემართა. ავადმყოფთა უმრავლესო-

ბას ჰქონდა მშრალი ხველა – ახველებდნენ და ამონახველს ვერაფერს იღებდნენ. ხმა ჰქონდათ ხრინწიანი. მალე, ზოგიერთს კი საკმაო დროის გასვლის შემდეგ დაემართა ცალი, ზოგს კი ორივე ყვერის მტკივნეული ანთება. ზოგს მისცა სიცხე, ზოგს – არა. უმეტესობამ ეს ძნელად გადაიტანა. სხვა ყველაფრისაგან, რასაც მკურნალობა სჭირდება, მოსახლეობა თავისუფალი იყო.

II. ზაფხულის დასაწყისში, მთელი ზაფხულის განმავლობაში და ზამთარშიც კი ყველა ისინი, რომლებიც ჭლექით იტანჯებოდნენ დიდი ხნის განმავლობაში, ჩაწვნენ და ამასთანავე მრავალთ, რომლებშიც ჯერ კიდევ ეჭვი ეპარებოდათ, ჭლექი დაუდასტურდათ. იყვნენ ისეთებიც, რომელთაც ჭლექი მაშინ პირველად დაემართათ. როგორც ჩანს, ასეთები ძირითადად ისინი იყვნენ, რომელთაც რაიმე მიდრეკილება ჰქონდათ მისკენ. მათგან მრავალი და თვით უმრავლესობაც კი დაიხოცა უმოკლეს დროში. ეს კი არა და, არც კი ეიცო, გადარჩა მათგან ვინმე თუ არა. პირიქით, ისინი უფრო მალე დაიხოცნენ, ვიდრე ხდება ხოლმე ასეთი დაავადებების დროს; მეტიც, როცა სხვა დაავადებები, უფრო ხანგრძლივები და სიცხიანები მათ გადაიტანეს და არ დახოცილან. ამ დაავადებათა შესახებ კი ცოტა ქვემოთ.

ჭეშმარიტად, ჭლექი ეს იყო ერთადერთი ყველაზე ძნელი და გავრცელებული დაავადება მაშინ, რომელმაც მრავალი ადამიანი დახოცა. მათგან უმრავლესობას ჰქონდა შემდეგი სახის ტკივილები: გამუდმებული და მალალი სიცხე, რომელმაც წუთითაც არ ცხრებოდა. სამდღენახვერიანები იყვნენ ესენი... ერთ დღეს იყვნენ უფრო მსუბუქნი, მეორე დღეს კი ძლიერდებოდნენ და გამოირჩეოდნენ აღმავალი გაუარესებით. გამუდმებული ოფლიანობა, მაგრამ არა მთელ სხეულზე. უმეტესად უცივდებოდათ კიდურები და ძნელად თუ უთბებოდათ. ეშლებოდათ კუჭი და გამოყოფდნენ ნაღვლისფერ, მცირეოდენ, შეურეველ, თხელ, მწვავე განავალს. მაღიმალდგებოდნენ. შარდი ჰქონდათ ან წმინდა, გადაუხარშავი, უფერული, მცირეოდენი, ან სქელი, ცუდი მდგომარეობის,

გადაუხარშავი, არაშესაფერისი დანალექით. ამოახველებდნენ ცოტას, სქელს, უმწიფარს, ხშირად და ძნელად. ავადმყოფები, რომლებიც უფრო მძიმედ იყვნენ, ვერ ჭამდნენ ვერაფერს, მაგრამ ბოლომდე იღებდნენ ნედლ ნახველს. მათ უმრავლესობას დასაწყისიდან დასასრულამდე სტკიოდა ყელი, თან ახლდათ სიწითლე და სიცხე, ჰქონდათ ცოტა, თხელი და მწვავე განავალი, სწრაფად იფიტებოდნენ და დნებოდნენ, არ ჭამდნენ არაფერს, არც წყურვილის გრძნობა ჰქონდათ. მრავალი მათგანი სიკვდილის წინ ბევრს ლაპარაკობდა. აი, ეს უნდა ითქვას ჭლექიანების შესახებ.

III. ხოლო ზაფხულსა და შემოდგომაზე გამოვლინდა მრავალი და არც თუ ძლიერი, მაგრამ განუწყვეტელი ციებ-ცხელება, ხანგრძლივი, მაგრამ სხვა მხრივ არც თუ ძნელი მიმდინარეობით; უმეტესობას კუჭი ჰქონდა მსუბუქად აშლილი და რაიმე მნიშვნელოვანი ზიანი არაუჩინებია. უმეტესობას შარდი ჰქონდა კარგი ფერისა და წმინდა, თუმცა მცირე და კრიზისის დროს გამომუშაებულ ი. ახველებდნენ არც თუ ძლიერად, ამონახველს ადვილად იღებდნენ, საჭმელს არ უარობდნენ; ეს კი არა და, ბევრის მიცემაც კი შეიძლებოდა. საერთოდ გადაიტანეს დაავადება არა ჭლექიანების მსგავსად, არამედ ციებ-ცხელებით, სიცხეებითა და ჩამცივნებებით, მცირედ ოფლიანობდნენ. ზოგს ჰქონდა გამწვაებული და ცვალებადი ციებ-ცხელება. ზოგის ძალიან ხანმოკლე იყო დაავადება, მათ გარდატეხა სულ რაღაც ოც დღეში ეწყებოდათ, უმეტესობას კი 40, ზოგსაც 80 დღის შემდეგ. ზოგჯერ არც ასე ხდებოდა, ზოგს იგი ჰქონდა მოხეტიალე სახის, გარდატეხის გარეშე. ასეთებს უმეტეს შემთხვევაში ციებ-ცხელება რამდენიმე ხნის შემდეგ უბრუნდებოდა უკანვე და ბოლოს იგივე დროის გასვლის შემდეგ გამოჯანმრთელდებოდნენ ხოლმე. ზოგიერთებს იგი ისე გაურთულდა, რომ ზამთრამდეც კი ავადმყოფობდნენ, მაგრამ ყველა მათგანიდან, რომელთა შესახებაც აქ წერია, მხოლოდ ჭლექიანებს ჰქონდა სასიკვდილო დასასრული. სხვამ ყველამ სენი შედარებით ადვილად გადაიტანა და

სხვა ციებ-ცხელებათა შემთხვევაში სიკვდილიანობა არ ყოფილა.

IV. კუნძულ თასოსზე ადრეულ შემოდგომაზე დაიწყო უდროო, ანაზღეული, ჩრდილოეთისა და სამხრეთის ძლიერი ქარები დიდძალი ნალექით და თავსხმა წვიმებით. ყოველივე ეს მოხდა პლეიადების ჩასვლამდეც და პლეიადების დროსაც. ზამთარი იყო ჩრდილოური. დიდი, ხშირი, ძლიერი წვიმები, თოვლი. ხანდახან ნახევრადმოწმენდილი ცა. მაგრამ, ამავე დროს, შესაბამის დრომდე არ აცივებულა. თუმცა ზამთრის ნაბუნობებს შემდეგ, მაშინ, როცა ქროლვას იწყებს დასავლეთის ქარი, ზამთრის ბოლოს დაიწყო ძლიერი ყინვები, ხშირი ჩრდილოეთის ქარები, გამუდმებული წვიმები და თოვლი, ცა იყო ნისლიანი და ღრუბლიანი. ასე გაგრძელდა უწყვეტლივ დღე-ღამსწორობამდე. გაზაფხული იყო ცივი, ჩრდილოური, ღრუბლიანი და წვიმიანი, ზაფხული კი — არც ისე ცხელი. ეტესიები გამუდმებით უბერავდნენ. მაღე, არკტურის ამოსვლის წინ, კვლავ დაიწყო ჩრდილოური ქარები და წვიმები.

V. თუმცა მთელი წელი ტენიანი, ცივი და ჩრდილოური იყო, ზამთარში უმეტესობა თავს კარგად გრძნობდა. გაზაფხულის დაწყებისას კი მრავალი და უმეტესობაც კი გამუდმებით ავადმყოფობდნენ. პირველად დაეწყოთ თვალებიდან კატარალური, მტკივნეული გამონადენები, თვალეზე გაუჩნდათ პატარა, ჩირქოვანი, უმრავლესობისათვის ძნელად მოსაშორებელი მუწუკები. ხშირ შემთხვევაში რეციდივით. მორჩნენ გეიან შემოდგომაზე. ზაფხულისა და შემოდგომის განმავლობაში ჰქონდათ დისენტერიები, ჭინთეები, ლეიენტერიები, ასევე ნაღვლისფერი ფაღარათი დიდი რაოდენობით, თხელი, მოუნელებელი და მწვავე განაეალი, ზოგიერთს მთლად წყწლ-წყალა. მრავალს დაეწყო ნაღვლისფერი, წყალ-წყალა, ნამცეცებიანი, ჩირქოვანი და მტკივნეული გამონადენები, არანეფრიტული შარდშეკაეებები, თუმცა ერთის მაგიერ მეორე ნიშანი გამოუჩნდებოდათ ხოლმე. ჰქონდათ ლორწოვანი პირღებინებები. აღებინებდნენ ნაღველმინარეე,

მოუნებელ საჭმელს. ყველას ჰქონდა საერთო ოფლიანობა. მრავალმა ეს გადაიტანა უსიცხოდ და მოსიარულემ, თუმცა მრავალს სიცხეც მისცა, რომელთა შესახებ ქვემოთ ვიტყვით. რომელთაც ყოველივე ზემოთდაწერილი შეემჩნეოდა, ბევრს წვალობდნენ, ახველებდნენ.

შემოდგომასა და ზამთარში გამოვლინდა გამუდმებული სიცხეები: ზოგიერთს მწვავე, ერთდღიანი, ერთღამიანი, სამდღენახვერიანი, ზუსტად სამდღიანი, ოთხდღიანი, ცვალებადი. თითოეული ჩამოთვლილი ცხელებები ძალიან ბევრს დაემართა.

VI. ასე რომ, მწვავე ციებ-ცხელებები ძალზე ცოტას დაემართა და სხვებთან შედარებით ესენი ნაკლებად იტანჯებოდნენ, არც სისხლი სდიოდათ ცხვირიდან, მხოლოდ სულ ცოტა და ისიც იშვიათად თუ წამოუვიდოდა ზოგიერთს. არც ბოდავდნენ და ყველაფერმა სხვაამაც ადვილად ჩაიარა. ყველა სრულიად წესისამებრ, უმეტესობა ჩვიდმეტი დღის განმავლობაში გამოჯანმრთელდა და არა მგონია, რომ მაშინ ამ დაავადებით ვინმე მომკვდარიყო, არც რამ ფრენიტი დამართნია ვინმეს. სამაგიეროდ სამდღიანი ციებ-ცხელებები იყო მეტი და უფრო ძნელი, ვიდრე ეგრეთწოდებული მწვავეები. ყველა ავადმყოფთან ისინი პირველი შეტევიდან მეოთხე პერიოდამდე მიმდინარეობდნენ ზომიერად. მეშვიდე პერიოდში მათ ჰქონდა ბოლო კრიზისი და არავის არ შებრუნებია. ოთხდღიანი ციებ-ცხელებები კი უმეტესობას თავიდანვე უვითარდებოდა ზუსტად ოთხდღიანების შესაბამისად, ზოგიერთს კი, არც თუ ცოტას, ოთხდღიანი ციებ-ცხელებები გაუჩნდა სხვა სახის ციებ-ცხელებებიდან და მიმდინარეობდნენ მტკივნეულად და ნივთიერებათა დანალექით. ასეთ შემთხვევაში ისინი იყვნენ ჩვეულებრივ გახანგრძლივებულები და ზოგჯერ კიდევ უფრო ხანგრძლივები. მოხეტიალე და ღამეული ერთდღიანი ციებ-ცხელებები მრავალს ჰქონდა. ამათგან ავადმყოფობა ზოგმა ფეხზე გადაიტანა, ზოგმა კი მწოლიარემ. მათ შორის მრავალს ეს დაავადება ჰქონდა პლევადების დროს და თვით ზამთარშიც კი. მრავალს, გან-

საკუთრებით ბავშვებს თავიდან დაეწყო კრუნჩხვები. ხანგრძლივი კრუნჩხვები ჰქონდა აგრეთვე მრავალს ციებ-ცხელებების შემდეგაც, მაგრამ უვნებლად. ასე რომ არაგისათვის არ ყოფილა იგი სასიკვდილო.

VII ხოლო გაუნელებელი ციებ-ცხელებები და საერთოდ ისინი, რომლებიც არანაირად არ წყდებოდნენ და მწვაედებოდნენ, სამდღიანთა მსგავსად იყვნენ ერთ დღეს მსუბუქნი, მეორე დღეს კი უფრო ძლიერები. ისინი ყველა მაშინდელ დაავადებათა შორის იყვნენ უმძიმესნი, უხანგრძლივესნი და უძნელესნი, ისინი თავიდან მსუბუქნი იყვნენ, შემდეგ კი უცებ მწვაედებოდნენ და უარესდებოდნენ. ზოგჯერ მცირეოდნად ნელდებოდნენ, მაგრამ შუალედის შემდეგ ძლიერ მძვინვარებდნენ და ავადმყოფები კრიტიკულ დღეებში ყველაზე მეტად იტანჯებოდნენ, დაეწყოთ უწეს-რიგო და არასწორი ჩამცივნებები, ამათ უფრო მცირე და უფრო იშვიათი, მაგრამ სხვა ციებიანებთან შედარებით უფრო ხანგრძლივი. ჰქონდათ ხშირი, მაგრამ არცთუ ძლიერი ოფლიანობა, თუმცა ეს კი არ უმსუბუქებდათ მდგომარეობას, არამედ უუარესებდათ კიდევ, საშინლად უცივდებოდათ კიდურები და დიდი გაჭირვებით თუ უთბებოდათ. საერთოდ ყველანი იტანჯებოდნენ უძილობით, მაგრამ ესენი ყველაზე მეტად, შემდეგ კი ძილქუში ეწყებოდათ. კუჭი ყველას აშლილი და ცუდადმოქმედი ჰქონდა, ამათ კი კიდევ უარესად. შარდი უმეტეს მათთაგანს ჰქონდა წყალ-წყალა, უმწიფარი და უფერული, ცოტა ხნის შემდეგ კი-მეტ-ნაკლებად გადახარშული (როგორც კრიზისის დროს იცის), ან გამოირჩეოდა სიბლანტით, თითქოს არც მღვრიე და არც დანალექიანი, ანდა დანალექი იყო მცირეოდენი, საზიზღარი და მოუნელებელი, ეს უკანასკნელი კი უკიდურესად უსაზიზღრესი. სიცხეებს თან ახლდა ხველა, მაგრამ არ შემიძლია ვთქვა, რაიმე ზიანი ან სარგებლობა თუ მოუტანა ამან ავადმყოფებს.

VIII. ეს დაავადებები იყვნენ ხანგრძლივები და საკმაოდ ძნელები, მიმდინარეობდნენ უწესრიგოდ და მოხეტიალედ. უმეტეს შემთხვევაში ისინი უკრიზისოდ მთავრდებოდნენ

მათთვის, ვინც საშიშ მდგომარეობაში იყვნენ, თუმცა მათთვისაც, ვისაც რაიმე საშიშროება ემუქრებოდა, ან-არა. თუ ვინმეს ისინი მცირედ მაინც შეუმსუბუქდებოდნენ, მაღე ისევ უძლიერდებოდნენ. იყო ისეთი შემთხვევებიც, როცა ავადმყოფობა სულ ცოტა ოთხმოც დღეს გრძელდებოდა, მაგრამ ზოგიერთებს იგი ისევ გაუმეორდა და მრავალი ზამთარშიც კი ავადმყოფობდა. მრავალი მათგანი უკრიზისოდ მთავრდებოდა და ეს ყველას ერთნაირად შეემთხვა, ვინც გადარჩა და ვინც არა. თუმცა მრავალი სხვადასხვაობა დასტურდებოდა ამ დაავადებებში კრიზისის არარსებობისას, მაგრამ უმეტესი და ყველაზე უარესი ნიშანი, რომელიც უმეტესობას ბოლომდე თან სდევდა ის იყო, რომ ავადმყოფები არ ღებულობდნენ არავითარ საკვებს, განსაკუთრებით კი ისინი, რომელთა მდგომარეობა საშიში იყო. ძლიერი და არადროული წყურვილი ამ ციებ-ცხელების დროს არ დადასტურებულა. დიდი ხნის გასვლის, მრავალი ტანჯვის და ძლიერი განღევის შემდეგ დაეწყო ასეთ ავადმყოფებს სითხის დაგროვება, - ან ბევრის, რომელსაც არ შეეძლო რაიმე ზიანის მიყენება, ან მცირეოდენის, რომელსაც არ შეეძლო რაიმე სიკეთის მოტანა, მაგრამ ისეთები, რომლებიც უკანვე მიიქცეოდნენ ორგანიზმში და იწვევდნენ გაუარესებას.

IX. ასეთებს დაეწყოთ დისენტერიები და ჭინთეები, ლიენტერიები და მწვავე ფალარათები, ზოგიერთებს წყალმანკები იგივე ნიშნებით ან მათ გარეშე. რაც ყოველივე ამათგან ძლიერი ძალით გამოვლინდა, მაღე აძაბუნებდა ავადმყოფს და უკანვე აბრუნებდა მისკენ, რასაც არ მოჰქონდა არავითარი სარგებლობა. გამოვლინდნენ წვრილ-წვრილი და ამგვარი დაავადებისათვის არაშესაფერისი მუწუკები და მაღევე გაქრნენ, ანდა დაუსივდათ ყურები, რამაც მაღევე გაიარა და არ ჰქონდა არავითარი მნიშვნელობა. ზოგიერთ ავადმყოფს გამოუვლინდა დანალექები სახსრებში, (განსაკუთრებით თქმობის სახსრებზე). ზოგიერთებს ამან კრიზისის დროს გაუარა და მაღევე კვლავ ძველ მდგომარეობას დაუბრუნდნენ.

X. ყველანაირი დაავადებით იღუპებოდნენ ადამიანები, მაგრამ განსაკუთრებით ამით. მათ შორის ძუძუს ახლად-მოწვეტილი ბავშვები და ცოტა უფროსებიც: რვაწლისანი, ათწლისანი და ჯერ კიდევ მოუწიფავები. ყოველივე ეს მათ დაემართათ არა ზემოთაღწერილი, არამედ ამ უკანასკნელი ნიშნების გარეშე. მხოლოდ ერთი აღმოჩნდა სასარგებლო და ასე თუ ისე გადამრჩენი ნიშანი, რომელმაც მრავალი იხსნა დანამუქრები უდიდესი საშიშროებისაგან. — ესენი იყვნენ, რომელთაც ყველაფერი შარდის შეფერხებით დაუმთავრდათ და სწორედ აქ წარმოექმნათ დანალექები, აკი შარდის შეფერხება განსაკუთრებით დაემართათ ზემოთმითითებული ასაკის ადამიანებს, თუმცა იგი დაემართათ სხვებსაც, მოსიარულეთაც და მწოლიარეთაც. ასეთებს მრავალს გამოუვლინდა ყველაფრის რაღაც სწრაფი და დიდი ცვალებადობა. კერძოდ, თუ კუჭი ძლიერ ჰქონდათ აშლილი, უმაღლეს ეკერებოდან და დიდი სიამოვნებით ღებულობდნენ ყოველგვარ საჭმელს და ციებ-ცხელება ამის მერე თანდათან ნელდებოდა. რაც შეეხება შარდის შეფერხებას, ეს მათთვის იყო ხანგრძლივი და მეტად მტკივნეული. შარდს გამოყოფდნენ ბევრს, სქელს, სხვადასხვაგვარს და წითელი ფერისას, ზოგჯერ ჩირქიანსაც და მტკივნეულად. მაგრამ ისინი ყველანი გადარჩნენ და არა მგონია, რომ ვინმე დაღუპულიყო.

XI. საშიში შემთხვევების დროს კარგად უნდა დავაკვირდეთ იმ ნივთიერებების მომწიფების ხარისხს, რომლებიც ნებისმიერი მხრიდან გამოედინებიან; ასევე-ყოველგვარ დანალექს, სასიკეთოსაც და სასარგებლოსაც. კარგად მონელევა გარდატეხის მოახლოების მანქენებელი და გამოჯანმრთელების ნამდვილი მაწიფებელია, ნედლი და მოუნელებელი კი, და ყველაფერი, რაც ცუდ დანალექს წარმოქმნის, მიუთითებს გარდატეხის სიშორეზე და ტკივილების გაგრძელებაზე, ან სიკედილზე, ან ყოველივე ამის უკუქცევაზე. ყოველივე ამათგან თუ რომელი მოხდება ყველაზე ადრე, სხვა ნიშნებზე დაკვირვებით უნდა გავიგოთ: უნდა გავეცნოთ ავადმყოფობის წარსულს, უნდა შევისწავლოთ მისი ახ-

ლანდელი მდგომარეობა და უნდა შეეძლოთ მისი მომავლის განჭვრეტა. ამაში ბევრი უნდა ვივარჯიშოთ. დაავადებათა წინააღმდეგ ბრძოლა ესაა: “დაეხმარე და არათუ ავნო”. საექიმო ხელოვნება ეს სამი რამაა: ავადმყოფობა, ავადმყოფი, ექიმი. ექიმი ამ ხელოვნების მსახურია, ავადმყოფი კი ექიმთან ერთად უნდა ებრძოდეს დაავადებას.

XII. ტკივილები სიმძიმის შეგრძნობით თავსა და კისერში არის ხოლმე სიცხითაც და უსიცხოდაც. ფრენტიანებისათვის ეს კრუნჩხვებისა და ჟანგისფერი პირღებინების მომასწავებელია და მათგან ზოგიერთები მალე იღუპებიან. მწვავე და სხვა ციებ-ცხელებების დროს, რომელთაც დაეწყებათ კისრის ტკივილი და საფეთქლებში სიმძიმის შეგრძნება, თითქოს რომ შავ ლაქებს ხედავენ და ნეკნებქვეშ რომ უმტკივნეულო დაძაბულობას იგრძნობენ, ცხვირიდან სისხლისდენა დაეწყებათ, ხოლო რომლებიც სიმძიმეს იგრძნობენ მთელ თავში, ასტკივდებით მუცელი, დაეწყებათ პირღებინება და ამოადებინებენ ნაღვლისფერსა და ღორწოვანს. ასეთ შემთხვევაში ბავშვებს ხშირად ეწყებათ კრუნჩხვები, ასევე ემართებათ ქალებს და ამავე დროს ეწყებათ ტკივილები საშვილოსნოში. ხანში შესულებს და ყველას, ვისაც აღარ ჰყოფნის სითბო, ზოგს ემართება დამბლა, ზოგს მანია, ზოგი კი ბრმადება.

XIII. კუნძულ თასოსზე არკტურის ამოსვლამდე ცოტა ხნით ადრე და არკტურის დროს იყო ხანგრძლივი და თავსხმა წვიმები ჩრდილოეთის ქართან ერთად. დღელამსწორობისას და თვით პღვიადებამდე კი - ზომიერი, სამხრეთული წვიმები. ზამთარი იყო ჩრდილოური, მშრალი, ცივი, დიდი ქარებით. გაზაფხულიც ჩრდილოური, მშრალი, მცირე ნალექით. ზაფხულის ნაბუნობევეს ქოფაკის თანავარსკვლავედამდე დაიწყო მცირე წვიმები და ძლიერი სიცვიეები, ხოლო ქოფაკის თანავარსკვლავედიდან ვიდრე არკტურამდე დაიწყო ცხელი ზაფხული, განუწყვეტელი, გამუდმებული და სასტიკი სიცხეები, არ იყო არანაირი წვიმები, ქროდნენ ეტესიები.

მხოლოდ არკტურის დროს დაიწყო სამხრეთული წვიმები და გაგრძელდა დღე-ღამისწორობამდე.

XIV. ამინდის ასეთი მდგომარეობის გამო ზამთარში დაიწყო პარაპლეგიები და მრავალს დაემართა იგი. მათ შორის რამდენიმე მალევე დაიღუპა კიდევც და, თუმცა ეს დააეადება მოარული იყო, ბევრი გადაურჩა.

აღრე გაზაფხულზე დაიწყო მწვავე ციებ-ცხელებები, მძვინვარებდა დღე-ღამისწორობამდე და ზაფხულამდეც კი. ვინც მაშინვე, გაზაფხულის ან ზაფხულის დადგომისთანავე დაავადდა, მათი დიდი ნაწილი გადარჩა, რამდენიმე კი დაიღუპა. შემოდგომაზე კი ისინი სასიკვდილონი გახდნენ და ავადმყოფთა უმეტესობა დაიღუპა. ეს ცხელებები ისეთი ხასიათისანი იყვნენ, რომ ისინი, ვისაც ცხვირიდან სისხლი უხვად და კარგად წამოუვიდა, ამის წყალობით გადარჩნენ და მე არ ვიცი ვინმე ასეთი, რომ ამინდის ამგვარი მდგომარეობის დროს მომკვდარიყო. ვინმე ფილისკს, ეკამენონს და სილენოსს მეოთხე და მეხუთე დღეს ცხვირიდან მხოლოდ მცირეოდენი სისხლი წამოუვიდათ და, ამიტომ დაიღუპნენ. ავადმყოფთაგან უმრავლესობას და განსაკუთრებით მათ, რომელთაც ცხვირიდან სისხლისდენა არ ჰქონდათ, კრიზისის დროს ჩაამცივნათ, მერე კი ოფლიც წამოუვიდათ.

XV. ზოგიერთს მეექვსე დღეს დაემართა სიყვითლე, მაგრამ მათ უშველა ან საშარდე ბუშტიდან განწმენდამ, ან კუჭის აშლამ, ანდა ცხვირიდან ძლიერმა სისხლდენამ, როგორც მაგალითად ჰერაკლიდეს, რომელიც იწვა არისტოკიდესთან. თუმცა მას ხომ ცხვირიდან ძლიერი სისხლისდენაც ჰქონდა, კუჭიც აეშალა და საშარდე ბუშტიდანაც გაიწმინდა და გამოჯანმრთელდა მეოცე დღეს ისე კი არა, როგორც ფანაგორეს მსახური, რომელსაც არაფერი ასეთი არ დამართნია და სწორედ ამიტომ გარდაიცვალა. ძალიან ბევრს ჰქონდა ცხვირიდან სისხლისდენა, უმეტესად კი მოზარდებსა და შეღერებულებს, მაგრამ მრავალნი მაინც ისინი დაიხოცნენ, რომელთაც ცხვირიდან სისხლისდენა არ ჰქონდათ. ხანდაზმულებს იგი გადაეზარდათ სიყვითლეში ან ფალარათში,

როგორც მაგალითად ვინმე ბიონს, რომელიც იწვა სელენოსის კლინიკაში. დისენტერიები გახშირდნენ ზაფხულში და ზოგიერთს, რომელსაც აგრეთვე ცხვირიდან სისხლისდენა ჰქონდა, ბოლოს ასევე დისენტერიით დაუმთავრდა, როგორც მაგალითად ერატონოსის მონას და მილოსს, რომელთაც ძლიერი სისხლისდენის შემდეგ დაემართათ დისენტერია და გადარჩნენ. მართლაც, ძირითადად ეს სითხე მბრძანებლობდა უმეტესობაზე, რამეთუ მათ, ვისაც კრიზისის დადგომისას ცხვირიდან სისხლი არ წამოუვიდა და ყურების ახლოს გაჩენილი სიმსივნეები გაუქრა, რომელთა გაქრობისას სიმძიმის შეგრძნება ჰქონდათ მარცხენა საზარდულიდან თქოს თავამდე, როცა კრიზისის მერე დაეწყეთ ტკივილი და წყალ-წყალა შარდის გამოყოფა, ზოგიერთს ცხვირიდან სისხლი წამოუვიდა და 24-ე დღეს დანალექიც სისხლისდენით დასრულდა. მაგალითად კრიტებოლე ანტიფანტის ძეს სენი შეუნელდა და საბოლოოდ შეუწყდა კიდევ მეორმოცე დღეს.

XVI. მაშინ ქალებიც დაავადდნენ, თუმცა მამაკაცებზე ნაკლებნი და არც ისე ბევრი დაღუპულა. სამაგიეროდ მათგან ძალიან ბევრი ძნელად მშობიარობდა და მშობიარობის შემდეგ კვლავ ავადმყოფობდნენ.

ასეთთაგან ბევრი დაიღუპა კიდევ, მაგალითად ტელეზულეს ქალიშვილი მოკვდა მშობიარობიდან მეექვსე დღეს. ძალზე ბევრს ამ სიცხეების დროს დაეწყო მენსტრუაცია და ქალიშვილებს მაშინ იგი პირველად მოუვიდათ. ზოგიერთს ცხვირიდან სისხლისდენაც დაეწყო, ზოგს ორივე, მენსტრუაციაც და ცხვირიდან სისხლისდენაც, როგორც მაგალითად დაითარსეს ქალიშვილს, ქალწულს თვიურიც მაშინ პირველად წამოუვიდა და ცხვირიდანაც ბევრი სისხლი დაღვარა. და მე არა მგონია, რომ მათგან ვინმე დაღუპულიყოს, რადგან ყველაფერმა ამან კარგად ჩაიარა. ხოლო მათ, რომლებიც ფეხმძიმობისას დაავადდნენ, როგორც ვიცი, ყველას მუცელი მოეშალა.

XVII. შარდი უმეტესობას კარგი ფერისა ჰქონდა, მაგრამ წყალ-წყალა და მცირეოდენი დანალექით. უმეტესობას კუჭი ჰქონდა აშლილი და ამონაღები იყო თხელი და ნაღველმინარევი. მრავალს კრიზისის შემდეგ დაავადება დისენტერიაში გადაუვიდა, როგორც მაგალითად ქსენოფანეს და კრიტოსს. ზოგს შარდი ჰქონდა უხვი, წყალ-წყალა, თხელი, სუფთა და კრიზისის შემდეგ მასში წარმოიქმნებოდა კარგი დანალექები. მაშინ ყველა სხვა დანარჩენიც კარგად დამთავრდა. ჩამოეთელი, თუ ვინ იყენენ ესენი: ბიონი, რომელიც იწვა სიღუნოსთან; კრატიდი, რომელიც იწვა ქსენოფანესთან, არეტონის მონა და მნესისტრატეს ცოლი. ბოლოს ყველა მათგანს დისენტერია დაემართა. არკტურის ამოსვლისას კი, კრიზისიდან მეთერთმეტე დღეს, მრავალი განიკურნა და დაავადება აღარ შებრუნებია, როგორც ეს ჩვეულებრივ ხდება ხოლმე, მაგრამ ამავე დროს იყო ძილქუშის შემთხვევებიც, განსაკუთრებით ბავშვებში და, მათგან რამდენიმე დაიღუპა კიდევ.

XVIII. დღე-ღამტოლობისა და პღეიადების დროს (და ზამთარშიც კი) გაგრძელდა ძღიერი ციებ-ცხელებები. ამავე დროს მაშინ მრავალს დაემართა ფრენიტი და ბეერი დაიღუპა. ზაფხულში ფრენიტი ძალიან ცოტას დაემართა. მწვავე ციებ-ცხელების დასაწყისი კარგად აჩვენებდა, თუ ვის ემუქრებოდა სიკვდილი, რადგან ამათ დაეწყოთ მწვავე ციებ-ცხელებები ცოტა ჩამცივნებით, უძილობით, წყურვილით, ღებინებით, მცირეოდენი ოფლიანობით შუბლსა და ლაფიწებში, (ზოგჯერ მთელ სხეულზეც). ბევრს ბოდაედნენ, ეშინოდათ, დაეცნენ სულიერად, დაუცივდათ კიდურები, განსაკუთრებით ფეხებისა და ხელების ბოლოები. ეს გამწვაებები მხოლოდ ლუწ დღეებში ხდებოდა. უმეტესობას ძღიერი ტკივილები და განსაკუთრებით ცივი ოფლი ჰქონდა მეოთხე დღეს. ხელები უკვე აღარ უთბებოდათ, ჰქონდათ გაცივებულები და დაღურჯებულები. ამავე დროს არც სწყუროდათ. შარდი ჰქონდათ მცირეოდენი, შავი, თხელი, დაეწყოთ კუჭის შეკრულობა, ცხვირიდან სისხლი არავის წამოსვლია. ვისაც

ყოველივე ეს შეემთხვა, სულ ცოტა რამ დენა ჰქონდა მხოლოდ რამდენიმეს. რეციდივამდე არავინ მისულა, მაგრამ მეექვსე დღეს ოფლიანობით დაიღუპნენ. ფრენტიანებსაც დაემართათ ყოველივე ზემოთაღწერილი, მაგრამ მათ უმრავლესობას კრიზისი მეთერთმეტე, ზოგიერთს კი—მეოცე დღეს დაეწყო. მათ, რომელთაც ფრენტი თავიდან, მესამე, ან მეოთხე დღეს დაეწყო და დაავადება პირველივე დღეებიდან ზომიერად მიდიოდა, მეშვიდე დღეს გაუმწვავდათ.

XIX. ასე რომ მრავალგვაროვანი იყო ეს დაავადებები. ავადმყოფთაგან უმეტესად დაიღუპნენ მოზარდები, ყმაწვილები, მოწიფულები, ქოსები, თეთრკანიანები, სწორთმიანები, შავთმიანები, შავთვალეები, რომლებიც მეტ-ნაკლებად ჭკუასუსტები იყვნენ, წერილხმიანები, უხეშხმიანები, ბლუები, გულფიცხები. ასეთივე თვისებების ქალებიც უმეტეს შემთხვევაში კვდებოდნენ. ამინდის ასეთი მდგომარეობის დროს უმეტესად გადარჩნენ შემდეგი 4 თვისების მქონებელნი: კერძოდ, 1. რომელთაც წინასწარ ჰქონდათ ცხვირიდან ძლიერი სისხლისდენა; 2. რომელთაც საშარდე ბუშტიდან გამოეყოთ ბევრი შარდი სასიკეთო და უხვი დანალექით; 3. რომელთაც აშლილი კუჭიდან დროულად გამოეყვეს ნალექნარევი განავალი; 4. რომელთაც დაემართათ დისენტერია. ბევრისთვის სასარგებლო ისიც იყო, რომ მათ კრიზისი დაეწყოთ ზემოთაღწერილი არა ერთი ნიშნიდან, არამედ თითქმის ყველადან და ამასთანავე უფრო მძიმედ. მაგრამ გადარჩნენ ყველანი, რომელთაც ასეთი რამ შეემთხვათ. ქალებსა და ქალწულებსაც გამოაჩნდათ ზემოთაღწერილი ყველა ნიშანი და ზოგს უფრო მეტად ემართებოდა ასეთი რამე, ანდა ჰქონდათ უხვი მენსტრუაცია. ისინი გადარჩნენ და განიკურნენ და, რამდენადაც ვიცი, არცერთი არ მომკვდარა, რომელთაც ყოველივე აქედან რაიმე დაემართათ საჭიროებისამებრ კარგად. რაც შეეხება ფილინოსის ქალიშვილს, თუმცა უხვად წამოუვიდა სისხლი ცხვირიდან, მაგრამ, რადგან მეშვიდე დღეს მეტისმეტად უდროოდ ჭამა, გარდაიცვალა. (მწვავე ციებ-ციხელებიანებს და კიდევ უფრო მეტად, ანთებიანებს უნ-

ებური ცრემლი სდიოდათ, მათვე ნესტოებიდან უმნიშვნელო, არა სიკედილის მაუწყებელი სისხლი წამოუვიდათ).

XX. ციებ-ცხელების დროს ზოგიერთს ყურებთან ახლოს გაუნდა მტკივნეული სიმსივნეები და კრიზისის დროს რომ ციებამ გაუარა, ისინი არც ქრებოდნენ და არც ჩირქდებოდნენ. მაშინ ნალვეღნარევა ფაღარათმა ან დისენტერიამ ან სქელ შარდთან ერთად გამოყოფილმა სქელმა ნალექმა განკურნა ეს დაავადება, როგორც, მაგალითად პერმიპტო კლადომენელი. რაც შეეხება კრიზისს, მისი მეშვეობით ჩვენ გამოვიცანით, თუ რომლები არიან მსგავსები და რომლები განსხვავებულები; მაგალითად ეპიგენოსის საზაფხულო თეატრთან მცხოვრებ ორ ძმას, იგი ერთსადამივე საათზე დაეწყო და უფროსს კრიზისი ჰქონდა მეექვსე, ხოლო უმცროსს მეშვიდე დღეს. ორივეს შეუბრუნდა ერთსადამივე დროს, გაუგრძელდათ ხუთ დღეს და შებრუნების შემდეგ ორივე ერთდროულად გამოჯანმრთელდა მე-17 დღეს. უმეტესობა განიკურნა მეექვსე დღეს. შუალედი ექვსი დღე. ვისაც დაავადება შეუბრუნდა, კრიზისი ჰქონდა მე-5 დღეს. ვისაც მე-7 დღეს ჰქონდა კრიზისი, შუალედი ჰქონდა 7 დღე. შუალედის შემდეგ კრიზისი ჰქონდათ მე-3 დღეს. მე-7 დღეს კვლავ კრიზისი. სამდღიანი შუალედის შემდეგ კრიზისი მე-7 დღეს. ვისაც მე-6 დღეს ჰქონდა კრიზისი, ექვსდღიანი შუალედის შემდეგ სამ დღეს იავადმყოფა. ერთი დღე შუალედი, ერთი დღე შეტევა, მერე კრიზისი, როგორც მაგალითად ევაგონტე დაითარსეოსის ძეს. მათ კი მე-6 დღეს ჰქონდათ კრიზისი. 7 დღე შუალედი და მეოთხე დღეს განმეორების შემდეგ ავადმყოფობა დამთავრდა კრიზისით, როგორც, მაგალითად აგლაიდეს ქალიშვილს. აი, ავადმყოფობის როგორი მიმდინარეობა ჰქონდა უმრავლესობას ამინდის ასეთი მდგომარეობის შემდეგ. და მე არ ვიცი არცერთი ცოცხლად დარჩენილთაგან, რომელსაც სწორად შებრუნებული რეციდივი არ ჰქონოდა, და ყველა, როგორც ვიცი, გამოჯანმრთელდა, ვისაც კი ამ სახის რეციდივები ჰქონდა. არავის, ვინც ამგ-

ვარად ავადმყოფობდა, არამგონია, რომ დაავადება ვინმეს განმეორებოდეს.

XXI. ამ დაავადებებისაგან მრავალი დაიხოცა შეექვსე დღესვე, მაგალითად ეპამეინონდე, სილენოსი და ანტაგორეს ვაჟი ფილისკოსი. ისინი, რომელთაც ყურების მიდამოები დაუსივდათ, მე-20 დღეს განიკურნენ. ამ სიმსინემ ყველას გაუარა, არ დაჩირქებიათ, მაგრამ გადაუვიდათ საშარდე ბუშტზე. დაუჩირქდათ მხოლოდ კრატისტონაქტს, რომელიც პერაკლეს ტაძართან ცხოვრობდა და სკიმონის მთელავე მსახურს და ამის გამო გარდაიცვალნენ. ზოგს კრიზისი ჰქონდა მე-7 დღეს, შუალედი 9 დღე, შემდეგ შეუბრუნდათ და შებრუნებიდან მე-4 დღეს განიკურნენ, როგორც მაგალითად პანტაკლეოსი, რომელიც ცხოვრობდა დიონისეს ტაძართან; ზოგს კრიზისი ჰქონდა მე-7 დღეს, შუალედი 6 დღე; ზოგს კვლავ შეუბრუნდა და შებრუნების შემდეგ კრიზისი კვლავ მე-7 დღეს, როგორც მაგალითად ფანაკრიტოსს, რომელიც იწვა მთელავე გნათონთან (მასაუისტი ხომ არაა? ნ.ვ).

XXII. მაგრამ ზამთარში, ნაბუნიობევს და თვით დღე-ღამისწორობამდე გაგრძელდნენ მწვავე ციებ-ცხელებები და ფრენიტები და მრავალი დაიხოცა. კრიზისები სხვადასხვაგვარად იცვლებოდნენ და მრავალს კრიზისი ჰქონდა დაავადებიდან მე-5 დღეს, შუალედი 4 დღე. მერე კვლავ უბრუნდებოდათ და შებრუნებიდან მე-5 დღეს კვლავ კრიზისი, საერთო ჯამში გამოდიოდა 14 დღე. ამდაგვარად ჰქონდათ კრიზისები ბავშვთა და მოზარდთა უმრავლესობას. ზოგიერთს კრიზისი ჰქონდა მე-11 დღეს, მერე გაუმეორდათ მე-14 დღეს და საბოლოო კრიზისი ჰქონდათ მე-20 დღეს. რომელთაც მე-20 დღეს ჩაამცივნათ, მათ კრიზისი ჰქონდათ მე-40 დღეს. უმრავლესობას ჩაამცივნა პირველი კრიზისისთანავე. მათ კი, რომელთაც მანამდეც აციებდათ, კვლავ გაუმეორდათ სენის და კრიზისის შებრუნებისას. გაზაფხულზე ციება ძალიან ცოტას ჰქონდა, ზაფხულში კი — მრავალს, შემოდგომაზე კიდევ მეტს, ზამთარში კი — უკვე უმრავლესობას. სისხლის-დენები ნელ-ნელა შეწყდა.

XXIII. რაც შეეხება დაავადებების დროს არსებულ მდგომარეობას, რის საფუძველზეც უნდა დაისვას დიაგნოზი, გავიგებთ ყოველთა საერთო ბუნებით, განსაკუთრებით თითოეული ადამიანის, თითოეული სენისა და თითოეული სნეულისაგან, ყოველივე იმისაგან, რაც დაენიშნება ავადმყოფს და ეინც დაუნიშნავს, აკი ამის შესაბამისად სნეულები თავს ან უკეთ, ან უარესად გრძნობენ; საერთო და კერძო ციური მოვლენებიდან, თითოეული ქვეყნიდან, ჩვევებიდან, კვების ნირიდან, ცხოვრების წესიდან, თითოეულის ასაკიდან, საუბრის მანერიდან, ზნე-ჩვეულებებიდან, დუმილიდან, აზრებიდან, ძილიდან, ღვიძილიდან, სიზმრიდან, როგორი და რა დროისანი არიან ისინი, კრუნჩხვებიდან, ქავილიდან, ცრემლიდან, პაროქსიზმიდან, განაეულიდან, შარდიდან, ნერწყვიდან, ღებინებიდან... უნდა დავაკვირდეთ აგრეთვე სენტა ცვალებადობას – რომლებიდან რომლები წარმოიქმნებიან, ასევე დანალექს, რომელსაც მიჰყავს ავადმყოფი სიკედილამდე ან გადარჩენამდე, ამავე დროს – ოფლს, ხმაურიან და უხმაურო გაქარვებს, სისხლის დენის ხასიათს... აი, ყოველივე ამაზე და ამათგან გამოწვეულ ნიშნებზე გემართებს კარგი დაკვირება.

XXIV. ციებ-ცხელებები არსებობენ: გაუნელებლები; ისეთები, რომლებიც დღისით არსებობენ და ღამით ნელდებიან, ან პირიქით, ღამით არსებულნი დღისით რომ ნელდებიან; ასევე არსებობენ დღენახევრიანები, სამდღიანები, ხუთდღიანები, შვიდდღიანები და ცხრადღიანები. გაუნელებელი ციებ-ცხელების დროს სენი არსებობს უმწვავესი, უდიდესი, უმძიმესი და უდამღუპველესი. მრავალთა შორის ყველაზე არასაშიში, ყველაზე ადვილი და ყველაზე ხანგრძლივია ოთხდღიანი. ამასთანავე იგი მხოლოდ თავისთავად კი არაა ასეთი, არამედ იგი ასევე ათავისუფლებს ავადმყოფს სხვა საშიში დაავადებებისაგან. დღენახევრიანად წოდებული ციების დროს არის ხოლმე სხვა მწვავე დაავადებებიც და მაშინ იგი ყველაზე უფრო სასიკედილოა. ასევე ჭლექიანები და სხვა ხანგრძლივი სენით დაავადებულებიც უმეტეს შემთხვევაში ამგ-

ვარად ავადმყოფობენ. დამეული ციებ-ცხელება არც თუ ისე საშიშია, თუმცა ხანგრძლივია, დღისეული კი კიდევ უფრო ხანგრძლივი, ზოგჯერ იგი ჭლექში გადაიზრდება ხოლმე შეიდღლიანი მართალია ხანგრძლივია, მაგრამ სასიკვდილო არაა. ცხრადღიანი კიდევ უფრო ხანგრძლივია, მაგრამ არც ისაა სასიკვდილო. სამღლიანი ნამღვილია, კრიზისიც მალე აქვს, მაგრამ არც ისაა სასიკვდილო. ხუთდღიანი უმძიმესია ყოველთა შორის და თუ იგი დაჭლექიანების წინ დაემართა ადამიანს, უნდა ვიცოდეთ, რომ იგი მოკვდება.

XXV. თითოეულ ამ ციებ-ცხელებას აქვს თავისი სახე, მდგომარეობა და გართულებები. განუწყვეტელი ციებ-ცხელება ზოგჯერ მაშინვე, დაწყებისთანავე ყვავის, ძლიერდება, მიჰყავს ავადმყოფი უსნელეს მდგომარეობამდე, მაგრამ კრიზისის წინ და თვით კრიზისის დროს მცირდება. ზოგიერთს იგი ეწყება მსუბუქად და წყნარად, მერე იზრდება დღითიდღე და ძლიერდება, მაგრამ კრიზისამდე და თვით კრიზისის დროს გამონდება ხოლმე მთელი თავისი ძალით. არის შემთხვევები, როცა იგი გარკვეული დასაწყისის შემდეგ ძლიერდება და მწვავედება, ხოლო, როცა გარკვეულ სიმალლეს მიაღწევს, კვლავ სუსტდება კრიზისის წინ და თვით კრიზისის დროს. ყოველივე ეს ცვალებადობა ჩვეულებრივია ყოველგვარი ციებ-ცხელებისა და დაავადების დროს. ამ შემთხვევებზე კარგად დაკვირვებით უნდა დადგინდეს და განისაზღვროს ავადმყოფის ცხოვრების ნირი (დღის რეჟიმი). კიდევ სხვა მრავალი განსაკუთრებული ნიშანია ასეთი, რომლის შესახებაც ნაწილობრივ დაწერილია ზემოთ, ნაწილობრივ კი დაიწერება ქვემოთაც. აი, ეს უნდა გავიაზროთ და განვსაჯოთ, რომელი მათგანია უმწვავესი და სასიკვდილო, ან რომელი მიუთითებს, რომ ავადმყოფი გადარჩება, ან ვის უნდა მივცეთ საკვები და ვის არა, როგორი და რა რაოდენობის უნდა მივცეთ სასმელი და საჭმელი.

XXVI. ლუწ დღეებში გამწვაებულები გარდატყდებიან ლუწსავე დღეებში, ხოლო კენტ დღეებში გამწვაებულები - კენტ დღეებში. რომელნიც ლუწ დღეებში გარდატყდუ-

ბიან, პირველი ხანა აქეთ მეოთხე, შემდეგ VI, VIII, X, XIV, XX, XXIV, XXX, XXXX, მე-60, მე-80 და 120-ე დღეს. კენტ დღეებში გამწვავებულებს კი პირველი ხანა აქეთ მე-3 დღეს, შემდეგი კი მე-5, მე-7, მე-9, მე-11, მე-17, 21-ე, 27-ე, 31-ე დღეს. სასარგებლოა აგრეთვე ვიცოდეთ, თუ ზემოთწარმოდგენილი თანმიმდევრობისაგან განსხვავებულად მიმდინარეობს გარდატეხის პერიოდი, ეს იმაზე მიუთითებს, რომ დაავადება შემობრუნდება, მეტიც, გვაუწყებს საშიშროებასაც კი.

ასევე უნდა მივაქციოთ ყურადღება და უნდა ვიცოდეთ, რომ სწორედ ამ მითითებულ დროებში წარმოებული გარდატეხები მიგვანიშნებენ, გადარჩება თუ დაიღუპება ავადმყოფი, ან ცვალებადობაზე უკეთესისაკენ ან უარესისაკენ. ხოლო თუ როდის გარდატეხებიან მოხეტიალე ოთხ, ხუთ, შვიდ და ცხრაღლიანი ციებ-ცხელებები, ეს უნდა შევისწავლოთ.

თოთხმეტი ავადმყოფი.

1. ფილისკოსი ცხოვრობდა კედელთან და ჩაწვა თუ არა, უმაღლ დაემართა მწვავე ციებ-ცხელება, ასხამდა ოფლს და ღამე მეტად მძიმე ჰქონდა. მეორე დღეს ყველაფერი უფრო გამწვავდა, მერე კი, ოყნის გაკეთების შემდეგ, მომჯობინდა. ღამე ჰქონდა მშვიდი. მესამე დღეს, განთიადიდან შუადღემდე, როგორც ჩანს, უსიცხოდ იყო, სამხრობისას კი მისცა მაღალი სიცხე, დაასხა ოფლი და მოწყურდა. ენა გაუშრა, შარდავდა შავს. ღამე ჰქონდა ძნელი, არ ეძინა, ბევრს ბოდავდა. მეოთხე დღეს ყველაფერი გამწვავდა, შარდი კვლავ შავი. ღამე ჰქონდა შედარებით მსუბუქი, შარდი უკეთესი ფერის. მეხუთე დღეს, შუადღის დადგომამდე ცხვირიდან მცირეოდენი სუფთა სისხლი წამოუვიდა. შარდი სხვადასხვაგვარი, რაღაც მრგვალი, მოტივტივე, სპერმისმსგავარი მიმობნეული მინარევებით, რომელიც არ იღუქებოდა. სანთლების გაკეთების შემდეგ კუჭიდან მცირეოდენი ჰაერი გამოუშვა. ღამე მძიმე, ცოტა ეძინა, ბოდავდა, დაუცივდა

ხელები და ვერა და ვერ გაუთბეს, შარდავდა შავს, განთიადისას ცოტა ჩაეძინა, ხმა დაუსუსტდა, დაასხა ცივი ოფლი, კიდურები დაულურჯდა. მეექვსე დღეს, შუადღისას გარდაიცვალა. სუნთქვა გამუდმებით ჰქონდა უმძიმესი, თითქოს მავედრებელი, ძლიერი ხრიალით. ელენთა ამოებურცა მრგვალი კუბივით, ბოლომდე ასხამდა ცივ ოფლს, გამწვაებები ჰქონდა წყვილ დღეებში.

II. სილენოსი ცხოვრობდა მოედანზე, ეკლიდეს მეზობლად, რომელსაც გადაღლილობის, ლოთობის და არასწორად ვარჯიშის გამო მისცა სიცხე. ტკივილები წელიდან დაეწყო. თავში გრძნობდა სიმძიმეს, კისერი დაეჭიმა. კუჭიდან პირველ დღეს გამოუვიდა ნაღველნარევი, შეურეველი, ქაფიანი, მეტად შეფერადებული განავალი. შარდი ჰქონდა შავი, შავი დანალექით. ძლიერ მოწყურდა, ენის ზედა მხარე გაუშრა, ღამე თითქმის არ ეძინა. მეორე დღეს მისცა მაღალი სიცხე; უხვი, თხელი, ქაფიანი განავალი; შარდი შავი. ღამე მოუსვენარი, დროდადრო ბოდავდა. მესამე დღეს ყველაფერი გამწვადა, ნეკნებქვეშ ორივე მხარე დაეძაბა, დაურბილდა და დაურბილდა ჭიპი. განავალი ჰქონდა თხელი, მოშავო; შარდი ამღვრეული, მოშავო ფერის; მთელი ღამე არ ეძინა, ლაქლაქებდა, იცინოდა, მღეროდა, თავს ვერ იკავებდა. მთელი მეოთხე დღე იგივე მდგომარეობა. მეხუთე დღეს განავალი სუფთა, ნაღველმინარევი, ლორწოიანი, ცხინიანი; შარდი თხელი, გამჭვირვალე. ცოტა გონს მოეგო. მე-6 დღეს თავზე ცოტა ოფლი დაასხა, კიდურები დაუცივდა, დაულურჯდა; ბევრი იშფოთა, კუჭიდან არაფერი გამოიყოფოდა, შარდიც შეუნერდა, მერე დაეწყო მწვავე ცხელება. მე-7 დღეს ხმა დაკარგა, კიდურები აღარ უთბებოდა, ვერ შარდავდა. მე-8 დღეს მთელ ტანზე დაასხა ცივი ოფლი, გაუნდა ოფლიანი წითელი გამონაყარები, მრგვალები, პატარები, ფერიმჭამელების მსგავსი. ისინი არც მცირდებოდნენ და არც ქრებოდნენ. კუჭის მცირეოდენი აშლის მერე გამოყო თხელი განავალი, თითქოს მოუნელებელი. კუჭში გადიოდა ბევრს და მტკივნეულად შარდავდა ძნელად,

მწვავედ. კიდურები ოდნავ გაუთბა. ძილი მსუბუქი, თითქოს კომატოზური, ხმა დაკარგა, შარდავდა თხელსა და გამჭვირვალეს. მე-9 დღეს ყველაფერი ისევ. X დღეს სასმელს არ იღებდა, კომატოზური მდგომარეობა, ძილი მსუბუქი, განავალი წინა დღის მსგავსი; შარდავდა ხშირად, საკმაოდ ბლანტს; დაყენების შემთხვევაში შარდში იყო ნაღერლი ფქვილის მსგავსი თეთრი დანალექი. კიდურები ისევ ცივი. მეთერთმეტე დღეს გარდაიცვალა. დასაწყისიდან ბოლომდე სუნთქვა ჰქონდა ძლიერი, ხრიალა და ნეკნებ ქვეშ გამუდმებული ბაგუნი. იყო დაახლოებით იცი წლის.

III. პეროფონტეს შეეყარა მწვავე ციებ-ცხელება. კუჭის მოქმედება თავიდან ჰქონდა ძნელი, - ჭინთვებით; შემდეგ კი გამოყო თხელი, ნაღველნარევი, საკმაოდ უხვი განავალი. ვერ იძინებდა. შარდი ჰქონდა შავი და თხელი. მეხუთე დღეს დილაადრიან - სიყრუვე. ყველაფერი გამწვადა, ელენტა გაებერა. ნეკნებქვეშ დაძაბულობა, განავალი ცოტა და შავი. ბოდავდა. მეექვსე დღეს ალაპარაკდა, ღამით ოფლი დაასხა, ჩაამციენა, ბოღვა გაგრძელდა.

მეშვიდე დღეს მთლიანად ჩაამციენა, მოწყურდა, გააფრინა, ღამით გონს მოეგო, მერე ჩაეძინა. მერვე დღეს მისცა სიცხე, ელენტა დაუცხრა, სრულ გონებაზე მოვიდა. თავიდან ტკივილს გრძნობდა საზარდულში ელენტას მხარეს, შემდეგ კი გადაუვიდა ორივე ნაკუთალში. ღამე იყო უკეთესი, შარდიც უკეთესი ფერის გახდა, თუმცა ცოტა იყო და დანალექიანი. მეცხრე დღეს ოფლიანობის შემდეგი კრიზისი და მერე შუალედი. მეხუთე დღეს რეციდივი, მაშინვე გაებერა ელენტა, მწვავე ციებ-ცხელება, კვლავ დაყრუვდა. რეციდივის შემდეგ მესამე დღეს ელენტა დაუცხრა, ასტიკვდა ფეხები, ღამით ოფლი დაასხა. განიკურნა მეჩვიდმეტე დღეს. რეციდივის დროს ავადმყოფი არ ბოდავდა.

IV. კუნძულ თასოსზე ფილინოსის ცოლმა ქალიშვილი რომ დაბადა, როცა მშობიარობის შემდგომმა განწმენდამ ჩვეუ-

ლებრივ ჩაიარა და თავს კარგად გრძნობდა, მშობიარებიდან მე-14 დღეს ჯერ ჩაამცივნა და მერე მაღალი სიცხე მისცა. ჯერ ასტკივდა გული და მარჯვენა ნეკნებქვეშა არე. დაეწყო ქალური ტკივილები, განწმენდა შეუჩერდა. პესარიუმის გაკეთების შემდეგ ყოველივე ეს შეუმსუბუქდა, მაგრამ თავის, კისრის და წელის ტკივილები გაუგრძელდა. ვერ იძინებდა, კიდურები დაუცივდა, ძლიერ მოწყურდა, კუჭი შეეკრა და ძლივს გადიოდა, შემდეგ კვლავ კარგად აუშუშავდა. შარდი ჰქონდა თხელი და თავიდან უფერული. მე-6 დღეს, ღამით ბევრი იბოდა და მერე კვლავ გონს მოეგო, მეშვიდე დღეს მოწყურდა, გამოყო ცოტაოდენი, ნაღველნარევი, მეტად მუქი განავეალი. მერვე დღეს, ახალი ჩამცივნების შემდეგ მწვავე ციებ-ცხელება, ხშირი კრუნჩხვები ტკივილებით, ბევრს ლაპარაკობდა, სანთლების გაკეთების შემდეგ წამოდგა მოსასაქმებლად. განავეალი ჰქონდა უხეი და ნაღვლისფერი. ვერ დაიძინა. მეცხრე დღეს კრუნჩხვები. მეათე დღეს ცოტა გონს მოეგო. მეთერთმეტე დღეს იძინა, ყველაფერი გაახსენდა, მაგრამ მალევე კვლავ ბოდვა დააწყებინა. კრუნჩხვების დროს, როცა რამდენჯერმე გონზე მოიყვანეს, ბევრი მოშარდა ბლანტი და თეთრი, ისეთი, როგორიც ხდება ხოლმე ნადგომი შარდი განჯღრევისას; დგომის შემდეგ იგი არ ილექებოდა, მაგრამ ფერთა და სისქით მოგაგონებდათ საპალნენატარები პირუტყვის შარდს. აი, ასეთი იყო ის შარდი, რომელიც მე ჩემი თვალით ვნახე. მე-14 დღეს მთელი სხეულით ცახცახი დააწყებინა, ბევრს ლაპარაკობდა, ოდნავ გონებაზე მოვიდა, მაგრამ მალევე კვლავ ბოდვა დაიწყო. მე-17 დღეს ხმა დაკარგა, მე-20 დღეს გარდაიცვალა.

V. ეპიკრატეს მეუღლეს, რომელიც არხეგეტესთან იწვა, მშობიარობის წინ საშინლად ჩაამცივნა, როგორც ამბობენ, ვეღარ თბებოდა და მომდევნო დღესაც იგივე მდგომარეობა გაუგრძელდა. მესამე დღეს დაბადა გოგონა და სხვა ყველაფერი წესისამებრ წავიდა. მშობიარობიდან მეორე დღეს მისცა მაღალი სიცხე, ასტკივდა თავი და ქალური ორგა-

ნოები. პესარიუმის გაკეთების შემდეგ ეს ყველაფერი შემსუბუქდა, მაგრამ ასტიკვდა თავი, კისერი და წელი. არ ეძინა, გამოყო მცირეოდენი, ნაღვლისფერი, თხელი, უმინარეო განაეალი; შარდი ჰქონდა თხელი და მოშავო. სიცხის მიცემიდან მე-6 დღეს, ღამით ბოღვა დაიწყო. მე-7 დღეს ყველაფერი გამწვავდა, დაეწყო უძილობა, ჰაღუცინაციები, მოწყურდა, განაეალი ჰქონდა მუქი, ნაღვლისფერი. მერვე დღეს ჩაამციენა და მერე კარგად იძინა. IX დღეს ყოველივე ისევე დარჩა. X დღეს ძალიან ასტიკვდა ფეხები, კვლავ დაეწყო ტკივილები გულში, სიმძიმე თავში, აღარ ბოღავდა, ცოტა იძინა, კუჭი შეეკრა. XI დღეს მოშარდა უკეთესი ფერის და უხვი დანაღექით, თავს უკეთესად გრძნობდა, XIV დღეს ჩაამციენა, მერე მაღალი სიცხე მისცა. XV დღეს აღებინა ნაღვლისფერი, ყვითელი, არც ისე ბევრი, დაასხა უსიცხო ოფლი. შარდი ჰქონდა ბლანტი, თეთრი დანაღექით. ღამით მისცა მაღალი სიცხე. XVI დღეს ყველაფერი გამწვავდა, ღამე ჰქონდა მოუსვენარი, ვერ დაიძინა, ბოღავდა. მე-18 დღეს ძლიერ მოწყურდა, ენა გაუშრა, არ ეძინა, ბევრს ლაპარაკობდა, აწუხებდა ფეხების ტკივილი.

XX დღეს, განთიადისას ცოტა ჩაამციენა, კომა. მერე მშვიდად ეძინა. აღებინა ნაღველნარევი, ცოტა და შავი. ღამე დაყრუედა. XXI დღის დადგომამდე მარცხენა ფერდი ყოველი მხრიდან დაეძაბა და ასტიკვდა, ცოტას ახველებდა. შარდი ჰქონდა ბლანტი, მღერიე, მოწითალო, დანაღექის გარეშე. სხვა მხრივ ავადმყოფი შედარებით კარგად იყო, მაგრამ არა უსიცხოღ. ავადმყოფს თავიდან ასტიკვდა და გაუწითლდა ხახა და ნაქი ზემოთ ამოექაჩა. ჰქონდა ბევრი, მწვაეე, მარილიანი გამონადენი. ასე გაგრძელდა ბოლომდე. 27-ე დღეს სიცხემ გაუარა, შარდავდა დანაღექიანს, ცოტა ფერდიც სტიკოდა. 31-ე დღეს კვლავ სიცხე მისცა, კუჭი აეშალა. მე-40 დღეს გამოყო ცოტა და ნაღველნარევი განაეალი, მე-80 დღეს, გარდატეხის შემდეგ, საბოლოოდ გამოჯანმრთელდა.

VI. კლენაკტიდეს, რომელიც პერაკლეს ტაძრის ზემოთ ცხოვრობდა, დაეწყო ცვალებადი სიცხე, პირველად ასტკივდა თავი და მარცხენა ფერდი. ასევე, თითქოს მოწყენილობისაგანო, სხვა ნაწილებიც ტკიოდა. დაეწყო სიცხიანი, უწესრიგო პაროქსიზმები, ხან ასეთი, ხან ისეთი. ოფლი ხან ჰქონდა, ხან - არა. ცხელების პაროქსიზმები ძირითადად კრიტიკულ დღეებში ემართებოდა. XXIV დღეს ასტკივდა ხელის წვერები, აღებინებდა ყვითელს, ნაღვლოვანს, არც თუ ცოტას, მოგვიანებით ჟანგისფერს. ყველაფერი შეუბრუნდა. XXX დღეს დაეწყო შეუჩერებელი სისხლისდენა ორივე ნესტოდან და გაგრძელდა ნელ-ნელა კრიზისამდე. საჭმელზე უარს არ ამბობდა, მთელი ამ ხნის განმავლობაში არც წყურვილს შეუწუხებია და არც უძილობას. შარდი ჰქონდა თხელი და არც თუ უფერული. მეორმოცე დღეს გამოყოფდა მოწითალო შარდს ბევრი და წითელი დანალექით, თავს კარგად გრძნობდა, მაგრამ შემდეგ შარდი გახდა სხვადასხვაფერი, ხან ჰქონდა დანალექი, ხან - არა. მესამოცე დღეს შარდის დანალექი იყო ბევრი, თეთრი და რბილი. ყველაფერი შემსუბუქდა, სიცხემ გაუარა. შარდი კვლავ წყალ-წყალა, თუმცა კარგი ფერისა ჰქონდა. 70-ე დღეს კვლავ სიცხე. შუალედი 10 დღე. მე-80 დღეს ჯერ ჩაამცივნა და მერე მისცა მაღალი სიცხე. ძლიერი ოფლიანობა. შარდის დანალექი წითელი და რბილი. ბოლოს განიკურნა.

VII. ვინმე მეტონს მისცა მაღალი სიცხე, დაეძაბა და ასტკივდა წელი. II დღეს, ბევრი წელის სმის შემდეგ კუჭში ჩვეულებრივ გადიოდა. III დღეს დაუმძიმდა თავი, განავალი ჰქონდა თხელი, ნაღველნარევი, მოწითალო. IV დღეს ყველაფერი გაუარესდა. მარჯვენა ნესტოდან ორჯერ წამოუვიდა მცირეოდენი სისხლი. დამე იყო მძიმე. განავალი ისეთივე, როგორიც წინა დღეს. შარდი მოშავო, რომელშიც ზემოდან დაკურავდა რაღაც მოშავო და დაუღეკავი ლაქები. V დღეს მარცხენა ნესტოდან წამოუვიდა ბევრი და წმინდა სისხლი. ოფლის დასხმის შემდეგ კრიზისი, კრიზისის შემდეგ - უძილობა, არეული ლაპარაკი. შარდი თხელი და მოშავო ფერ-

ის. თავის დაბანის შემდეგ ავადმყოფი დამშვიდდა, გონზეც მოვიდა, ავადმყოფობა აღარ შებრუნებია, მაგრამ კრიზისის შემდეგაც ხშირად სდიოდა ცხვირიდან სისხლი.

VIII. ვრასინოსს, რომელიც ბოოტიის მთის ერთ-ერთ ნაკადულთან ცხოვრობდა, ეახშმის მერე მაღალი სიცხე მისცა. ღამე ჰქონდა საშინელი. პირველი დღე მშვიდი იყო, ღამე-ძნელი. II დღეს ყველაფერი გაუარესდა, მთელი ღამე ბოდავდა. III დღე – მძიმე, ბევრს ბოდავდა. IV დღე – უმძიმესი, მთელი ღამის განმავლობაში ვერ დაიძინა, ჰქონდა არეული ძილ-სიზმრები და გაუთავებლად ლაქლაქებდა. შემდეგ კვლავ ძლიერი და საშიში გართულებები. შიში, მოუსვენრობა. V დღეს, განთიადისას, დამშვიდდა, სრულ გონებაზე მოვიდა, მაგრამ მოგვიანებით, შუადღისას კვლავ აურია, თავს ვერ იკავებდა, კიდურები დაუცივდა და დაულურჯდა, შარდი შეუჩერდა. გარდაიცვალა მზის ჩასვლისას. სიცხე და ოფლიანობა ჰქონდა ბოლომდე, ნეკნებქვეშეთი გაბერილი, დაძაბული და მტკივნეული. შარდი შავი, თავზე მოტივტივე მრგვალი ლაქებით, რომელიც არ ილექებოდა. კუჭში კარგად გადიოდა, გამუდმებით წყუროდა, თუმცა არც ისე ძლიერად. სიკვდილის წინ ჰქონდა საშინელი კრუნჩხვები და ძლიერი ოფლი.

IX. თასოსზე მცხოვრებ კრიტონს, სრულიად ჯანმრთელსა და ფეხზე მოსიარულეს ფეხის საშინელი ტკივილი დაეწყო ცერიდან. იმავე დღეს ჩაწვა, ჩაამცივნა, ააყრუოლა და აღებინა. მერე ცოტა სიცხე მისცა. მთელი ღამე აბოდებდა. II დღეს დაუსივდა, დაეძაბა და დაუწითლდა ფეხი კოჭამდე. დააყარა შავი პატარა ბუშტუკები (ფლიქტენები), მისცა მაღალი სიცხე, დააწყებინა ბოდვა. განავალი ჰქონდა უხვი, სუფთა, ნაღვლისფერი. გარდაიცვალა მეორე დღესვე.

X. ერთ-ერთ კლაძომენელს, რომელიც ცხოვრობდა ფსინიქიდეს ჭასთან, უცებ სიცხე მისცა. ჯერ ასტიკვდა თავი, კისერი და წელი, შემდეგ კი დაყრუვდა. ვერ იძინებდა, სიცხემ აუწია, ნეკნებქვეშ დაებერა და დაუსივდა არც თუ ძლიერი დაძაბულობით. ენა გაუშრა. IV დღეს, ღამით ბო-

დავდა. V დღე - უძძიმესი. VI დღეს ყველაყერი კიდევ უფრო გაუარესდა. XI დღეს ცოტა მომჯობინდა. დასაწყისიდან XIV დღემდე განავალი ჰქონდა თხელი, ბევრი, წყალ-ნაღველნარევი. აქამდე განავალს ადვილად გამოყოფდა, შემდეგ კი კუჭის მოქმედება შეუჩერდა. შარდი მთელი ამ ხნის განმავლობაში იყო თხელი, მაგრამ კარგი ფერის. თავზე, შუა ადგილას მოღებული ჰქონდა რაღაც ლაქისმაგვარი, რომელიც არ ილექებოდა. XVI დღეს მოშარდა ცოტა უფრო ბლანტი, რომელმაც გაიკეთა მცირეოდენი დანალექი. ავადყოფი ცოტა მოკეთდა და გონზეც მოვიდა. XVII დღეს შარდი კვლავ თხელი, ორივე ყურის არე დაუსივდა და ასტიკვდა. არ ეძინა, ბევრს ლაპარაკობდა, ატიკვდა ფეხები. XX დღეს უსიცხო კრიზისი, ოფლი არ ჰქონდა და სრულ გონებაზე მოვიდა. XXVII დღეს მარჯვენა თეძო-ბარძაქში იგრძნო ძლიერი ტკივილი, მაგრამ მალევე გაუარა, ხოლო ყურებთან არსებული სიმსივნეები არც გაუქრა და არც დაუჩირქდა, მაგრამ სტიკოდა კი. XXXI დღეს-ფადართი უხვი, წყლიანი მინარევეებით და დისენტერიის თანხლებით. შარდავდა ბლანტს. სიმსივნეები ყურებთან დაუცხრა. მე-40 დღეს ასტიკვდა მარჯვენა თვალი და მხედველობა დაუქვეითდა. გადარჩა.

XI. დრომეადიოსის ცოლს მას შემდეგ, რაც ქალიშვილი დაბადა და ყველაფერი წესისამებრ მიმდინარეობდა, მეორე დღეს ძლიერ ჩაამცივნა და მერე მისცა მაღალი სიცხე. პირველად ტკივილები დაეწყო ნეკნებქვეშ, დააწყებინა კანკალი, ვერ ისვენებდა და მომდევნო დღეებში ვერ იძინებდა. სუნთქვა უცნაური, ღრმა და ხანმოკლე. ჩამცივნებიდან მეორე დღელს კუჭში კარგად გავიდა. შარდი ჰქონდა ბლანტი, თეთრი, მღვრიე, ისეთი, როგორიც გახდება ხოლმე დანალექებისაგან, როცა დიდი ხნის დგომის შემდეგ გაანჯღრევენ. არ ილექებოდა. მთელ ღამეს არ უძინია. III დღეს, შუადღისას ჯერ ჩაამცივნა, მერე მაღალი სიცხე მისცა. შარდი ისეთივე. ტკივილები ნეკნებქვეშ. აღებინა. ღამე მძიმე, არ ეძინა, მთელ ტანზე ცივი ოფლი დაასხა, მაგრამ მალე

ვათბა. IV დღეს ტკივილი ნეკნებქვეშ ცოტა შეუმსუბუქდა. მაგრამ დაუმძიმდა და ასტკივდა თავი. წამიერად ღრმად ჩაეძინა, ცხვირიდან ცოტა სისხლმა წამოწვეთა, ენის ზედაპირი გაუშრა, მოწყურდა. შარდი ცოტა, თხელი, ცხიმიანი. ცოტა წაიძინა. V დღეს მოწყურდა, აღებინა. შარდი ისეთივე, კუჭიდან არაფერი. შუადღისას ჰალუცინაციები და მალე კვლავ გონს მოეგო, ძლიეს წამოდგა, მერე ცოტა ჩაამცივნა. ღამით ცოტა იძინა, კვლავ ბოდავდა. VI დღეს დილით ადრე ჩაამცივნა და მალევე გაცხელდა, მთელ ტანზე ოფლი დაასხა. კიდურები დაუცივდა, ბოდავდა, სუნთქვა წყვეტილი და ძლიერი. ცოტა ხნის შემდეგ კვლავ კრუნჩხვები დაეწყო და მალე გარდაიცვალა.

XII. ერთმა სიცხიანმა კაცმა მომეტებულად ჭამა და სვა, ამიტომაც ღამე ბევრი აღებინა, მისცა მაღალი სიცხე, მარჯვენა ნეკნებქვეშა არე ასტკივდა, ქვემო მუცელში შიგნითა მხრიდან იგრძნო ანთება. ღამე ჰქონდა მოუსვენარი. შარდი თავიდან ჰქონდა ბლანტი, წითელი ფერისა და არ იღუქებოდა. ენა ძლიერ გაუშრა, ცოტა მოწყურდა. IV დღეს დაეწყო ძლიერი სიცხე, ყველაფრის ტკივილი. V დღეს მოშარდა ადვილად, ბევრი, ცხიმიანი. კვლავ მაღალი სიცხე. VI დღის საღამოს ბევრი იბოდა, ღამით ვერ დაიძინა. VII დღეს ყველაფერი გამწვავდა, შარდი იგივე, ბევრს ლაპარაკობდა, თავს ვერ იკაეებდა, აშლილი კუჭიდან გამოყოფდა თხელ, ჭიებიან განავალს. ღამე უმძიმესი ჰქონდა. დილაადრიან ჯერ ჩაამცივნა, მერე მისცა მაღალი სიცხე, დაასხა ცხელი ოფლი, რის შემდეგაც, როგორც ჩანს, სიცხემ დაუკლო. დაიძინა. ძილის მერე კვლავ ჩაამცივნა, იფურთხებოდა. საღამოს ბევრს ბოდავდა. ცოტა ხნის მერე დააწყებინა შავი ფერის, ნალექნარევი ღებინება. IX დღეს კვლავ ჩაამცივნა, ბოდავდა და არ ეძინა. X დღეს ასტკივდა თავი, ყველაფერი გაუარესდა, კვლავ ბოდავდა. XI დღეს გარდაიცვალა.

XIII. ერთ, ზღვის პირას მცხოვრებ, სამი თვის ფეხმძიმე ქალს მაღალი სიცხე მისცა და მაშინვე წელიც ასტიკედა. III დღეს ატიკედა თავი, კისერი და მარჯვენა ლაეიწი. მალე წაერთვა ენაც, მარჯვენა ხელი კრუნჩხვებით მოუღუნდა ისე, როგორც დამბლის დროს იცის. გამუდმებით ბოდავდა. ღამე ჰქონდა საშინელი, არ ეძინა. აშლილი კუჭიდან გამოყოფდა ნაღვლისფერ, შეურეველ, ცოტა განაევალს. IV დღეს გაურკვეველად ლაპარაკობდა, შემდეგ გაუარა. იგივე ორგანოებში კრუნჩხვები და ტკივილები არ ცხრებოდა. ნეკნებქვეშ გაუნრდა მტკივნეული სიმსივნე. არ ეძინა, საშინლად ბოდავდა, კუჭი ჰქონდა აშლილი, შარდი თხელი და ცუდი ფერის. V დღეს მისცა მაღალი სიცხე და ნეკნებქვეშეთი ასტიკედა, დაიწყო ათასნაირი რალაცების ბოდეა. განაევალი გაუხდა ნაღველნარევი. ღამით ჯერ ოფლი დაასხა და მერე სიცხემაც გაუარა. VI დღეს გონს მოეგო. ყველაფერი შემსუბუქდა, მაგრამ მარჯვენა ლაეიწის ახლოს ტკივილი კვლავ გრძელდებოდა, წყუროდა, არ ეძინა, შარდი წყალ-წყალა. VII დღეს ცახცახი დააწყებინა, ცუდად ეძინა, ცოტას ბოდავდა, ტკივილები ლაეიწსა და მარჯვენა ხელზე გრძელდებოდა, სხვამხრივ კი ყველაფერი გაუმჯობესდა, სრულ გონებაზე მოვიდა. სამ დღეს სიცხე აღარ ჰქონია. XI დღეს ავადმყოფობა შეუბრუნდა, ჩაამციენა, მერე მისცა მაღალი სიცხე. XIV დღეს აღებინა ბევრი, ნაღველნარევი, ყვითელი. დაასხა ოფლი. გადარჩა.

XIV. მეღიდოსს, რომელიც ცხოვრობდა ჰერას ტაძართან ახლოს, დაეწყო თავის, კისრის და გულ-მკერდის ძლიერი ტკივილი და მაშინვე მისცა მაღალი სიცხე. ცოტა თვიური წამოუვიდა. ყველა დასახელებული ორგანო კვლავ გამუდმებით სტიკოდა. VI დღეს ძილქუში, ღებინება, კანკალი, ლოყები დაუწითლდა, ცოტას ბოდავდა. VII დღეს ოფლი დაასხა, სიცხემ დაუწია, ტკივილები გაგრძელდა, სიცხემ კვლავ აუწია. ცოტა იძინა. შარდი თუმცა ყოველთვის ჰქონდა წყალ-წყალა, მაგრამ კარგი ფერის. განაევალი თხელი,

ნაღველნარევი, მწვავე, ცოტა, შავი ფერის და მყრალი. შარდის დანალექი რბილი, თეთრი. დაასხა ოფლი. საბოლოოდ განიკურნა XI დღეს.

III წიგნი.

პირველი ნაწილი.

I. პითიონს, რომელიც გეას ტაძრის მახლობლად ცხოვრობდა, ხელები აუცახცახდა. პირველსავე დღეს მისცა მაღალი სიცხე, დააწყებინა ბოდვა. II დღეს ყველაფერი გაუუარესდა. III დღეს იგივე მდგომარეობა. IV დღეს გამოყო ციტა, შეურეველი და ნაღველისფერი განავალი. V დღეს ყველაფერი კვლავ გაუუარესდა, თუმცა ცოტა იძინა და კუჭი შეეკრა. VI დღეს სხვადასხვაგვარი, მოწითალო განავალი. VII დღეს სახე მოედრიცა. VIII დღეს კვლავ გაუარესდა ყველაფერი, კანკალი გაგრძელდა. შარდი დასაწყისიდან VIII დღემდე ჰქონდა თხელი, უფერული, რაღაც ღრუბლისმაგვარი მინარეევით. X დღეს ოფლი დაასხა, თითქოს მომწიფებული და თხელი. კრიზისი. კრიზისის დროს შარდი თხელი. კრიზისის მერე, მეორმოცე დღეს, საჯდომზე ჩირქგროვები გაუნდა და დაეწყო სტრანგურიული შეკაებები.

II. ერმოკრატეს, რომელიც ახალ კედელთან ცხოვრობდა, სიცხე მისცა. დაეწყო თავისა და წელის ტკივილი. ნეკნებქვეშეთი დაეძაბა შესიების გარეშე. ენა თავიდანვე ჰქონდა დათუთქულივით. უმაღლ დაყრუვდა, არ ეძინა, ცოტა მოწყურდა. შარდი ბლანტი, წითელი, რომელიც არ ილექებოდა, გამოყო არც თუ ცოტა დამწვარივით განავალი. V დღეს მოშარდა წყნლ-წყალა, თავზე მონაღებით, რომელიც არ ილექებოდა. ღამით ბოდვები. VI დღეს დაემართა სიყვითლე, ყველაფერი გამწვავდა, გონებაზე არ იყო. VII დღე მძიმე. შარდი თხელი, წინა დღის მსგავსი და მომდევნო დღეებშიც ასეთივე შენარჩუნდა. XI დღეს ყველაფერი შემსუბუქებული ჩანდა, მერე კი კომა, შარდავდა უფერი ბლანტი, მოწითალოს, რაც ზევით იყო სქელი, დაბლა კი თხელი, არ

ილექტობდა. მერე ნელ-ნელა გონს მოეგო. XIV დღეს სიცხემ გაუარა, აღარც ოფლს ასხამდა, იძინა, სრულ გონებაზე მოვიდა, შარდი წინა დღეების მსგავსი. XVII დღეს ავადმყოფობა შეუბრუნდა, სიცხემ აუწია. მომდევნო დღეებშიც გაგრძელდა მაღალი სიცხე. შარდი თხელი. ქალუცინაციები. XX დღისთვის კვლავ კრიზისი, სიცხემ გაუარა, აღარ ოფლიანობდა. დიდხანს მადა არ ჰქონდა. სრულ გონებაზე მოვიდა, თუმცა საუბარი არ შეეძლო, ენა გამშრალი ჰქონდა, თუმცა არ სწყუროდა. ცოტა წაიძინა, მერე კომაში ჩაეარდა. 24-ე დღეს ჩაახურა, განავალი ჰქონდა წყლიანი და თხელი, ბევრი. მომდევნო დღეებშიც მაღალი სიცხე. ენა თითქოს დათუთქული. 27-ე დღეს გარდაიცვალა. მას სიყრუეე ახლდა მთელი ავადმყოფობის განმავლობაში, შარდი ჰქონდა ბლანტი და წითელი, რომელიც არ ილექებოდა, ან თხელი და უფერული, რომელსაც თავზე მოღებულ ჰქონდა რაღაც ლაქისმაგვარი. ჭამა არ შეეძლო.

III. დელეარკოსის ბაღში მწოლარე ვინმე კაცს დიდი ხნის განმავლობაში აწუხებდა თავის სიმძიმე და სტკიოდა მარჯვენა საფეთქელი. ამის გამო სიცხე მისცა და ჩაწვა. II დღეს მარცხენა ნესტოდან ცოტა წმინდა სისხლი წამოუვიდა. განავალი ნორმალური ჰქონდა, შარდი – თხელი, სხვადასხვაფერი, მცირე ზომის, ქერის ბურღულის ან სპერმის მსგავსი მოცურავე ლაქებით. III დღეს მაღალი სიცხე, განავალი შავი, თხელი, ქაფიანი, მოლურჯო ფერის დანალექით. ეძინა მძიმედ, ადგომისას თავს მოუსვენრად გრძნობდა, შარდში მოლურჯო, თითქოს წებოვანი დანალექი. IV დღეს აღებინა ნაღვლოვანი, ყვითელი, ცოტა, მერე ჟანგისფერი. მარცხენა ნესტოდან წამოუვიდა მცირეოდენი წმინდა სისხლი. განავალი და შარდი იგივე, თავზე და ლაღვიწებში ოფლი დაასხა. ელქნთა დაუსივდა და ასტკივდა შესაბამისი თქო. მარჯვენა ნეკნებქვეშ, ქვემო მუცელთან მცირე დაძაბულობა. ღამით არ ეძინა, ცოტას ბოდავდა. V დღეს განავალი უფრო მეტი, შავი, ქაფიანი, შავი დანალექით. მთელი ღამე არ ძინებია,

ბოდაედა. VI დღეს განავალი შაეი, ცხიმიანი, წებოვანი, მყრალი. ცოტა იძინა, ცოტა გონზეც მოვიდა. VII დღეს ცოტა ენა გაუშრა, მოწყურდა, არ ეძინა, ბოდაედა. შარდი თხელი, არაკარგი ფერის. VIII დღეს განავალი მკვრივი, ცოტა და შაეი. იძინა, გონს მოეგო, ცოტა მოწყურდა. IX დღეს ჩაამცივნა, მერე მაღალი სიცხე მისცა, დაასხა ოფლი, კვლავ ჩაამცივნა, ბოდაედა, მარჯვენა თვალი დაებრიცა, ენა გაუშრა, მოწყურდა, არ ეძინა. X დღეს ყველაფერი ასევე. XI დღეს სრულიად დაუბრუნდა გონება, სიცხემ გაუარა, იძინა. კრიზისის წინ თხელი შარდი. ორი დღე უსიცხოდ გაატარა. ავადმყოფობა შეუბრუნდა XIV დღეს, ამის მერე ღამით არ ეძინა, ბევრს ბოდაედა. XV დღეს შარდი ამღვრეული, ისეთი, რომ გაანჯღრევენ ხოლმე დგომის შემდეგ. კვლავ მაღალი სიცხე, ბევრი იბოდა, არ ეძინა, სტკიოდა მუხლები და ნაკუთალები. სანთლების გაკეთების შემდეგ გამოყო შაეი განავალი. XVI დღეს შარდი თხელი, რაღაც ღრუბლისმსგავსი ლაქებით. იბოდა. XVII დღეს დილაადრიან დაუცივდა კიდურები, შეფუთნეს, კვლავ მაღალი სიცხე, მთელ ტანზე ოფლი დაასხა, მერე ცოტა მომჯობინდა, გონზე სრულად მოვიდა, სიცხემ არ დაუკლო. მოწყურდა, აღებინა ცოტა, ნაღველნარევი, ყვითელი. კუჭში კარგად გავიდა, მაგრამ პქონდა შაეი, წვრილ-წვრილი განავალი. შარდი თხელი, არაკარგი ფერის. XVIII დღეს გონებაზე ვერ მოვიდა. კომა. XIX დღეს იგივე მდგომარეობა. XX დღეს იძინა, სრულ გონებაზე მოვიდა, დაასხა უსიცხო ოფლი, არ მოწყურებია, შარდი თხელი. XXI დღეს ცოტას ბოდაედა, ცოტა მოწყურდა, მარჯვენა ნეკნებქვეშ ატკივდა და დაეწყო გამუდმებული პულსაცია ჭიპის არეში. XXIV დღეს შარდი დანალექით. სრულ გონებაზე მოვიდა. XXVII დღეს ტკივილები მარჯვენა თეძოში, სხვა მხრივ კი ყველაფერი გაუმჯობესდა. შარდი დანალექით. XXIX დღეს ატკივდა მარჯვენა თვალი. შარდი თხელი. მე-40 დღეს ლორწოვანი, თეთრი, საკმაოდ სუფთა განავალი, საერთო ძლიერი ოფლიანობა. საბოლოოდ განიკურნა.

IV. კუნძულ თასოსზე მცხოვრებ ფილისტეს თავი სტკიოდა დიდი ხნის განმავლობაში დროდადრო ძილქუში იპყრობდა და შემდეგ ჩაწვა. ბევრი სმისა და მაღალი სიცხის შემდეგ სენი გამწვავდა. თავიდან სიცხე მისცა ღამით. I დღეს აღებინა ჯერ ნაღველნარევი, ცოტა და ყვითელი, შემდეგ კი – ჟანგისისფერი. განავალი მკერივი, ღამე მოუსვენარი. II დღეს დაყრუედა, მისცა მაღალი სიცხე, მარჯვენა ნეკნებქვეშ დაეძაბა, რაც შიგნით ეზიდებოდა. შარდი ცოტა, თხელი, გამჭვირვალე, სპერმისმაგვარი, ღრუბლისფერი დანალექით. შუადღისას დაეწყო აგრესიული ჰალუცინაციები. III დღე მოუსვენარი. IV დღეს კრუნჩხვები, ყველაფერი გაუარესდა. V დღეს, განთიადისას, გარდაიცვალა.

V. ხარიონს, რომელიც იწვა დემანეტესთან, ბევრი სმის გამო სიცხე მიცა. შემდეგ თავის დამძიმება და ტკივილი შეიგრძნო. ვერ იძინებდა, კუჭი აშლილი ჰქონდა და გამოყოფდა თხელსა და მონაღვლისფეროს. III დღეს მისცა მაღალი სიცხე, დაეწყო თავის კანკალი, განსაკუთრებით უცახცახებდა ქვედა ბაგეები. მალე, ჩამცივნების შემდეგ, დაეწყო კრუნჩხვები, ბევრს ბოდავდა. ღამე ჰქონდა მოუსვენარი. IV დღეს დამშვიდდა, ციტა წაიძინა, ალაპარაკდა. V დღე იყო ძალიან ძნელი, ყველაფერი გართულდა, არეული ბოდვები. ღამე მოუსვენარი, ვერ იძინებდა. VI დღეს იგივე მდგომარეობა. VII დღეს ჩაამცივნა, მერე მისცა მაღალი სიცხე, მთელ სხეულზე ოფლი დაასხა. კრიზისი. განავალი მთელი ამ დროის განმავლობაში იყო ნაღველნარევი, არც ისე ბევრი, შეურეველი, შარდი თხელი, არც თუ კარგი ფერის, ღრუბლისმაგვარლაქებიანი. VIII დღეს შარდი უკეთესი ფერის, ცოტაიდენი, თეთრი დანალექით. სიცხემ გაუარა, გონებაზე მოვიდა. IX დღეს ინტერმისია. XIV დღეს კვლავ მაღალი სიცხე. XVI დღეს აღებინებდა ხშირ-ხშირად ნაღველნარევის და ყვითელს. XVII დღეს ჩაამცივნა, მერე მისცა მაღალი სიცხე, დაასხა ოფლი, მერე სიცხემ დაუკლო. კრიზისი. შარდი შებრუნებისა და გარდატეხვის შემდეგ კარგი ფერის და დანალექიანი. შებრუნების შემდეგ ჰალუცინაციური მოვლე-

ნები აღარ ჰქონია. XVIII დღეს ცოტა ჩაახურვა, ცოტაც მოწყურდა. შარდი ჰქონდა თხელი, ღრუბლისმაგვარი მოტიუტივე ლაქებით. ცოტა იზოდა. XIX დღეს სიცხემ გაუარა, ასტიკედა კისერი, შარდი ჰქონდა ნალექიანი. საბოლოოდ განიკურნა XX დღეს.

VI. ვერიანაქტის ქალიშვილს, ქალწულს, მისცა სიცხე. მთელი ავადმყოფობის განმავლობაში არც მოწყურებია და არც მადა ჰქონდა. განავალი მცირეოდენი, შარდიც ცოტა, წყალ-წყალა, არ თუ კარგი ფერის, სიცხის მიცემისას ტივილი იგრძნო საჯდომზე. VI დღეს სიცხემ გაუარა, არც ოფლი ჰქონდა, კრიზისი. საჯდომზე გაუჩნდა ჩირქოვანი მუწუკები. კრიზისის დროს მუწუკებიდან ჩირქი წამოუვიდა. VII დღეს, კრიზისის შემდეგ, ჩაამცივნა, შემდეგ ცოტა გათბა, დაასხა ოფლი, შემდეგ კი კიდურები გამუდმებით ცივი ჰქონდა. X დღისათვის, ოფლიანობის შემდეგ, ბოდვები დაიწყო და მალევე გონს მოეგო. ამბობდნენ, რომ ეს ყურძნის მტევნის შეჭმამ გამოიწვია. შუალედის შემდეგ, XII დღეს, ძალიან ბევრი იზოდა, კუჭი აეშალა; განავალი ყვითელი, შეურეველი, თხელი, მწვავე. ხშირ-ხშირად დგებოდა. ბოლო ბოდვების შემდეგ VII დღეს გარდაიცვალა. ავადმყოფობის დაწყებამდე აწუხებდა ყელის ტივილი, ყელი გამუდმებით წითელი ჰქონდა, ნაქი უკან ჰქონდა გადახრილი, გამოყოფდა ბევრ, თხელ და მწვავე გამონადენს, ახველებდა, მაგრამ ვერაფერს იღებდა, მთელი ავადმყოფობის განმავლობაში არ ღებულობდა არავითარ საკვებს და არც ჰქონდა ამისი სურვილი. არც წყურვილის სურვილი ჰქონდა და არც სვამდა რაიმეს იმდენს, სათქმელად რომ ღირდეს. გამუდმებით დუმდა, არაფერს ამბობდა, თავს დათრგუნულად გრძნობდა, იყო სასოწარკვეთილი, ემჩნეოდა თანდაყოლილი ჭლექის ნიშნები.

VII. არისტონთან მცხოვრებ ქალს შეეყარა ანგინა. თავიდან იგი დაეწყო ხმის ჩახლენით. ენა გაუწითლდა, გაუშრა. პირველსავე დღეს ჯერ ჩაამცივნა, მერე ჩაახურვა. III დღეს დააწყებინა კანკალი, შემდეგ მისცა მაღალი სიცხე, გაუჩნდა

მაგარი და მოწითალო სიმსივნე კისრისა და მკერდის ორივე მხარეს, კიდურები დაუცივდა და დაულურჯდა, სუნთქვა ზედაპირული, სასმელი ნესტოებიდან გამოსდიოდა, ყლაპვა არ შეეძლო, კუჭის მოქმედება და შარდვა შეუწყდა. VI დღეს გარდაიცვალა.

VIII. ახალგაზრდა კაცს, რომელიც ცრუების მოედანზე ცხოვრობდა, მძიმე და გამუდმებული შრომის, დაღლილობის და უჩვეულო სირბილის შემდეგ მისცა სიცხე. პირველ დღესვე აეშალა კუჭი. განავალი ნაღველმინარევი, თხელი, ბევრი; შარდი წყალწყალა, მოშავო ფერის; არ ეძინა, ძლიერ მოწყურდა. II დღეს ყველაფერი გაუარესდა, განავალი უხვი და არადროული, არ ეძინა, გაღიზიანდა, დაასხა მცირე ოფლი. III დღე მოუსვენარი, ძლიერი წყურვილი, გულისრევა, ძლიერი მოუსვენრობა, დარდი, ბოდვები, კიდურები დაუცივდა და დაულურჯდა. ნეკნების ქვეშ ორივე მხრიდან დაძაბულობა შეციების გარეშე. IV დღეს ვერ იძინა, მდგომარეობა კიდევ უფრო დამძიმდა; VII დღეს გარდაიცვალა. იყო სულ რაღაც ოც წლამდე.

IX. ქალს, რომელიც იწვა ტეისამენოსთან, უცებ დაეწყო ნაწლავის გაუვალობის ნიშნები: ხშირი ღებინება, სასმელს ვერ იკავებდა ორგანიზმში, ატკივდა ნეკნებქვეშ, დაეწყო ტკივილები და გამუდმებული სერვები ქვემო მუცელში, წყურვილს არ განიცდიდა, მისცა მაღალი სიცხე, კიდურები მთლიანად დაუცივდა; კვლავ ღებინება, უძილიბა, შარდი მცირე და წყალ-წყალა; განავალი მოუნელებელი, თხელი, ცოტა; ვერაფრით ვუშველეთ, გარდაიცვალა.

X. პანტიმედეს სახლის ქალთაგან ერთ-ერთს აბორტის შემდეგ პირველსავე დღეს სიცხე მისცა, ენა გაუშრა, მოწყურდა, აღებინა, ვერ დაიძინა, კუჭი აეშალა, განავალი თხელი, ბევრი, მოუნელებელი. II დღეს ჯერ ჩაამცივნა და მერე მაღალი სიცხე მისცა; უხვი განავალი, არ ეძინა. III დღეს ტკივილები გაძლიერდა. IV დღეს ბოდავდა. VII დღეს გარდაიცვალა. კუჭი დაუსუსტდა ბევრი, თხელი, მოუნელებელი

განაელის გამოყოფის გამო. შარდი ჰქონდა ცოტა და წყალ-
წყალა.

XI. მეორე ქალს, ჰიკეტოსის მეუღლეს აბორტის შემდეგ
V თვეს მისცა სიცხე. თავიდან ძილქუში, შემდეგ კი - უძი-
ლობა. ასტკივდა წელი, დაუმძიმდა თავი. II დღეს აეშალა
კუჭი; თავიდან ჰქონდა მცირე, თხელი და წმინდა განაეა-
ლი, III დღეს კი - უფრო მეტი, უარესი; დამით არ ეძინა.
IV დღეს იბოდა, ეშინოდა, დეპრესია, დაებრიცა მარჯვენა
თვალი, თავზე დაასხა მცირე ცივი ოფლი, დაუცივდა კი-
დურები. V დღეს ყველაფერი გაუარესდა, ბევრი იბოდა და
მერე კვლავ გონს მოეგო, არ ჰქონდა წყურვილის გრძნობა,
არ ეძინა, მთელი ამ ხნის განმავლობაში გამოყოფდა ბევრ,
მოუნელებელ განაეაღს; შარდი ცოტა, თხელი, მოშავო
ფერის; კიდურები დაუცივდა, დაულურჯდა. VI დღეს იგივე
მდგომარეობა. VII დღეს გარდაიცვალა.

XII. ქალს, რომელიც ცრუების მოედანზე ცხოვრობდა,
პირველ ვაჟზე ძნელი მშობიარობის შემდეგ სიცხე მისცა.
თავიდან დაეწყო ძლიერი წყურვილი, ღებინებით, გულის
ყრუ ტკივილით. ენა ცოტა გაუშრა, კუჭი აეშალა, განაეა-
ლი ცოტა და თხელი, არ ეძინა. II დღეს ცოტა ჩაამციე-
ნა, მერე მაღალი სიცხე მისცა, თავზე მცირეოდენი ცივი
ოფლი დაასხა. III დღეს მდგომარეობა დამძიმდა, გამოყო
უხვი, მოუნელებელი, თხელი განაეალი. IV დღეს ააკანკალა,
ყველაფერი გამწვავდა, არ ეძინა. V დღესაც მძიმე მდგო-
მარეობა. VI დღეს იგივე. VII დღეს ჩაამციენა, მერე მისცა
მაღალი სიცხე, ძლიერ მოწყურდა, ვერ ისვენებდა; საღა-
მოს ცივი ოფლი დაასხა მთლიანად, მერე ჩაამციენა, ცივი
კიდურები აღარ უთბებოდა; მთელი ღამის განმავლობაში
კვლავ სიცივე, კიდურები კვლავაც ვერ გაუთბეს, არ ეძინა;
ცოტა იბოდა და მალევე გონზე მოვიდა. VIII დღეს, შუადღი-
სას გათბა, მოწყურდა, კომატოზური მდგომარეობა, აღებინა,
აღებინებდა ნადველნარევს, ცოტას და მოყვითალოს; ღამე
მოუსვენარი, არ ეძინა, გაეპარა ბევრი შარდი. IX დღეს ყე-
ლაფერი გაუმჯობესდა, კომატოზური მდგომარეობა, საღა-

მოს ცოტა ჩაამცივნა, აღებინა ცოტა და ნაღველნარევი. X დღეს კვლავ ჩაამცივნა, მერე სიცხემ აუწია, საერთოდ არ ძინებია, განთიადისას მოშარდა ბევრი, უდანაღვექო, კიდურები გაუთბა. XI დღეს აღებინა ნაღველნარევი, ჟანგისფერი; ცოტა ხნის შემდეგ კვლავ ჩაამცივნა და კვლავ დაუცივდა კიდურები: საღამოს ოფლი დაასხა, ჩაამცივნა, აღებინა ბევრი; ღამე ძალიან ძნელი ჰქონდა. XII დღეს ამოაღებინა ბევრი, შავი ფერის, მყრალი, დააწყებინა ჩქარი სლოკინი, შემაწუხებლად ძლიერი წყურვილი. XIII დღეს აღებინა შავი ფერის, მყრალი, ბევრი; კვლავ ჩაამცივნა, შუადღისას ხმა ჩაუწყდა. XIX დღეს ცხვირიდან სისხლი წამოუვიდა. გარდაიცვალა. მთლიანი ავადმყოფობის განმავლობაში ჰქონდა თხელი განავალი, ურეოლა. იყო 17-ამდე წლის.

ამინდის დამასნეულებელი მდგომარეობა. (კატასტასი)

II. სამხრეთული, წვიმიანი წელიწადი, მთელი წლის განმავლობაში ქარი თითქმის არ ყოფილა, უშუალოდ ამის წინ, დიდი გვაღეები რომ იყო, არკტურის ამოსვლამდე დაიწყო დიდი წვიმები სამხრეთის ქართან ერთად. ბნელი, ღრუბლიანი შემოდგომა გამუდმებული წვიმებით. ზამთარი სამხრეთული ქარებით, ნესტიანი; ხოლო ნაბუნობევის შემდეგ— შედარებით რბილი. კარგა ხნის შემდეგ, დღე-ღამე-სწორობის მოახლოებისას თითქოს ზამთარი შემობრუნდა და, უკვე დღე-ღამე-სწორობისას დაიწყო ჩრდილოეთის ქარები თოვლთან ერთად, თუმცა დიდხანს არ გაგრძელებულა. კვლავ სამხრეთული გაზაფხული უქაროდ; ხშირი, გადაუღებელი ძლიერი წვიმები ქოფაკის ვარსკვლავის ამოსვლამდე. ზაფხული ნათელი, ცხელი, სულისშემხუთველი სიცხეები, ეტესიები იშვიათად და არეულად ქროდნენ; შემდეგ კი, არკტურის ამოსვლის წინ, დაიწყო ხშირი წვიმები ბორეასთან ერთად. პოდა, როცა წელიწადი იყო სამხრეთული, სუსტი

და ნესტიანი ქარების თანხლებით, ხალხი, ჭლექიანების გარდა, თავს ჯანმრთელად გრძნობდა მთელი ზამთრის განმავლობაში, ჭლექიანებს შესახებ კი ქვემოთ წერია.

III. ადრე გაზაფხულზე, სიცვიეების დადგომისთანავე ბევრს, ზოგს რაიმე მიზეზით, ზოგს კი უმიზეზოდ შეეყარა ძალიან ცუდი თვისებების წითელი ქარები და მრავალი დაიღუპა. ზოგს ყელი ასტკივდა, შეეცვალა ხმა. ზოგს სიცხე მისცა, ზოგს ფრენიტი დაეწყო, ზოგს აფთები გამოუვიდა პირის ღრუში, ზოგს – სიმსივნეები სასქესო ორგანოებში, ზოგს – თვალების ანთება, ზოგს – კარბუნკულები, აეშალათ კუჭი, დაეწყოთ ანორექსიები; ზოგს მძაფრი წყურვილი, ზოგს – პირიქით; შარდი ამღვრეული, უხვი, უვარგისი, მრავალს ჯერ ძილქუში და მერე უძილობა. ზოგს არ ჰქონია კრიზისი და ვისაც ჰქონდა, ძალიან მძიმედ გადაიტანა; წყალმანკები; მრავალი დაჭლექიანდა... აი, ასეთი იყო ეპიდემიურად გავრცელებული დაავადებები. ყველა ასეთი, ზემოთაღწერილი ავადმყოფები იყვნენ მაშინ და მრავალი დაიხოცა. აი ნიშნებიც, რომლებიც შეემჩნეოდა თითოეულ მათგანს.

IV. უმეტესობას წითელი ქარები დაემართა მთელ ტანზე სრულიად უბრალო მიზეზის, ვთქვათ, სრულიად მცირე ჭრილობის შედეგად, განსაკუთრებით კი სამოციოდე წლის იმ ადამიანებს, რომელთაც პირველად თავზე გაუჩნდათ იგი და ამავე დროს არ მოუფრთხილდნენ მიყენებულ მცირეოდენ ჭრილობას. მრავალს თვით მკურნალობის დროს დაემართა ფლეგმონე და წითელი ქარი სწრაფად ვრცელდებოდა ყოველი მიმართულებით. უმეტესობას ჩირქროვები დაჩირქებებში გადაეზარდა. დიდი რაოდენობით ულპებოდათ და ცვიოდათ ქსოვილი, ძარღვები, ძელები. წარმოქმნილი გამონადენი ჩირქსაც არ ჰგავდა, იყო რაღაც სხვაგვარი, უცნაური, ბევრი, სხვადასხვა ფერის. მათ, ვისაც თავზე დაემართა დაზიანება, მთელს თავსა და ნიკაპზე გაცვივდა თმა; იყო ძელების გაშიშვლებისა და გამოცვენის შემთხვევებიც; უმეტესობას ჰქონდა ბევრი გამონადენი. ყოველივე ეს მიმდინარეობდა როგორც სიცხით, ისე უსიცხოდ. ეს შემთხ-

ვევები უცნაურები უფრო იყვნენ, ვიდრე საშიშები, რადგან ისინი, რომელთა ავადმყოფობა მიმდინარეობდა დაჩირქებებითა და სხვა ამგვარით, უმეტესად გადარჩნენ, ხოლო მათგან, რომელთაც ანთებამ და წითელმა ქარმა გაუარა და არ დაუტოვა არავითარი მსგავსი რამ ჩირქგროვა, უმეტესობა დაიხოცა. შემთხვევები ყოველთვის ერთნაირები იყვნენ, სხეულის რომელ ნაწილზეც არ უნდა ყოფილიყო ეს მოარული სენი. მრავალს ბეჭი და წინამხარი მთლიანად და ირგვლივ გაუშიშელდა. რომელთაც მკერდზე გაუჩნდათ იგი, მთლიანად დაუზიანა ან წინა, ან უკანა კედლები, სხვებს კი მთელი თეძო, მუხლი ან ტერფი მთლიანად გაუშიშელდა. მათ შორის ყველაზე ძნელები იყვნენ ისინი, რომლებიც გამოდიოდნენ ბოქვენზე და სასირცხვო ადგილებში. ასეთი იყვნენ წითელი ქარები, რომლებიც გამოვლინდნენ ჭრილობების გარშემო რაღაც შემთხვევითი მიზეზების გამო. მრავალს იგი გამოაჩნდა რიგორც სიცხის დროს, ისე სიცხემდე და ისე სიცხის შემდეგ. ისიც მოხდა, რომ, რომელთაც ჩირქგროვები და ჩირქოვანები გაუჩნდათ კუჭის დროული მოქმედების დროს, რომლებიც ჩვეულებრივ გადიოდნენ შარდზეც, პრაქტიკულად ამით განიკურნენ, ხოლო ისინი, რომელთა შემთხვევაშიც არ ყოფილა რაიმე ასეთი და რომელთაც ყოველივემ რაიმე შესამჩნევი ნიშნის გარეშე გაუარა, დაიღუპნენ. ეს წითელი ქარები განსაკუთრებით მძვინვარებდნენ გაზაფხულზე, თუმცა გაგრძელდნენ ზაფხულშიც და თვით შემოდგომამდეც კი.

V. მრავალგვარი ტიპივლები გამოიწვია რაღაც შესიებებმა ყელში, ენის ანთებამ და ჩირქოვანმა მუწუკებმა ღრძილებზე. მრავალს ხმა რაღაც საშინელი, წყვეტილი და ცვალებადი გაუხდა. თავიდან ეს ჭლექიანებს დაეპართათ, შემდეგ კი ცხელებიანებსა და ფრენიტიანებსაც.

VI. ცხელებები და ფრენიტები ადრე გაზაფხულზე დაეწყოთ სიცხეების გამო და მაშინ ძალიან ბევრი დაავადდა. ამავე დროს იყო მწვავე და სასიკედილო მინიშნებებიც.

წარმოშობილ ცხელებათა საერთო ნიშნები იყო ასეთი: დასაწყისშივე კომა, ღებინება, კანკალი, მაღალი სიცხე, არც ისე ძლიერი წყურვილი, არავითარი ბოდვა, ნესტოებიდან მცირეოდენი სისხლი წამოუვიდათ. წყვილ დღეებში უმეტესობას ჰქონდა პაროქსიზმები. პაროქსიზმების დროს კარგადნენ მეხსიერებას, ჰქონდათ საერთო სისუსტე, დაკარგეს ხმა; პაროქსიზმის მოახლოებისას გამუდმებით გაყინული კიდურები კიდევ უფრო უცვიდებოდათ. შემდეგ ნელ-ნელა შეთბნენ, თუმცა უსიამოვნოდ, კვლავ გონს მოეგნენ და ალაპარაკდნენ; ისინი ან ძლიერ, მაგრამ უძილო კომაში იყვნენ, ან საერთოდ ვერ იძინებდნენ ტკივილების გამო. მათგან უმრავლესობას კუჭი ჰქონდა აშლილი, გამოყოფდა მოუნელებელ, თხელსა და ბეერ განავალს; შარდიც ბეერი, თხელი, რომელიც არც რაიმე კრიტიკულს მოასწავებდა და არც რაიმე სასიკეთოს. □მათ, როგორც დაავადებულებს, არ გამოჩენიათ აგრეთვე არავითარი რაიმე კრიტიკული მოვლენა, არც რამ ცხვირიდან კარგი სისხლისდენა, არც რამ კრიტიკული პერიოდის მომასწავებელი ჩირქტროვები, რაიც ჩვეულებრივ ხდება ხოლმე ასეთ შემთხვევებში.. ავადმყოფები ისე იხოცებოდნენ, ვისაც როგორ და როდის მოუწევდა, ყოველგვარი წესების გარეშე: ზოგი დიდი ხნის ხმის ჩაწყვეტის, ზოგი ძლიერი ოფლის შემდეგ... აი, ასეთი იყო სიკვდილის მომასწავებელი ნიშნები. იგივე დაემართათ ფრენიტი დაავადებულებს. ყოველივე ეს მიმდინარეობდა წყურვილის ყოველგვარი განცდის გარეშე. არცერთ მათგანს გონება არ დაუკარგავს, როგორც ეს სხვა შემთხვევებში შეიმჩნეოდა, მაგრამ ამასთანავე ისინი ჩაფლულნი იყვნენ რაღაც მოდუნებულ და საშინელ ლეთარგიაში, რის სიმძიმისა გამო დაიღუპნენ კიდევ.

VII. იყო სხვაგვარი სიცხეებიც, რომელთა შესახებ უკვე დაიწერა. მრავალს პირის ღრუში გაუნდა აფთები, წყლულები; სასირცხვიო ორგანოებში ხშირი შეშუპებები, სიმსივნეები გარედანაც და შიგნიდანაც, შებერვები ფენტხებში, თვალების ხანგრძლივი, სველი და მტკივნეული ანთება, ქუთუთოების

შიგნით და გარეთ განუვითარდათ რაღაც ხორციოვანი სიმსივნეები, რასაც ფიგებს უწოდებენ (სიკოზი). სხვა ჭრილობებსა და სასირცხვო ადგილებშიც გაჩნდნენ აგრეთვე მრავალგვარი სიმსივნეები. ზაფხულში თავი იჩინა აგრეთვე მრავალმა კარბუნკულმა და სხვა, ეგრეთწოდებულმა სექტიკურმა დაავადებამ. მრავალს გაუჩნდა დიდ-დიდი, გაფანტული, ბუშტუკებიანი ფუჭი გამონაყარი.

VIII. ბევრს დაემართა მრავალგვარი და სასიკედილო კუჭისმხრივი შეტევები, თავიდან მრავალს ჰქონდა მტკივნეული ტენეზმები, განსაკუთრებით ბავშვებს და მათ, რომლებსაც მომწიფებული ასაკისათვის ჯერ ვერ მიეღწიათ. მათგან უმეტესობა დაიღუპა. მრავალს დაეწყო ფაღარათი და დისენტერია, რომელთა გამო არც ისე დიდ ტკივილს განიცდიდნენ. განავალი ჰქონდათ ნაღლეოვანი, ცხიმისანი, თხელი და წყალ-წყალა. უმეტეს შემთხვევაში თვით ესენი ითვლებოდნენ დაავადებებად და მიმდინარეობდნენ როგორც უსიცხოდ, ისე სიცხეებით. ჰქონდათ მტკივნეული ჭვალეები და სერვები ნაწლავებში. თუმცა ბევრი რამ ნივთიერება იყო ორგანიზმში შეფერხებული, მაგრამ მისი გამოდევნა არ ამსუბუქებდა ტკივილებს და ავადმყოფათვის მიცემული სამკურნალო საშუალებები ძნელად თუ მოქმედებდნენ, უფრო სწორად, სასაქმებელი საშუალებები უმეტესობას კიდევ უძლიერებდა ტკივილებს. ისინი, რომლებიც ასეთ მდგომარეობაში იყვნენ, უმეტესობა მალე დაიხოცა, თუმცა საკმაოდ იყვნენ ისეთებიც, რომელთაც მეტ ხანს გაძლეს. საბოლოოდ ყველანი, ისინიც, რომელთაც დიდ ხანს იავადმყოფეს და ისინიც, რომელთაც ხანმოკლე მწვავე დაავადებები ჰქონდათ, დაიხოცნენ კუჭისმხრივი გართულებების შედეგად, რამეთუ, სწორედ რომ კუჭმა დაღუპა ყველა ისინი.

IX. არა მხოლოდ ზემოთაღწერილ ავადმყოფთათვის, არამედ ამათათვისაც და სხვებისათვისაც, რომელთა სიცოცხლესაც საშიშროება ემუქრებოდა, საერთო დამახიათებელი ნიშანი იყო უმადობა, რომლის მსგავსი მე არასოდეს შემხვედრია.

ზოგს აწუხებდა წყურვილი, ზოგს - არა. სიცხეებისა და სხვა დაავადებების დროსაც არცერთი ავადმყოფი არ გრძნობდა ძლიერ წყურვილს და შენ შეგეძლო მაშინ მიგეწოდებინა მათთვის სასმელი, როცა მოისურვებდი.

X. შარდი ჰქონდათ უხვი, იმასთან შედარებით ბევრად მეტი, რასაც სასმელს ღებულობდნენ, ამასთანავე მასში ბევრი იყო რაღაც უვარგისი, მას არც კონსტიტენციურობა ჰქონდა და არც მონელების ნიშნები, არც რამ სასარგებლო გამწმენდი მოქმედება. საერთოდ, შარდის გამწმენდი მოქმედება, რომელიც ამსუბუქებს ავადმყოფის მდგომარეობას, კარგის მაწმენდილია; აქ კი იგი მიუთითებდა დაუძლურებაზე, გაღიზიანებაზე, განცდებსა და გარდატეხის ნიშნების არარსებობაზე.

XI. ცხელებებს, ფრენიტებს და ყველა სხვა სახის დაავადებებს ჩვეულებრივ თან ახლდა ძილქუში. საერთოდ ყველას ან ჰქონდა ღრმა, ძლიერი ძილქუში, ანდა ხანმოკლე, მსუბუქი ძილი.

XII. სხვა მრავალგვარი ეპიდემიური ციებ-ციხელებებიც მძვინვარებდნენ მაშინ: სამღლიანები, ოთხღლიანები, ერთღამიანები, განუწყვეტლები, ხანგრძლივნი, მოარულნი, ღებინებითნი, უწესრიგონი. ყველა მათგანს თან ახლდა ძლიერი გამწვავებები; ავადმყოფთა უმრავლესობას კუჭი ჰქონდა აშლილი, აკანკალებდა, არაკრიზისის მომასწავებელი ოფლიანობა; შარდი ისეთივე, როგორც აღწერილია ზემოთ. უმრავლესობას დაავადება იმიტომ გაუგრძელდა, რომ ჩირქგროვები, რომლებიც მათ გაუჩნდათ, არ იწვევდნენ სრული განკურნებისაკენ შემობრუნებას ისე, როგორც ეს ხდება ხოლმე სხვა შემთხვევებში. ყველა დაავადებას ახასიათებს კრიზისის სიმძიმეც, უქონლობაც, ხანგრძლივობაც, მაგრამ ყოველივე ეს განსაკუთრებით შეიმჩნეოდა ამ დაავადებების დროს. ამათგან უმეტესობას კრიზისი ჰქონდა მე-80 დღეს. ბევრს დაავადება ისე უმთავრდებოდა, როგორც შეემთხვეოდა. ზოგიერთები ჩაუწოდლდაც დაიხოცნენ წყალმანქებით. ისევე, როგორც სხვა დაავადებების დროს, მრავალი

ავადმყოფი იტანჯებოდა შეშუპებული სიმსივნეებით, განსაკუთრებით კი ჭლექიანები.

XIII. უდიდესი, უმძიმესი და ყველაზე მეტი ადამიანის მომაკვდინებელია ჭლექი. მრავალს ავადმყოფობა დაეწყო ზამთარში და ზოგი მათგანი ჩაწვა, ზოგმა კი ფეხზე გადაიტანა. რომლებიც ჩაწენენ, მათგან უმრავლესობა ადრე გაზაფხულზევე დაიხოცა. რაც შეეხება სხვებს, ხველება არავის არასდროს შეჩერებია, ხოლო ზაფხულში ოდნავ შეუმსუბუქდათ, მაგრამ შემოდგომაზე ყველანი ჩაწენენ და მათგან მრავალი დაიხოცა. მათი უმრავლესობა ხანგრძლივად ავადმყოფობდა. მდგომარეობის მოულოდნელი გაუარესება უმეტესობას გამოეხატებოდა შემდეგი ნიშნებით: ხშირი ჩამცივნება, ბევრ შემთხვევაში განუწყვეტელი მაღალი სიცხე, არადროული, ძლიერი და ცივი ოფლი ბოლომდე. ხშირად აციებდათ და მერე ძლივძლივობით კვლავ თბებოდნენ. კუჭნაწლავი დროდადრო ხან შეეკვრებოდათ, ხანაც თითქმის წყალზე გადიოდნენ. აღსასრულის წინ ყველას ჰქონდა ძლიერი ფაღარათი. რაც შეეხება ფილტვებს, ყველაფერზე საუბარია ქვემოთ.

ჰქონდათ უხვი, წყალ-წყალა შარდი, რომლის გამოყოფასაც არ მოჰქონდა არავითარი სარგებელი. ახველებდნენ ბოლომდე, გაბმულად და შეუჩერებლად უხვი ამონახველით, ნახველი იყო თხელი და გადახარშული, იწვევდა მცირეოდენ ტკივილებსაც და თუმცა წვალობდნენ ავადმყოფები, ფილტვების ამოწმენდა მაინც ძალიან ადვილად ხდებოდა. ყელი არც თუ ისე გაღიზიანებული ჰქონდათ და მარილიანი ღორწო არც თუ ისე შემაწუხებელი იყო. თავზე ჩამოედინებოდდათ რაღაც წებოვანი, თეთრი, თხელი, ქაფიანი, ბევრი ნივთიერება.. ყველაზე დიდი უბედურება, რომელიც არ ეშვებოდა არც ამ და არც სხვა ავადმყოფებს, იყო უმადობა, რაზეც ზემოთ იყო საუბარი, რადგან არ ჰქონდათ არავითარი ჭამისა და სმის სურვილი. განსაკუთრებით წყურვილის გრძნობა საერთოდ არ ჰქონდათ. მთელ სხეულში გრძნობდნენ სიმძიმეს. მერე ძილქუში. მრავალს ჰქონდა შეშუპებები, რომლებიც

შემდეგ წყალმანქებად იქცეოდნენ ხოლმე. ბევრს ჰქონდა ჩამცივნებები და ცახ-ცახი, სიკვდილის წინ კი – ბოდვები.

XIV. ჭლექი მძინვარებდა უთმოებზე, მოთეთროებზე, ფერ-მკრთალებზე, მოწითურებზე, ნათელთვალებიანებზე, ლეკო-ფლეგმატიკებზე, ფრთისმაგვარმხრიანებზე, ქალებზე. რაც შეეხება მელანქოლიკებსა და სისხლჭარბებს, მათ ჰქონდათ მაღალი სიცხეები, ფრენიტები და დისენტერიები. ახალგაზრდა ფლეგმატიკი გოგონები ტენიზმით იყვნენ დაავადებული და ჰქონდათ ნალველნარევი, ხანგრძლივი ფაღარათი მწვავე და ცხიმიანი განავლით.

XV. აღწერილ დაავადებათათვის ყველაზე უფრო საბედისწერო იყო გაზაფხული და ამ დროს ბევრი დაიღუპა. ზაფხული შედარებით კარგი იყო და მხოლოდ მცირეოდენი დაიღუპა. შემოდგომასა და პლევადების დროს, უმეტესად მეოთხე დღეს, კვლავ მრავალი დაიღუპა.

უფიქრობ, რომ გამოჯანმრთელება, რომელიც მოხდა ზაფხულში, შეესაბამება აზრს, რომ ზამთარი განკურნავს ზაფხულის დაავადებას, ხოლო ზაფხული – ზამთრისას, თუმცა ამ წლის ზაფხული არ იყო ჩვეულებრივი, იყო შეუფერებლად თბილი, სამხრეთული და უქარო, თუმცა მისმა ცვალებადობამ საპირისპიროდ, სარგებლობაც კი მოიტანა.

XVI. მე უდიდეს ხელოვნებად მიმანია ის, რომ სწორად გაიაზრო და შეაფასო ყოველივე, რაც აქ წერია. ვისაც აქვს ეს ნიჭი და შეუძლია იმით სარგებლობა, მგონი არ დაუშვებს მნიშვნელოვან შეცდომებს საექიმო ხელოვნებაში. უნდა შეეძლოს წელიწადის ყოველი დროისა და ამინდის მდგომარეობის, თითოეული დაავადების შემცნება, თუ რაა სასარგებლო ამა თუ იმ ამინდსა და დაავადებაში; რაა საზიანო ამა თუ იმ ამინდსა და დაავადებაში; რომელი დაავადებაა ხანგრძლივი და სასიკვდილო, რომელი ხანგრძლივი, მაგრამ არასასიკვდილო; რომელი დაავადებაა მწვავე და სასიკვდილო, რომელი მწვავე, მაგრამ არასასიკვდილო. ამის გათვალისწინებით შეგვიძლია დავადგინოთ კრიტიკული დღეების რიგი და აქედან გავაკეთოთ პროგნოზიც. როცა ყველაფერი

ეს ვიცით, ვიცით ისიც, თუ რომელ ავადმყოფს როდის და როგორი დიეტა უნდა დავენიშნოთ.

16 ავადმყოფი.

I. კუნძულ თასოსზე ვინმე პაროსელს, რომელიც არტემიდეს ტაძრის ზემოთ ცხოვრობდა, მისცა მაღალი სიცხე, თავიდან გაუნელებელი, მწველი. დაეწყო ძლიერი წყურვილი, ჯერ ძილქუში, შემდეგ კი უძილობა. აეშალა კუჭი, შარდი ჰქონდა წყალ-წყალა; VI დღეს მოშარდა ცხიმიანი. ბოდაედა. VII დღეს ყველაფერი გაუუარესდა, საერთოდ არ ეძინა, შარდი ისეთივე, გონება აერია, განავალი ნაღველნარევი და წებოვანი. VIII დღეს ცხვირიდან მცირეოდენი სისხლი წამოუვიდა, აღებინა რაღაც ჟანგისფერი, ცოტა წაიძინა. IX დღეს იგივე მდგომარეობა. X დღეს ყველაფერი გაუმჯობესდა. XI დღეს საერთო ოფლიანობა, ჯერ ჩაამცივნა და მერე კვლავ გათბა. XIV დღეს კვლავ მაღალი სიცხე, უხეი, თხელი, ნაღველნარევი განავალი, შარდში რაღაცები დაცურავდნენ, ბოდაედა. XVII დღე ძნელი ჰქონდა, ვერ იძინებდა, სიცხემ აუწია. XX დღეს საერთო ოფლიანობა უსიცხოდ (უძილოდ)? განავალი ნაღველნარევი. უმადობა. ძილქუში. XXIV დღეს სიცხე შეუბრუნდა, XXXIV დღეს კი გაუარა, თუმცა კუჭი არ შეეკრა და მალე კვლავ სიცხე მისცა. მე-40 დღეს კუჭი ცოტა ხნით შეეკრა, სიცხემ დაუწია, მაღა არ ჰქონდა. მალე სიცხემ კვლავ აუწია და, სიცხე საერთოდ ჰქონდა ცვალებადი: ამ წუთს ჰქონდა, მეორე წუთს – არა. თითქოს იყო რაღაც შუალედები და შემსუბუქება და უცებ კვლავ მაღალ სიცხეს აძლევდა. ჭამდა ცოტას და უგემურად, ცუდად ეძინა, რეციდივის დროს აბოდებდა. შარდი ჰქონდა ბლანტი; შარდავდა უნებლიედ, უდროოდ და მტკივნეულად. კუჭი ხან შეეკვრებოდა, ხან აეშლებოდა. სიცხე არ უნელდებოდა; განავალი უხეი და თხელი. 120-ე დღეს გარდაიცვალა. ამ ავადმყოფს პირველივე დღეებიდან ბოლომდე კუჭი ან აშლილი ჰქონდა, განავალი კი უხეი, ნაღველოვანი და თხელი, ანდა,

თუ კუჭი შეეკვრებოდა, განავალი თითქოს დამწვარი იყო და მოუნელებელი. შარდი ბოლომდე ცუდი ჰქონდა; ხშირი ძილქუში, შემაწუხებელი,

მტანჯველი უძილობა, გამუდმებული უმადობა.

II. კუნძულ თასოსზე, ცივი წყაროს მახლობლად მცხოვრებ ქალს ქალიშვილის დაბადების შემდეგ სამშობიარო განწმენდა არ გამოუვიდა და მესამე დღეს მისცა მაღალი, ამაზრუნე სიცხე. მას მშობიარობამდეც ჰქონდა სიცხეები, იწვა და მადაც არ ჰქონდა, ხოლო ჩამცივნების შემდეგ დაეწყო მაღალი სიცხეები. VIII და მომდევნო დღეებში საერთო ჰალუცინაციები და ხშირი ნათელი შუალედები; კუჭი აშლილი ჰქონდა, განავალი თხელი, ბევრი, წყალნალექმინარევი. წყურვილის გრძნობა არ ჰქონდა. XI დღეს გონს მოეგო, თუმცა მალევე ძილქუშმა შეიპყრო. შარდი საკმაოდ ბევრი, შავი და წყალ-წყალა... კვლავ უძილობა. XX დღეს ცოტა ჩაამცივნა და უმალე გაცხელდა. ცოტა იბოდა, კვლავ უძილობა, განავალი და კუჭის მოქმედება ისეთივე, შარდი ბევრი და წყალ-წყალა. XXVII დღეს აპირექსია, კუჭი შეეკრა. ცოტა ხნის შემდეგ მარჯვენა ფერდის ძლიერი და ხანგრძლივი ტკივილი. კვლავ მაღალი სიცხე, შარდი წყალ-წყალა. მე-40 დღეს ფერდის ტკივილი ცოტა შეუმსუბუქდა, მაგრამ დაეწყო განუწყვეტელი ხველება თხელი, უხვი ამონახველით, კუჭი შეეკრა, მადა არ ჰქონდა. შარდი ისეთივე, გაუნელებელი სიცხეები, გართულებებიც არ ჰქონდა წესისამებრ, ხან იყო, ხან – არა. მე-60 დღეს ხველება უცებ შეუწყდა. ამონახველში არ იყო არაფერი მომწიფებული, არავითარი ჩვეულებრივი ჩირქოვანები. მარჯვენა ლოყაზე დაეწყო კრუნჩხვითი მოვლენები. მერე ძილქუში, ჰალუცინაციები და კვლავ გონს მოეგო. საჭმელი ეზიზღებოდა; ლოყის კრუნჩხვები შეუმცირდა. განავალი ცოტა და ნალექნარევი, სიცხემ კიდევ უფრო აუწია, მერე ჩაამცივნა. შემდეგ დღეებში ხმა დაკარგა, მერე კი კვლავ ალაპარაკდა. მე-80 დღეს გარდაიცვალა. ბოლომდე იყო ძილქუშში, ეზიზღებოდა საჭმელი,

დაეცა სულიერად, არ ეძინა, ბობოქრობდა, ვერ ისვენებდა, გამუდმებული სევდა-მელანქოლია.

III. კუნძულ თასოსზე, ჰერკულესის ტაძრის ზემოთ მცხოვრებ პითეონს დიდი შრომის, გადაღლილობისა და დაუდევარი ცხოვრების ნირის გამო ჯერ საშინლად ჩაამცივნა და მერე მაღალი სიცხე მისცა. ცოტა ენა გაუშრა, ძლიერ მოწყურდა, ასტიკვდა ნაღველი, ვერ დაიძინა, შარდი ჰქონდა მოშავო, რომელშიც რალაცები ტივტივებდნენ და არ იღექებოდნენ. II დღეს, შუადღისას, დაუცივდა კიდურები, განსაკუთრებით ხელები და თავი, დაყრუედა, დამუნჯდა. მთელი ამ დროის განმავლობაში სუნთქავდა მოკლე შუაღვლებით; შემდეგ გათბა, კვლავ ძლიერ მოწყურდა. ღამე მშვიდი ჰქონდა, თავზე მცირეოდენი ოფლი დაასხა. III დღეს მშვიდად იყო, მაგრამ საღამოს, მზის ჩასვლისას, კვლავ ცოტა ჩაამცივნა და აღებინა, ვერ ისვენებდა, ღამე მძიმე ჰქონდა, ვერ იძინებდა, გამოყო მცირეოდენი მკერივი განავალი. IV დღის დილა მშვიდი იყო, შუადღისას კი ყველაფერი გამწვავდა; ჩაამცივნა, დაყრუედა, დამუნჯდა, ყველაფერი გაუარესდა. ცოტა ხნის შემდეგ კვლავ გაცხელდა; შარდავდა შავს, მოტივტივე რალაც ლაქებით. ღამე მშვიდად ეძინა. V დღეს უკეთესად გამოიყურებოდა, ოღონდ კუჭში გრძნობდა მტკივნეულ სიმძიმეს; ძლიერ მოწყურდა. ღამე ძალიან მძიმე ჰქონდა. VI დღის დილამ მშვიდად ჩაიარა, მაგრამ საღამოსთვის ტკივილები გაძლიერდნენ, ყველაფერი გაუარესდა. საღამოს, ოყნის გაკეთების შემდეგ კუჭში კარგად გავიდა, ღამით ეძინა. VII დღეს დღისით აღებინა, ცოტა მოუსვენრობა, შარდავდა ცხიმინას, ღამე ჰქონდა ძალიან ძნელი, ბოდავდა, ვერ იძინებდა. VIII დღეს, დილით, ცოტა წაიძინა, მაგრამ მაღვეე ჩაამცივნა, დაეკარგა ხმა, სუნთქავდა მსუბუქად, გრძნობდა საერთო სისუსტეს. საღამოს კვლავ სიცხემ აუწია, ბოდავდა; განთიადისას ცოტა მოკეთდა, გამოყო ცოტაოდენი, წმინდა, ნაღველნარევი განავალი. IX დღეს ძილქუში; თუ გაიღვიძებდა, აღებინებდა. მოწყურდა. მზის ჩასვლისას მოუსვენრობა დაეწყო, ბოდავდა, ღამე მძიმე ჰქონდა. X დღეს, განთიადი-

სას, ხმა დაკარგა, ძლიერ ჩაამცივნა, მერე კი მაღალი სიცხე მისცა, მთლიანად ოფლმა დაასხა. გარდაიცვალა. ყველაზე უფრო წვალობდა ლუწ დღეებში.

IV. ერთ-ერთ ფრენიტიანს, მწოლიარეს, პირველსავე დღეს დააწყებინა ძლიერი ღებინება, აღებინებდა თხელსა და ჟანგისფერს, ძლიერი, მოცახცახე ციებ-ცხელება. მთელ ტანზე ოფლმა დაასხა; თავსა და ყელში გრძნობდა მტკივნეულ სიმძიმეს; შარდი ჰქონდა წყალწყალა, პატარა, მოცურავე, გაფანტული რალაცებით, რომლებიც არ ილექებოდნენ, გამოყოფდა რბილ, ბევრ განაეალს, ბოდავდა, არ ეძინა. მეორე დღეს, განთიადისას, ხმა ჩაუწყდა, მისცა მაღალი სიცხე, დაასხა ოფლმა, აუკანკალდა მთელი სხეული, ღამით კრუნხხვები. III დღეს ყველაფერი გაუუარესდა. IV დღეს გარდაიცვალა.

V. ლარისაში ერთმა მელოტმა კაცმა უეცრად ტკივილი იგრძნო მარჯვენა ფერდში. არცერთმა მიცემულმა წამალმა არაფერი უშველა. პირველსავე დღეს მისცა მაღალი, მწველი სიცხე, თუმცა იყო მშვიდად, ტკივილი კი არ უნელდებოდა. II დღეს ფერდში ტკივილმა უკლო, მაგრამ სიცხემ კიდევ უფრო აუწია. შფოთავდა, ვერ ისვენებდა; დაუცივდა კიდურები; გამოყოფდა ბევრ, უეარგის შარდს. III დღეს ფერდის ტკივილმა გაუარა, მაგრამ ძალიან გაღიზიანდა და აირია, ღელავდა და შფოთავდა. IV დღეს, შუადღისას გარდაიცვალა.

VI. აბდერის მცხოვრებ პერიკლეს მისცა მაღალი, გაუნელებელი და მტკივნეული სიცხე. ძლიერ მოწყურდა, დამწყურდა, ორგანიზმში სითხეს ვერ ინარჩუნებდა; ოღნავ გაეზარდა ელენტა და დაუმძიმდა თავი. პირველსავე დღეს მარცხენა ნესტოდან სისხლი წამოუვიდა, სიცხემ კი კიდევ უფრო აუწია. შარდავდა ბევრს, მღვრიეს, თეთრს... დაყენებისას არ ილექებოდა. II დღეს ყველაფერი გაუუარესდა, თუმცა შარდი, ჯერ კიდევ ბლანტი, კარგად ილექებოდა. სევდა შეუმსუბუქდა, ეძინა კიდევ. III დღეს სიცხემ დაუწია; შარდი ბევრი, კარგად მონელებული, ბევრი დანალექით.

ღამე მშვიდი ჰქონდა. IV დღეს, შუადღისას მთელ ტანზე ცხელი ოფლი დაასხა, სიცხემ გაუარა, კრიზისი. სიცხე აღარ მიუცია.

VII. აბდერაში, წმინდა ქუჩაზე მცხოვრებ ქალიშვილს მისცა მაღალი და მწველი სიცხე, დაეწყო ძლიერი წყურვილი და უძილობა; მენსტრუაცია პირველად დაეწყო. VI დღეს ძლიერ დასევდიანდა, გაწითლდა, მერე ჩაამცივნა, საშინლადდ მოიწყინა. VII დღეს იგივე მდგომარეობა, თუმცა შარდი ჰქონდა წყალ-წყალა, მაგრამ კარგი ფერის. კუჭის მხრივ არაფერი აწუხებდა. VIII დღეს დაყრუედა, მისცა მაღალი სიცხე, არ ეძინა, ჩაამცივნა, აღებინა. გონებაზე იყო. შარდი ისეთივე. IX და მომდევნო დღეებში ისეთივე მდგომარეობა, სიყრუეც გრძელდებოდა. XIV დღეს გონება აემღერა, სიცხე შეუნარჩუნდა. XVII დღეს ცხვირიდან ბუერი სისხლი წამოუვიდა, სიყრუემ ცოტა დაუკლო; მომდევნო დღეებში კვლავ სევდა, სიცივე, ბოდვები. XX დღეს ატკივდა ფეხები, კვლავ სიყრუე, აღარ ბოდავდა, ცხვირიდან ცოტა სისხლი წამოუვიდა, დაასხა ოფლი, სიცხემ გაუარა. XXIV დღეს სიცხე შეუბრუნდა, კვლავ დაყრუედა, ფეხები კვლავაც ტკიოდა, გონება აერია. XXVII დღეს დაასხა ძლიერი ოფლი, სიცხემ გაუარა, სიყრუეც გაქრა; ფეხები ისევ ტკიოდა, საბოლოოდ კი მთლიანად განიკურნა.

VIII. აბდერელ ანაქსიონს, რომელიც თრაკიის ჭიშკართან ცხოვრობდა, მისცა მაღალი სიცხე, დაეწყო მარცხენა გვერდის განუწყვეტელი ტკივილი, მშრალი ხეელა, პირველ დღეებში ყოველგვარი ამონახველის გარეშე. ძლიერი წყურვილი, უძილობა; შარდი უხვი, კარგი ფერის, თხელი. VI დღეს ბოდვები, სიცხე არ ნელდებოდა, VII დღე ძალიან ძნელი იყო, სიცხე მოემატა, ტკივილებმა კი არ დაუკლო. ტანჯავდა ხეელება, უჭირდა სუნთქვა. VIII დღეს სისხლი გამოუუღეთ მკლავიდან; სისხლის დენა კარგი იყო, ისეთი, როგორიც უნდა ყოფილიყო; ტკივილები შეუმსუბუქდა, მაგრამ მშრალი ხეელება კვლავაც გრძელდებოდა. XI დღეს სიცხემ დაუკლო, თავზე ცოტა ოფლი დაასხა, ხეელება

და ფილტვებიდან ამონახველი უკვე უფრო სველი გახდა. XVII დღეს დაეწყო ცოტა მომწიფებული ნახველის ამოღება. მოკეთდა. XX დღეს ოფლი დაასხა და სიცხემ დაუწია, მაგრამ კრიზისის შემდეგ მოწეურდა და ფილტვებიდან ამონახველი კარგის მომასწავებელი არ ჩანდა. XXVII დღეს სიცხე შეუბრუნდა, კვლავ ახველებდა და ამოახველებდა ბევრს, მომწიფებულს და თხელს. შარდს ჰქონდა ბევრი, თეთრი დანალექი, არ ჰქონდა წყურვილის გრძნობა, კარგად სუნთქავდა. XXXIV დღეს მთელ სხეულზე ოფლი დაასხა, სიცხემ გაუარა. ბოლო კრიზისი.

IX. აბდერელ პერიპიტოსს ზეზეულა ატიკედა თავი და ცოტა ხნის შემდეგ ჩაწვა. იგი ცხოვრობდა ზემოთა გზის მახლობლად. უეცრად მისცა მაღალი და მწველი სიცხე, აღებინა ბევრი და ნაღველნარევი, მერე მოწეურდა და დააწყებინა ძლიერი შფოთვა; შარდი ჰქონდა თხელი და შავი, ზოგჯერ თავზე მოღებული მოტივტივე ლაქებით, ზოგჯერ კი უამისოდ. ღამე მძიმე, სიცხე ხან ასე და ხან ისე ძლიერდებოდა და მწვაედებოდა, საერთო ჯამში იყო ყოველად უწესრიგო. XIV დღეს დაყრუვდა, სიცხემ კიდევ უფრო აუწია, შარდი ისეთივე შეუნარჩუნდა. XX და მომდევნო დღეებში ბევრი იბოდა. მე-40 დღეს ცხვირიდან ბევრი სისხლი წამოუვიდა და ცოტა გონზე მოვიდა. სიყრუე კვლავ გრძელდებოდა, თუმცა ცოტა რამ გაიგონა, მერე სიცხემაც დაუწია. მომდევნო დღეებში ცხვირიდან სისხლისდენა განუახლდა. დენა ჰქონდა ხშირ-ხშირი და ცოტა-ცოტა. მე-60 დღეს სისხლისდენა შეუჩერდა, მაგრამ ძლიერ ატიკედა მარჯვენა თქო და სიცხემაც აუწია. ცოტა ხნის შემდეგ მთელი ქვემო სხეული ატიკედა; ისეც ხდებოდა, რომ ან მაღალი სიცხე ჰქონდა და ძლიერი სიყრუე, ან ესენი სუსტდებოდნენ, ხოლო ტკივილები თქოსა და ქვემო ნაწილებში ძლიერდებოდნენ. მე-80 დღეს გარდა იმისა, რომ ზოგი რამ შემსუბუქდა, საერთო გაუმჯობესებაც შეიმჩნეოდა, რადგან გამოყოფდა კარგი ფერის და ბევრდანალექიან შარდს და შეუმცირდა ქალუცინაციებიც. მეასე დღეს აშლილი კუჭიდან გამოყო უხვი

და ნაღვლისშემცველი განავალი და ეს არც თუ ცოტა ხანს გაგრძელდა; შემდეგ კვლავ დაეწყო დისენტერიული მტკივნეული შეტევები, სხვა ყველაფერი კი გაუმჯობესდა. საბოლოოდ სიცხემაც გაუარა და სიყრუემაც; ასმეოცე დღეს საბოლოოდ განიკურნა.

X. აბდერელ ნიკოდემონს გადაჭარბებული სექსისა და სმის გამო მაღალი სიცხე მისცა. თავიდან იგი რაღაც სევდას განიცდიდა და გულისტკივილსაც გრძნობდა, მეტი სმეტად მოიწყინა, ენა თითქოს დაეწვაო, შარდი ჰქონდა თხელი და შავი. II დღეს სიცხემ აუწია, მერე ჩაამცივნა, დასევდიანდა, აღებინა, ვერ იძინებდა; აღებინებდა ნაღველნარეხს, ყვითელს. შარდიც ასეთივე. ღამემ შედარებით მშვიდად ჩაიარა, ჩაეძინა კიდევ. III დღეს ყველაფერი შემსუბუქდა, ავადმყოფი მომჯობინდა, მაგრამ მზის ჩასვლისას კვლავ გართულდა მდგომარეობა და ღამე უმძიმესი ჰქონდა. IV დღეს ჩაამცივნა, მერე კვლავ ძლიერი სიცხე მისცა, ყველაფერი ატკივდა; შარდი წყალ-წყალა, მინარევი რაღაც ლაქებით. მთელი ღამე მშვიდად იყო. V დღეს ყველაფერი ასევე დარჩა, თუმცა ცოტა შემსუბუქდა კიდევ. VI დღეს ისევ საერთო ტკივილები, შარდში რაღაც დაცურავდა; ბევრს ბოდავდა. VII დღეს მდგომარეობა გაუმჯობესდა. VIII დღეს ყოველგვარმა ტკივილმა დაიკლო. X და შემდეგ დღეებში კვლავ ჰქონდა ტკივილები, მაგრამ ბევრად უფრო სუსტი. გართულებები და სხვადასხვა სახის ტკივილები უმეტესად წყვილ დღეებში ჰქონდა. XX დღეს მოშარდა თეთრი, ბლანტი, რომელიც დადგომის მერეც არ დაიღეკა. დაასხა ძლიერი ოფლო. ავადმყოფს ეჩვენებოდა, თითქოს უსიცხოდ იყო, მაგრამ საღამოს კვლავ გაცხელდა, კვლავ დაეწყო ტკივილები, ჩაამცივნა, მოწყურდა, ცოტა იბოდა კიდევ. XXIV დღეს მოშარდა ბევრი და თეთრი, რომელსაც ბევრი დანალექი ჰქონდა. მთელ ტანზე დაასხა ბევრი და ცხელი ოფლი. ბოლოს სიცხემ გაუარა და განიკურნა კიდევ.

XI. კუნძულ თასოსზე ვინმე სევდიან ქალს, რომელსაც ჰქონდა კიდევ მწუხარების მიზეზი, ფეხზე მოსიარულეს

დაეწყო უძილობა და უმადობა, წყურვილის დიდი შეგრძნება და დარდი. იგი ცხოვრობდა ველზე პილადეს სახლის მახლობლად. პირველსავე დღეს, ღამის დადგომისთანავე, დაეწყო დიდი შიშები, სულიერი სიძაბუნე... ბევრს ქაქანებდა, ცოტა სიცხემაც აუწია. განთიადისას დაეწყო ხშირი კრუნჩხვები. როცა კრუნჩხვები შეუჩერდა, ბოღვა დაიწყო; ბილწისიტყვაობდა. სხედასხვა ადგილების ძლიერი, გამუდმებული ტკივილები. მეორე დღეს არაფერი შეცვლილა, საერთოდ ვერ დაიძინა, სიცხემ კიდევ უფრო აუწია. III დღეს კრუნჩხვები შეუწყდა, მაგრამ ჩაუარდა კომასა და რაღაც დამთრგუნველ მდგომარეობაში და შემდეგ კვლავ გამოცოცხლდა. - იგი წამოხტა საწოლიდან, თავს ვერ იკაებებდა, ბევრს ბოდავდა, მისცა მაღალი სიცხე, იმავე ღამით მთელ ტანზე დაასხა ძლიერი და ცხელი ოფლი. მერე სიცხე დაუვარდა, დაეძინა, გონებაზეც მოვიდა. კრიზისი. III დღეს მოშარდა შავი ფერის და წყალ-წყალა, რომელშიც დაცურავდნენ და არ ილექებოდნენ რაღაც მრგვალი ლაქები. კრიზისის წინ დიდი რაოდენობით მოუვიდა თვიური.

XII. ლარისაში ქალწულ ქალს მისცა მაღალი სიცხე, დაეწყო უძილობა, ძლიერი წყურვილი, ენა დაეხორკლა და გაუშრა; შარდი თუმცა კარგი ფერის ჰქონდა, მაგრამ წყალ-წყალა. II დღე მეტად მძიმე ჰქონდა, არ ეძინა. III დღეს გამოყო ბევრი, თხელი, მომწვანო ფერის განაეალი, ასევე განმეორდა მომდევნო დღეებშიც, ოღონდ ცოტა შემსუბუქებულად. IV დღეს მოშარდა ცოტა და წყალ-წყალა, რომელშიც ტიპტივებდნენ და არ ილექებოდნენ რაღაც ლაქისმაგვარები. ღამით ბევრი იბოდა. VI დღეს ცხვირიდან ბევრი სისხლი წამოუვიდა. ჯერ ჩაამცივნა და მერე მთელ ტანზე დაასხა ცხელი ოფლი. მალევე სიცხემ გაუარა და განიკურნა. ციებ-ციხელებისა და კრიზისის შემდეგ მას პირველად დაეწყო მენსტრუაცია, ის ხომ ქალიშვილი იყო. მთელი აუადმყოფობის განმავლობაში იგი იყო სვედიანი, აკანკალებდა, შუბლი გაწითლებული ჰქონდა, ტკიოდა თვალები, დამძიმებული

ჰქონდა თავი, რეციდივები არ ყოფილა. ტკივილები ჰქონდა ლუწ დღეებში.

XIII. აპოლონოს აბდერელი ფეხზე მოსიარულე ჩამოხმა. კარგა ხანს დაბერილი ჰქონდა შიგნეულობა და დიდი ტკივილები ღვიძლის არეში და ამის მერე დაეწყო სიყვითლე, შებერვები, გაფერმკრთალდა, მოთეთრო-მოყვითალო ფერი მიიღო; უდროო დროს რომ დაღია ძროხის რძე, თავიდან ცოტა ჩაახურა და ჩაწვა. იგი საერთოდ დიდი რაოდენობით ღებულობდა როგორც მოდუღებულ, ისე თხისა და ცხვირის უმ რძეს, საერთოდ არასწორად იკვებებოდა და ამიტომ ყველაფერი ძლიერ ასტივდა, სიცხეც გაუძლიერდა. მიღებულ საკვებთან შედარებით განავალი ძალიან ცოტა ჰქონდა. შარდსაც ცოტას და წყალ-წყალას გამოყოფდა. არ ეძინებოდა, ჰქონდა ძლიერი მეტეორიზმი, გამუდმებული წყურვილი, კომა; დაებერა და ასტივდა მარჯვენა თირკმელქვეშა არე, კიდურები ოდნავ დაუცივდა, ცოტას ბოდავდა, ყველაფერი ავიწყდებოდა, რასაც ამბობდა, არ იყო გონზე. ჩაწოლიდან XIV დღეს ჯერ ჩაამცივნა და მერე ჩაახურა, გონება მთლიანად დაკარგა, ყვიროდა, ღრიალებდა, ვერ ისვენებდა, ბევრს ლაქლაქებდა, შემდეგ ოფლი დაასხა და კომაში ჩავარდა. მერე კუჭი აეშალა, გამოყოფდა ბევრ, ნაღვლოვან შეურეველ და მოუნელებელ მასას. შარდი ჰქონდა შავი, ცოტა და თხელი. ვერ ისვენებდა, განავალი კვლავ სხვადასხვანაირი, ან შავი, ცოტა და მომწვანო, ან ცხიმიანი, მოუნელებელი, მწვავე, ზოგჯერ კი რძისფერიც მოგეჩვენებოდათ. XXIV დღე მშვიდი, სხვა ყველაფერი თითქმის იგივე, ოღონდ ცოტა გონს მოეგო, მას ხომ მის მერე, რაც ჩაწვა, თითქმის არაფერი ახსოვდა, მაგრამ მალე კვლავ ბოდება დაიწყო, ყველაფერი გაუარესდა. XXX დღეს კვლავ მაღალი სიცხე, განავალი უხვი და თხელი; კვლავ ბოდავდა; კიდურები დაუცივდა, ხმა დაეკარგა. XXXIV დღეს გარდაიცვალა. მის მერე, რაც მე იგი ვნახე, ბოლომდე ჰქონდა აშლილი კუჭი, წყალ-წყალა, შავი შარდი, კომა და უძილობა, დაცივებული კიდურები და ყოველდღიური ბოდება.

XIV კიბიკოსში ქალს, რომელმაც ტყუპი გოგონები დაბადა, მძიმე მშობიარობისა და არც თუ სრული მშობიარობის შემდგომი განწმენდის შემდეგ მისცა მაღალი სიცხე, დაეწყო სიმძიმის შეგრძნება და ტკივილები თავსა და კისერში.. თავიდანვე დაეწყო უძილობა, ხმას არ იღებდა, იყო მოღუშული და დაუმორჩილებელი. შარდი ჰქონდა წყალ-წყალა და უფერული; ძლიერი წყურვილი და ღებინება, გონება - არეული. კუჭი ხან შეეკვრებოდა და ხან აეშლებოდა. VI დღეს, ღამით ბევრი იბოდა, ვერ დაიძინა. XI დღეს გააფრინა და მერე კელავ გონებაზე მოვიდა. შარდი ჰქონდა შავი, თხელი და დროდადრო ცხიმოვანი. განავალი უხვი, თხელი და მღვრიე. XIV დღეს დაეწყო ხშირი კრუნისხვები, დაუცივდა კიდურები, გონზე მოსვლის არაეითარი ნიშანი; შარდი შეუჩერდა. XVI დღეს ხმაც დაკარგა. XVII დღეს გარდაიცვალა.

XV. კუნძულ თასოსზე, ვინმე დელეაკროსის ცოლს, რომელიც ცხოვრობდა ველზე, რაღაცის გამო მწუხარების შემდეგ მისცა მაღალი და მოცახცახე სიცხე. თავიდან ბოლომდე ის ხმას არ იღებდა და მთლიანად თავზე საბანს იფარებდა, სხეულის სხეადასხვა ნაწილს ხელით ისინჯავდა, იგლეჯდა და იკაწრავდა; იგრეხდა თმებს, ხან ტიროდა და ხან იცინოდა. ვერ იძინებდა, კუჭ-ნაწლავი გაღიზიანებული ჰქონდა, თუმცა განავალი საერთოდ არ იყო. როცა მოაგონდებოდა, ცოტას სვამდა. შარდი წყალ-წყალა და ცუდი. ხელით შემოწმებისას არ უნდა ჰქონებოდა მაღალი სიცხე, კიდურები დაუცივდა. IX დღეს ბევრი იბოდა, შემდეგ კი გონს მოეგო. კელავაც დუმდა. XIV დღეს სუნთქვა წყვეტილი ჰქონდა, -ხანგრძლივის მერე კელავ მოკლე და აჩქარებული ეწყებოდა. XVII დღეს გაუღიზიანდა და აეშალა კუჭი; თითქმის დაღვეისთანავე გამოყოფდა სითხეს, ველარ იკაევბდა ველარაფერს და ვერც გრძნობდა. კანი დაეჭიმა და გაუშრა, XX დღეს ბევრი ილაპარაკა და მერე დაჩუმდა, ხმაც დაკარგა, მოკლედ სუნთქავდა. XXI დღეს გარდაიცვალა. მთელი ავადმეიფობის განმავლობაში სუნთქვა ჰქონდა იშვიათი და ხანგრძლივი, საერთოდ ვერაფერს გრძნობდა;

სულ მუდამ იყურთხებოდა, ან ქაქანებდა, ან საერთოდ დუმდა.

XVI. მეღობიერელ ყმაწვილ კაცს გამუდმებული ხანგრძლივი სმისა და აღვირახსნილი სექსის გამო მაღალი სიცხე მისცა და ჩაწვა. ჩაამცივნა, აღებინა, ვერ იძინებდა, წყურვილის გრძობა არ ჰქონდა. I დღეს, თავიდანვე ჰქონდა მეტნაკლებად მკერივი განავალი ბევრ გამონადენ სითხესთან ერთად. შემდგომ დღეებშიც განავალი იყო წყალწყალა და მომწვანო ფერის. შარდი ჰქონდა თხელი, ცოტა, უფერული; სუნთქვა არეული, დროდადრო შენელებული და ღრმა. ნეკნებქვეშ, ქვემო მუცელთან მსუბუქი დაძაბულობა, რომელიც მერე ორივე მხარეს გაგრძელდა. მთელი ავადმყოფობის განმავლობაში გულის განუწყვეტელი ბაგუნი. შარდავდა ცხიმიანს. X დღეს მშვიდად იბოდა, იგი ხომ საერთოდ წყნარი და მოწესრიგებული იყო. კანი დაეჭიმა და გაუშრა; განავალი ხან უხვი და თხელი, ხანაც ნაღვლოვანი და ცხიმოიანი. XIV დღეს ყველაფერი გაუუარესდა, დაეწყო პალუცინაციები, ბევრს ლაქლაქებდა. XX დღეს გააფრინა. საერთოდ ვერ ისვენებდა, შარდი შეუკავდა, ორგანიზმში სითხე მცირეოდენილა ჰქონდა. XXIV დღეს გარდაიცვალა.

(სხეულის) საკვების შესასხებ.

1. საკვები და საკვების სახეობა ერთიცაა და მრავალიც; ერთია იმდენად, რამდენადაც წარმომავლობითაა ერთიდაიგივე, მაგრამ არსებობს სველი და მშრალი საკვები. ასევეა ფორმაც და რაოდენობაც – ასეთი თუ ისეთი, ამდენი თუ იმდენი.

2. საკვები ხომ ზრდის, ამაგრებს, ხორცს ასხამს, ამსგავსებს ან განასხვავებს ყოველივე იმას, რაც ახასიათებს თითოეულ ნაწევარს მისი ბუნებისა და საწყისი ძალის შესაბამისად.

3. ძალისმიერად იგი მაშინ ამსგავსებს, როცა მიღების შემდეგ გადაიხარშება და შეწოვისას სხეულში ჩაერთვება.

4. ხოლო იგი თანაბრდება მაშინ, როცა პირველი იშლება ან ერთდება დროის მიხედვით; ან, დროის სესაბამისად, როცა უკანასკნელი იშლება ან ერთდება.

5. ერთსაც და მეორესაც ადრე თუ გვიან აფუჭებს გარედან გამუდმებით მინაღები, ყველა ნაწევართან ხანგრძლივად და მჭიდროდ დაკავშირებული საკვები.

6. საკვები იცვლის თავის პირველ სახეს, ანუ უარყოფს პირველადს და მსუბუქდება, გადახარშული კი კვებას [სხეულს]. ზოგჯერ კი, თუ შეიცვალა პირველადი სახე, აზიანებს მას.

7. საკვების ძალა გადადის ძელებში და მის ყველა ნაწილში, ნერვებში, კენებში, არტერიებში, კუნთებში, გარსებში, ქსოვილებში, ცხიმებში, სისხლში, ლორწოებში, ძელისა და ზურგის ტვინში, თავის ტვინში, შიგნეულობასა და მის ყველა ნაწილში. იგი მოქმედებს თვით სითბოზე, სუნთქვასა და ტენიანობაზე.

8. საკვები ისაა, რაც კვებას, საკვები ისაა, რასაც ძალუცს კვება, საკვები ისაა, რამაც უნდა კვებოს.

9. დასაწყისი ყოველთვის ერთია და, დასასრულიც ყოველთვის ერთია. დასასრულიც და დასაწყისიც ერთი და იგივეა.

10. ის, რაც ნაწილ-ნაწილ საკვებში კარგია, ცუდად შეიწოვება; კარგი ისაა, რაზეც უკვე ითქვა, ცუდი კი ისაა, რასაც ამისი საწინააღმდეგო თვისება აქვს.

11. წვენები სხვადასხვაგვარია როგორც ფერით, ისე ძალით, როგორც მაწყინარობით, ისე სარგებლიანობით, როგორც არამავენებლობით, ისე არასარგებლიანობით; რაოდენობით, სიჭარბით და უკმარისობით, ზოგ ნაწევართან მჭიდრო, ზოგთან კი არაერთიანი კავშირით.

12. საკვები საზიანო და სასარგებლოა ყველაფრის გასათბობად; საზიანო და სასარგებლოა ყველაფრის გასაგრილებლად; საზიანო და სასარგებლოა აგრეთვე ძალ-ღონისთვისაც.

13. ძალ-ღონის ბუნებრივი თვისებები სხვადასხვაგვარია.

14. არიან მთლიანის ან რაიმე ნაწილის გამაფუჭებელი სითხეები როგორც გარეგნულად, ისე შინაგანად; როგორც თავისთავად, ისე არათავისთავად; ჩვენთვის თავისთავადები, მიზეზობრივად კი არათავისთავადები. რაც შეეხება მიზეზს, ზოგი თვალხილულია, ზოგი უხილავი, ზოგი – შესაძლებელი, ზოგი – შეუძლებელი.

15. ბუნება ყველას ყველაფერში ჰყოფნის.

16. ამის საპირისპიროდ გარედან ცხელი საფენის დადება, დაზღვევა, სუნელ-საცხებელის წასმა, სრული ან ნაწილობრივი გაშიშვლება, მთლიანი, ან ნაწილობრივი შეფუთვა, ასეთივე წესით ჩახურება ან შეცივება, დაჭიმვა, დაწყლულება, კბენა, გასუქება.. შიგნიდან – რაიმე ზემოთჩამოთვლილიდან და, გარდა ამისა, ნაწილობრივის თუ მთლიანის ფარული მიზეზი ამისათვის თუ არა ამისათვის.

17. კუჭის, შარდის, ოფლის, ნერწყვის, ლორწოს, საშვილოსნოს ბუნებრივი გამონადენებია: ჰემოროიდებიდან, მუწუკებიდან, კეთრის, კარცინომის, ცხვირიდან, ფილტვებიდან, კუჭიდან, უკანა ხვრელიდან, სასქესო ორგანოებიდან გამონადენები მიმდინარენი როგორც ბუნებრივად, ისე მის საპირისპიროდ. სხვადასხვა ადამიანებს ყოველივე ეს სხვაობა სხვადასხვაგვარი აქვს, სხვადასხვა დროს და სხვადასხვაგვარად. ყოველივე ეს ერთიანი ბუნებაცაა და არაერთიანიც. ბუნებრივად ესენი არის მრავალიც და ერთიც.

18. წამლის მიღება შეიძლება ზემოდანაც და ქვემოდანაც. არც ზემოდან და არც ქვემოდან.

19. ჭამის დროს წამლებით გაწმენდა საუკეთესოა; ჭამის დროს წამლებით გაწმენდა ცუდია; ცუდია, ან კარგი მდგომარეობის შესაბამისად.

20. წყლული, ქავილი, სისხლი, ჩირქი, ბაღდაში, კეთრი, ქეცი, მუნი, სირსველი, ვიტლიგო, ჭორფლი ხან ვნებს, ხანაც შეველის, ზოგჯერ კი არც ვნებს და არც შეველის.

21. საკვები საკვები არაა, თუ დანაყრება არ შეუძლია; არასაკვები კი საკვებია, თუკი დანაყრება შეუძლია. საკვები

სახელდებით და არა სინამდვილეში; საკეები სინამდვილეში და არა მხოლოდ სახელდებით.

22. თმებში, ფრჩხილებში და [სხეულის] გარე ზედაპირში საკეები შიგნიდან მიედინება; შინაგან ორგანოებს საკეები გარედან და გარე ზედაპირიდან მიეწოდება.

23. ერთიანი შერწყმა, ერთიანი სუნთქვა, თანახვედრა ყველაფერში; ყოველი ნაწილი თავისი თავისთავადობით და თითოეული ნაწილის ყოველი ნაწევარი საერთო მოქმედებისათვის.

24. დიდი დასაწყისიდან [ყველაფერი] ბოლოსაკენ მიდის; უკიდურესიდან კი – დიდი დასაწყისისაკენ; არსობაც ერთია – ყოფნა, არყოფნა..

25. დაავადებები განსხვავდებიან კეებაში, სუნთქვაში, სითბოში, სისხლში, ღორწოში, ნაღველში, სითბოში, ქსოვილებში, ცხიმებში, ვენებში, არტერიებში, ნერვებში, კუნთებში, გარსებში, ძელებში, თავისა და ზურგის ტვინში, პირში, ენაში, საყლაპავში, კუჭში, ნაწლავებში, დიაფრაგმაში, მუცელში, ღვიძლში, ელენთაში, თირკმლებში, შარდის ბუშტში, საშვილოსნოში, კანში.. ყველაში ერთობლივად და ცალცალკე; მათი ზომა დიდიცაა და არადიდიც.

26. ნიშნები: ქაეილი, ტკიეილი, ნახეთქები, ჩაფიქრება, ოფლი, დანალექი შარდში, სიმშვიდე, მოუსვენრობა, თვალების ბრიალი, ბოდვა, სიყვითლე, სლოკინი, ეპილეფსია, სისხლი მთლიანად, ძილ-სიზმარი; ამ და სხვა შემთხვევებით, ბუნების შესაბამისობით და სხვა ყველა ამგვარით გამოწვეულია მდგომარეობები, რომლებიც მოქმედებენ საზიანოდ ან სასარგებლოდ; მთლიანი და ნაწილობრივი ტკიეილები, გადიდების ნიშნებით, ზოგი დიდისათვის, ზოგი მცირესათვის; ორივე დიდისათვის და ორივე მცირესათვის.

27. [საკეები არის] სასიამოვნო და არასასიამოვნო: სასიამოვნო სიძლიერით, როგორიცაა [მაგალითად] წყალი; სასიამოვნო გემოთი, როგორიცაა [მაგალითად] თაფლი.

ნიშნები ორივესათვის: წყლულები, თვალების ანთებები და გემოს შეგრძნება.. და ყოველოვე ეს მეტად ან ნაკლებად;

სასიამოვნო შესახედაობით, ფერით და სხვა მინარევებით; სასიამოვნო მეტად ან ნაკლებად.

28. ტანის სიგამხდრე მისთვის, ვისაც ბევრი აქვს დაკლებული, კარგია კანის სუნთქვის თვალსაზრისით; ტანის სიგამხდრე მისთვის, ვისაც ცოტა აქვს დაკლებული, საზიანოა კანის სუნთქვის თვალსაზრისით. ისინი, ვისაც კარგი პერსპირაცია აქვთ, უფრო სუსტები არიან, თუმცა აქვთ კარგი ჯანმრთელობა და ადვილად გამოკეთდებიან ხოლმე; ისინი, რომელთაც ცუდი აქვთ პერსპირაცია, დაავადებამდე შედარებით ძლიერები არიან, მაგრამ, თუ დაავადდნენ, ძნელად თუ გამოჯანმრთელდებიან; ეს ასაუა საერთოდაც და კერძო შემთხვევებშიც.

29. ფილტვები სხეულის საპირისპიროდ ითვისებენ საკვებს, ყველა სხვა ნაწევარი კი - სხეულის მსგავსად.

30. ჰაერით კვების დასაწყისია ნესტოები, პირი, ბრონქები, ფილტვები და სხვა პერსპირაციები; როგორც წენიანი, ისე მშრალი საკვების დასაწყისია პირი, საყლაპავი მილი და კუჭი. საკვების დასაწყისი ქვემო მუცელში იქაა, სადაც ტიპია.

31. ვენების ფესვები ღვიძლშია, არტერიების კი-გულში; ამათგან მიმოიქცევა ყველა ნაწევარში სისხლი და, სითბოც ამათგან მომდინარეობს.

32. ძალა ერთიცაა და არაერთიც, რომლისაგანაც წარმართება ყველა და ყველაფერი; ერთი-მთლიანისა დანაწილობრივის სიცოცხლისათვის, მეორე კი - მთლიანისა და ნაწილობრივის შესაგრძნობლადაა განკუთვნილი.

33. რძე იმისათვისაა საკვები, ვისთვისაც ის ბუნებრივი საკვებია, სხვებისათვის კი-არა; ზოგიერთისათვის ღვინო საკვებია, ზოგიერთისათვის კი -არა, ისევე, როგორც ხორცი და საკვების სხვა სახეობები ქვეყნისა და წეს-ჩვეულებების შესაბამისად.

34. ზოგნი იკვებებიან როგორც გაზრდისათვის, ისე არსებობისათვის, ზოგნი კი - მხოლოდ არსებობისათვის, მაგალითად მოხუცები. ზოგიერთები ძალ-ღონისათვისაც იკვებე-

ბიან. ათლექტური აღნაგობა არაბუნებრივია. ჯანმრთელი აღნაგობა ყოველმხრივ დიდებულია.

35. დიდი საქმეა, თუ გონიერულად შევეუწარდებთ ძალას და ოდენობას.

36. რძე და სისხლი მეტისმეტი საკეებია.

37. დროდადრო ჩვეულებრივ არის ხოლმე თანხედრა ჩანასახსა და მის კეებას შორის, ამასთანავე—მოძრაობაში ზემოთ—რძისა და ბავშვის კეებისათვის.

38. [საკეებით] ცოცხლდება უსიცოცხლო. საკეებით ძლიერდება ცოცხალი, ცოცხლდებიან ცოცხალთა ნაკეთები.

39. ბუნებას არავისთვის არაფერი უსწავლდება.

40. სხვისი სისხლი მარგებელია; საკუთარი სისხლი მარგებელია; სხვისი სისხლი მავნებელია, საკუთარი სისხლი მავნებელია; სხვისი სითხე მავნებელია, სხვისი სითხე მავნებელია; სხვისი სითხე მარგებელია, საკუთარი სითხე მარგებელია. შეუთანხმებელი შეთანხმებულია, შეთანხმებული შეთანხმებულია; სხვისი რძე მარგებელია, საკუთარი რძე მავნებელია. საკუთარი რძე მარგებელია, სხვისი რძე მავნებელია.

41. ახალგაზრდების საკეები მალე იცვლება, მოხუცების—უკიდურესად მალე, მოწიფულებისა კი საერთოდ არ იცვლება.

42. მიიჩნევენ, რომ ჩასახვისათვის [საჭიროა] 35 დღე, ამოძრავებისათვის — 70, დასრულებისათვის — 210. სხეულის თქმით კი: ჩასახვისათვის — 45, ამოძრავებისათვის — 90, დაბადებისათვის — 270 დღე. კიდევ სხეულის მიხედვით: წარმოსაქმნელად — 50, პირველი ამოძრავებისათვის — 100, დასრულებისათვის — 300 დღე. კიდევ სხეულები: ნაკეთების გასარჩევად — 40, გადანაცვლებისათვის — 80, დაბადებისათვის — 240 დღე. ეს ასე არის კიდევც და არც არის, ასეთ შემთხვევებში არის მეტიც და ნაკლებიც, საერთოდაც და კერძო შემთხვევებშიც, მეტზე ცოტა მეტი და ნაკლებზე ცოტა ნაკლები. ეს ასევეა სხვა, მსგავს არსებებთან მიმართებაშიც.

43. ძელების კება მოტეხილობის შემდეგ: ცხვირისთვის [საჭიროა] ორჯერ ხუთი დღე, ყბის, ლაეიწისა და ნეკნისათვის – ორმაგი რაოდენობის; იდაყვისათვის—სამმაგი; მუხლისა და ბეჭისათვის—ოთხმაგი; თეძოსათვის – ხუთმაგი და სხვადასხვა შემთხვევაში შეიძლება დაჭირდეს ცოტა მეტი ან ნაკლები.

44. სისხლი [არსებობს] თხელი და სქელი; თხელი სისხლი კარგია, თხელი სისხლი ცუდია; სქელი სისხლი კარგია, სქელი სისხლი ცუდია; ყველაფერი კარგია და ყველაფერი ცუდია გარკვეულ შემთხვევაში.

45. გზა მალლა, გზა დაბლა.

46. როგორც მშრალ, ისე თხევად ნივთიერებებში საკვების ძალა უკეთესია რაოდენობაზე; საკვების რაოდენობა უკეთესია ძალაზე.

47. საკვები გამოაკლებს და მიუმატებს არა ერთსა და იმავეს; ერთ ნაწევარს თუ გამოაკლებს, მეორეს მიუმატებს იგივეს.

48. ასაკის შესაბამისად ვენების ცემა და სუნთქვა, შეთანასწორებულიც და განსხვავებულიც, არის როგორც ავადმყოფობის, ისე ჯანმრთელობის ნიშანი – უფრო ჯანმრთელობის, ვიდრე ავადმყოფობის და უფრო ავადმყოფობის, ვიდრე ჯანმრთელობის. – სუნთქვაც ხომ იგივე კვებაა.

49. თხევადი საკვები უფრო ადვილი მოსანელებელია, ვიდრე მშრალი; მშრალი საკვები უფრო ადვილად მოსანელებელია, ვიდრე თხევადი. ის, რაც ძნელად იცვლება, ძნელად მოსანელებელიცაა, ის, რაც ადვილად იცვლება, ადვილად მოსანელებელია.

50. მათთვის, რომელთაც მალე ესაჭიროებათ განმტკიცება, თხევადი წამალი საუკეთესო, თუ ვინმეს კიდევ უფრო ჩქარა უნდა, მაშინ სასუნთქი წამალი უნდა მიიღოს. რომელთაც შედარებით ნელა ესაჭიროებათ ჯანმრთელობის აღდგენა, მათ შეუძლიათ მკერძი წამალი მიიღონ.

51. ძელებისა და ნერვების მსგავსად, მკერძი კუნთები ძნელად იშლებიან, ვიდრე დანარჩენები; ისინი ვარჯიშისას

ძნელად იცვლებიან, რადგან ამ დროს ბუნებრივად მკვერივები არიან და ამიტომაც თავისთავად ძნელად თუ რბილდებიან.

52. ჩირქი ქსოვილისაგან წარმოიშობა; ბალღამი – სისხლისა და სხვა სითხეებისაგან; ჩირქი წყლულის საკვებია, ბალღამი კი ვენებისა და არტერიების.

53. ძვლის ტვინი ძვლების საკვებია, ამიტომაც ამკვერივებს მათ.

54. ძალა არ აძლიერებს, უბრალოდ, კვებას და ზრდის.

55. სინოტივე საკვების გადამაადგილებელია.

ძველი მედიცინის შესახებ.

1. რომელთაც ხელეწიფებოდათ ექიმობაზე საუბარი ან წერა, რომელთაც თავისი საუბრის საფუძველად ედოთ ჰიპოთეზა თბილსა და ცივზე, ან სველსა და მშრალზე, ან სხვა რაიმეზე მათი შეხედულების შესაბამისად, ადამიანთა ავადმყოფობისა და სიკვდილის ერთადერთ მიზეზად ერთიდაიგივე, თუნდაც ორი საწყისი რომ მოჰყავდათ, უმეტესად, ცხადია, ცდებიან იმაში, რაზეც საუბრობენ. უპირველესად გააკიცხვის ღირსნი ისინი იმიტომ არიან, რომ შეცდომებს უშვებენ იმ ჭეშმარიტ ხელოვნებაში, რომელიც ყველასათვის უმნიშვნელოვანესია და რომელშიც უნდა მოღვაწეობდნენ საუკეთესო ოსტატები და პრაქტიკოსები; თუმცა არსებობენ როგორც კარგი, ისე ცუდი ოსტატები, მაგრამ ეს ნამდვილად ასე არ იქნებოდა, რომ საექიმო ხელოვნება საერთოდ არ არსებულყო, რომ არაფერზე არც რამ დაკვირვება ეწარმოებინათ და არც არაფერი არ აღმოეჩინათ, რომ ყველაფერი გამოუცდელებისა და უეცრების ხელში დარჩენილიყო და ავადმყოფთა ბედიც მხოლოდ შემთხვევითობაზე ყოფილიყო დაფუძნებული; მაგრამ სინამდვილეში ეს ასე არ არის. როგორც ყველა სხვა ხელოვნებაში, ასევე მედიცინაშიც ოსტატები საკმაოდ განსხვავდებიან ერთიმეორისაგან როგორც ხელების სიმარჯვით, ასევე გონებით; ამიტომ მი-

მანია, რომ არავინ არ უნდა ეყრდნობოდეს ცარიელ ჰიპოთეზებს, როგორც ვერ დავეყრდნობით იმ საგნებს, რომლებიც უხილავნი არიან და საექვონი, რომლებზე საუბრისასაც იძულებულნი ვართ, მხოლოდ ჰიპოთეზებზე დაყრდნობით ვილაპარაკოთ. მაგალითად, თუ ვინმე დააპირებს ილაპარაკოს ციური ან მიწისქვეშეთში არსებული საგნების შესახებ, იმის მიუხედავად, რომ იგი ამბობს, რომ კარგად იცის რა მდგომარეობაში არიან ეს საგნები, მაინც, არც მთქმელისათვის და არც მსმენელისათვის არაა ცხადი, მართალია ეს თუ არა, რადგან არაფერია ისეთი ხელმოსაკიდი, რომელიც დაამტკიცებს, რომ ყოველივე ეს მართლაც ასეა.

2. მედიცინაში კი ძველთაგანვე ყველაფერი სახეზეა, მიკვლეულია საწყისიც და ის გზაც, რისი მეშვეობითაც დროთა განმავლობაში აღმოჩენილია ბევრი რამ დიდებული და ამაზე დაყრდნობით კი ბევრი რამ კვლავაც გაირკვევა, თუკი ვინმე, საფუძვლიანად განსწავლული და უკვე აღმოჩენილის კარგად მცოდნე, უკვე აღმოჩენილზე დაყრდნობით, ეცდება რაიმეს გამოკვლევას.

ის კი, ვინც უარყოფს ამას და უგულვებელყოფს, ვინც კვლევის სხვა გზას დაადგება და ამტკიცებს, რომ მან რაღაც აღმოაჩინა, თვითაც ცდება და სხვასაც აცდუნებს, რადგან ასეთი რამე შეუძლებელია. თუ რატომაა ეს შეუძლებელი, შეეცდები დავამტკიცო ქვემოთ, როცა ვისაუბრებ და განემარტავ, თუ რას ნიშნავს დახელოვნება. მაშინ ნათელი გახდება, რომ გადაჭრით არაფრის მტკიცება არ შეიძლება.

მე მგონი, რომ ამ საქმის მკვლევარებმა უფრო მეტად უნდა ილაპარაკონ იმაზე, რაც იცის უბრალო ხალხმა, რადგან არაფერ სხვაზე არ უნდა წარემართოთ კვლევა თუ საუბარი, თუ არა იმ დაავადებებზე, რომლითაც თვით ისინი იყვნენ ან არიან შეპყრობილნი და იტანჯებიან. მათ ხომ, რადგან გაუნათლებლნი არიან, არ შეუძლიათ გაიგონ, თუ რა სენით არიან დაავადებულნი, როგორ წარმოიშობიან და ქრებიან ეს დაავადებები, რა მიზეზით ძლიერდებიან ან სუსტდებიან და სხვა; სხვებისაგან აღმოჩენილისა და გან-

მარტებული გაგება კი ადვილია; მოცემულ შემთხვევაში ხომ თითოეული მხოლოდ გაიხსენებს, რაც მან თვით განიცადა. ხოლო თუ ვინმე არ შეეგუება უბრალო ადამიანების აზრის გაზიარებას და ამასვე ჩაუნერგავს მსმენელებს, იგი ნამდვილად გადაუხევეს ჭეშმარიტების გზიდან. აი, რატომ არ ჭირდება მედიცინას ჰიპოთეზები.

3. საექიმო ხელოვნება ნამდვილად თავიდანვე არ იქნებოდა აღმოჩენილი, არც ძიებას დაუწყებდნენ მას და არც იქნებოდა ამისი საჭიროება, რომ ავადმყოფი ადამიანისთვისაც ყოფა-ცხოვრების იგივე ნირი და იგივე საკვები ყოფილიყო გამოსადეგი, რაც ჯანმრთელი ადამიანებისათვისაა და რომ სხვა რამ არ ყოფილიყო ავადმყოფებისათვის უკეთესი. მაგრამ თანდათან თვით აუცილებლობამ აიძულა ადამიანები, ეკვლიათ და აღმოეჩინათ საექიმო ხელოვნება, რადგან ავადმყოფებისათვის იგივე საკვების მიცემამ, რასაც ჯანმრთელები ჭამდნენ, სარგებლობა ვერ მოიტანა და ვერც ახლა მოაქვს.

მეტიც, მე მგონი, რომ ძველთაგანვე არავენ არ გამოიგონებდა ჯანმრთელი ადამიანებისათვის იგივე ცხოვრების წესებსა და საკვებს, რითაც ახლა ისინი ცხოვრობენ, ადამიანებისათვისაც რომ გამოსადეგი ყოფილიყო იგივე სასმელი და საჭმელი, რაც სასარგებლოა, ვთქვათ, ცხენისათვის, ან ხარისათვის და სხვა ცხოველებისათვის ადამიანის გარდა, ყველაფერი, რასაც აღმოაცენებს მიწა: ხილი, ბალახი, თივა და სხვა. ცხოველები ხომ ამით იკვებებიან, იზრდებიან, ავადმყოფობის გარეშე ცოცხლობენ და არ საჭიროებენ არავითარ სხვა საკვებს. ამიტომაც მე მგონი, რომ თავიდან ადამიანებიც ასეთივე საკვებს იყენებდნენ და ახლანდელი საკვებ-სანოვაგე მიკვლეულ, შემუშავებულ და დადგენილ იქნა თანდათანობით ხანგრძლივი დროის განმავლობაში. მართლაც, ალბათ როგორ ბევრგვარ საშინელებებს განიცდიდნენ ადამიანები მძიმე და ცხოველური ყოფა-ცხოვრების გამო, რადგან ჭამდნენ მოუხარშავ, შეუფერებელ და მძიმედ მოსანელებელ საჭმელებს. ეს რომ ასე გაგრძელებულიყო

და ახლაც ასე ყოფილიყო, ადამიანები მძიმე მდგომარეობაში ჩაცვივდებოდნენ, დააყადდებოდნენ და მალე დაიღუპებოდნენ. თუმცა, ალბათ მაშინაც ძნელად, მაგრამ მიჩვევის გამო მაინც უფრო ადვილად იტანდნენ ამას მაშინდელი ადამიანები. მათ შორის ისინი, რომლებიც უფრო სუსტები იყვნენ, ალბათ მალევე იღუპებოდნენ, უფრო ძლიერები კი უფრო მეტხანს ცოცხლობდნენ. ასევეა ახლაც; მძიმე საკვებს ზოგი უფრო ადვილად იტანს, ზოგი კი დიდი ტანჯვითა და წვალებით ინელებს. აი, მე მგონი, სწორედ ამის გამო დაიწყეს ადამიანებმა ისეთი საკვების ძებნა, რომელიც მათ ბუნებას შეეფერებოდა და აარჩიეს ისეთები, რომლებსაც ახლა ჩვენ ვიყენებთ. ისინი ხორბალს წმენდდნენ მინარევებისაგან, ანიაგებდნენ, ფქვაუდნენ, ცრიდნენ, ზელდნენ და ცეცხლზე აცხობდნენ და ასე ამზადებდნენ პურს, ქერი-საგან კი—მაცას. ამზადებდნენ საკვებს სხვადასხვა წესით: ზოგს ხარშავდნენ, ზოგს აცხობდნენ, ზოგს წვაუდნენ; უხეშ და მაგარ ნივთიერებებს ურევდნენ უფრო რბილებში და ყველაფერს ადამიანის ბუნებისა და შესაძლებლობის შესაბამისად ამზადებდნენ, რადგან იცოდნენ, თუ უხეშ საკვებს მიიღებდნენ, ისეთს, რომლის ატანა ადამიანის ბუნებას არ შეუძლია, მათ ტკივილებს, სატანჯველს და იქნებ სიკვდილსაც კი მოუვლენდა, ხოლო ისეთები, რომელთა გაძლება და მონელება ადამიანებს შეუძლიათ, კვებას, ზრდასა და ჯანმრთელობას ემსახურებიან... ჰო და, ასეთ კვლევებს და აღმოჩენებს სხვა როგორი მართებული და შესაფერისი სახელი უნდა დარქმეოდა, თუ არა მკურნალობის ხელოვნება?! იმიტომაც, რომ იგი განკუთვნილია ადამიანის ჯანმრთელობის, კვებისა და გადარჩენისათვის; იმისათვის, რომ შეცვალოს ყოფა-ცხოვრების ის ნირი, რომლისაგანაც მომდინარეობს ტანჯვა, ტკივილი და სიკვდილი.

4. თუ ამას ხელოვნებად არ ჩავთვლით, არც ეს იქნება უსაფუძვლო. აკი, თუ არაეინ იქნება უვიცი, არამედ ყველა იქნება კარგად განსწავლული ამ ხელობის საერთო და აუცილებელი გამოყენების გამო, აღარაა საჭირო, რომ

ვინმეს ეწოდოს “დახელოვნებული”. სხვათა შორის ეს აღმოჩენა დიდი, ბევრი დაკვირვებისა და კარგი დახელოვნების შედეგია. ამასთანავე, ხომ ახლაც, ვინც ვარჯიშობს და ძალ-ღონის განმტკიცებითაა დაკავებული, სწორედ რომ ასეთი გამოკვლევებით მუდამ აღმოაჩენს ხოლმე რაიმეს, რის გამოც ყველა, ვინც უკვე გამონაცადი საჭმელითა და სასმელით სარგებლობს, უფრო ადვილად აღწევს სასურველ გაძლიერებას და ხდება უდიდესი ძალის პატრონი.

5. ახლა გადავხედოთ ყველასაგან აღიარებულ მედიცინას, რომელიც მხოლოდ ავადმყოფებისთვისაა შექმნილი, რომელსაც აქვს თავისი სახელიც და ჰყავს თავისი ოსტატებიც, მაგრამ ისიც ხომ მაინც უნდა დაექვემდებაროს თავის თავს და ოდესღაც ხომ ისიც საიდანლაც დაიწყო.

ჩემი აზრით, როგორც ზემოთაც ვთქვი, არავენ არ დაიწყებდა სამედიცინო კვლევა-ძიებას, რომ ავადმყოფებისათვისაც და ჯანმრთელებისათვისაც ცხოვრების ერთიდაიგივე წესები ყოფილიყო შესაფერისი. ამიტომ ახლაც ბარბაროსები და ზოგიერთი ბერძენიც კი, ვისაც მედიცინისა არ სჯერა, თავიანთი სიამოვნებისათვის ავადმყოფებიც კი ისეთივე ცხოვრების წესით ცხოვრობენ, როგორითაც ჯანმრთელები; არაფერზე უარს არ ამბობენ, რაც კი მოესურვებათ და სრულებით არ იზღუდავენ თავს.

ხოლო ისინი, რომლებიც აღიარებენ და მისდევენ მედიცინას, რომლებიც იზიარებენ იმ აზრს, რომელიც მე ზემოთ გამოვთქვი, გაურბიან სურსათ-სანოვაგის სიუხვეს და ბევრის მაგიერ ცოტას ღებულობენ; მაგრამ თუ ეს ზოგიერთი ავადმყოფისათვისაა საკმარისი და, ცხადია, სარგებელიც მოაქვს, ყველასათვის ასე არაა, რადგან ზოგი ისეთ მიძიმე მდგომარეობაშია ჩავარდნილი, რომ არ შეუძლია თუნდაც მცირეოდენი საჭმელის მონელება და ასეთებს უჭირთ შედარებით მსუბუქი საკვების მონელება და ამიტომ მათთვის არჩევდნენ ეგრეთწოდებულ “წვნიან საჭამაღებს”, მცირეოდენ მშრალ საკვებს ხსნიდნენ დიდი რაოდენობის წყალში და მათ სიძლიერეს აქრობდნენ ხარშვითა და შერევით. იმათ

კი, ვისაც ასეთი საკვების მონელებაც არ შეეძლო, ამასაც უხსნიდნენ, სასმელებს უნიშნავდნენ და თანაც ყურადღებით აკვირდებოდნენ, რომ ეს სასმელებიც ზომიერი ყოფილიყო როგორც მოცულობით, ისე შემადგენლობით, რომ იგი არ მოსვლოდათ არც მეტი, არც სხვაგვარად შეზავებული და არც საჭიროზე ნაკლები.

6. ისიც კარგად უნდა დაემახსოვროთ, რომ ზოგიერთი ავადმყოფისათვის ეს “საჭამანდი” სასარგებლო კი არ იყო, არამედ, პირიქით, როდესაც ავადმყოფები მას მიიღებდნენ, მის გამო აეწყოდათ ხოლმე სიცხე და უძლიერდებოდათ ტკივილები. ეტყობა, იგი კვებას და აძლიერებს დაავადებას, მაგრამ ასუსტებს და აძაბუნებს სხეულს. ამგვარად განწყობილი ადამიანები თუ მშრალ საკვებს: ან მაცას, ან პურს თუნდაც მცირეოდენს მიიღებენ, ათჯერ უფრო მეტად და სრულიად ნათლად გაუუარესდებათ მდგომარეობა (“შეჭამანდის” მიმღებთან შედარებით) და ეს არარა სხვა მიზეზით არ ხდება, თუ არა საკვების ავადმყოფთან შეუსაბამობის გამო. ასევე, თუ იგი, ვისაც რგებს წვნიანის და არა მშრალი საკვები, თუ მეტს შეჭამს, გაცილებით მეტს აენებს თავს, ვიდრე მაშინ, ციტა რომ ეჭამა. თუმცა, ცოტაც რომ ჭამოს, გარკვეულ ტკივილებს მაინც განიცდის. ამგვარად, ტანჯვისა და ტკივილის ყოველგვარი მიზეზი ერთიდაიგივეა; ყოველგვარი ზედმეტი ყველაფერზე მეტად და თვალნათლივ ენებს როგორც ჯანმრთელ, ისე ავადმყოფ ადამიანს.

7. აბა სხვა რა ჰქონდა მხედველობაში ეგრეთწოდებულ ექიმს და თავისი საქმის საყოველთაოდ აღიარებულ ოსტატს, რომელმაც აღმოაჩინა ავადმყოფთა კვების სხვა წესები იმისგან განსხვავებული, რომელიც დასაბამიდანვე იყო და მზადდებოდა ძველებური, ველური და ცხოველური საკვები ყველა ადამიანისათვის, რომლითაც ჩვენ ახლაც ვვარსებობთ? მე, ყოველ შემთხვევაში მგონია, რომ ეს ერთიდაიგივე განსჯა და აღმოჩენაა. სინამდვილეში ერთი ცდილობდა, რომ უარყო ყოველგვარი საკვები, რომელსაც ვერ დაძლედა ჯანმრთელი ადამიანის ბუნებაც კი საკვების უხეშობის ან არას-

წორი შეზავების გამო, ხოლო მეორე იმას, რასაც ვერ დაძლედა ის მდგომარეობა, რომელშიც შეიძლება სხვადასხვა დროს აღმოჩნდეს ადამიანი, ამაში ეძებდა გამოსავალს. მაშ რა განსხვავებაა ამ და იმ ხერხს შორის გარდა იმისა, რომ ეს უკანასკნელი უფრო სრულყოფილია და სხვადასხვაგვარი და მეტ შრომას მოითხოვს, განა შეიძლება, რომ გვიან წარმოშობილი იყოს პირველადის დასაწყისი?!

8. თუ გადავხედავთ ავადმყოფთა საკვებთან შედარებით ჯანმრთელთა საკვებს, დავინახავთ, რომ მხეცთა და სხვა ცხოველთა საკვები არც თუ ბევრად მავნეა ჯანმრთელ ადამიანთა საკვებთან შედარებით. თუ ადამიანი ავადაა არც თუ ძლიერი და არცთუ განუკურნებელი, მაგრამ არც თუ ადვილი სენით და იგი მოისურვებს, რომ ჭამოს პური და ხორცი, ან სხვა რამე ისეთი იმ სანოვაგიდან, რაც ერთობ სასარგებლოა ჯანმრთელებისათვის, მისთვის ნამდვილად ცდუნება იქნება და უნდა შეჭამოს არა ბევრი, არამედ ბევრად ნაკლები, რამდენსაც ჯანმრთელი შეჭამდა. ან, თუ სხვა ჯანმრთელი ადამიანი, ბუნებრივად არც თუ სუსტი, მაგრამ არც თუ ძლიერი, შეჭამს რაიმეს იმ საჭმლიდან, რაც სასარგებლოა ხარისათვის, ან ცხენისათვის, მაგალითად მუხუნდოს ან ქერს, ან სხვა რაიმე ამის მაგვარს, ცხადია, ცოტას, მაგრამ ბევრად ნაკლებს, რამდენიც შეეძლო, მაშინ ჯანმრთელი ადამიანი არანაკლებ ტკივილებს და საშიშროებას განიცდის, ვიდრე ის ადამიანი, რომელმაც არაშესაბამისად მიიღო პური ან მაცა. ყოველივე ეს იმისი დამამტკიცებელია, რომ სამედიცინო ხელოვნება ამავე მეთოდითაა გამოკვლეული და ახსნილი.

9. მაგრამ, როგორც ზემოთ ითქვა, ყველა მძიმე საკვები საერთოდ რომ ყოფილიყო მავნებელი, ხოლო ყველა მასზე მსუბუქი სასარგებლო როგორც ავადმყოფების, ისე ჯანმრთელებისთვის, მაშინ საქმე უფრო ადვილი იქნებოდა, რადგან ზოგადად გამოვიყენებდით ამ უვნებელ ხერხს და ავადმყოფებს მივცემდით უფრო მსუბუქს. ახლა კი, ალბათ, დიდი შეცდომა იქნება და დიდ ზიანს მიაყენებს ადამიანს, თუ იგი

მეტად მცირე და მეტად არასაკმაო საჭმელს მიიღებს, რადგან სხვადასხვა სიბინძურე დიდ გავლენას ახდენს ახლანდელ ადამიანზე, ასუსტებს, აუძლურებს და კლავს კიდევც.

ბევრი სხვადასხვა სახის ვნება მოაქვს სიმსუქნეს, მაგრამ არც განლევია ნაკლებად საშიში, რადგან ის ბევრნაირია და განსხვავებული და ამიტომაც დიდ ყურადღებას საჭიროებს, რის გამოც უნდა მოვნახოთ რაიმე შუალედური. ამისი საზომი კი არაა არც წონა, არც რაოდენობა, რითაც შეძლებ რაიმეს ზუსტად გაგებას, დიახ, ამას ვერაფრით შეძლებ, თუ არა სხეულის შეგრძნებით. ამიტომაც ეს საქმე ისე კარგად უნდა შევისწავლოთ, რომ შეცდომა მხოლოდ უმცირესი დავუშვათ ამა თუ იმ მხრივ და, მე დიდად შევაქებდი იმ ექიმს, რომელიც მხოლოდ მცირედ შეცდება, ჭეშმარიტი სიზუსტე ხომ ძალიან იშვიათადაა მისაღწევი. ექიმთა უმრავლესობა ხომ, ჩემის აზრით, უვარგის მესაჭეს ჰგავს; აკი მესაჭეები თუ გემს მშვიდ ზღვაში მართავენ, მათი შეცდომები შეუმჩნეველი რჩება, ხოლო თუ თავს დაატყდებათ ქარიშხალი ან პირქარი, მაშინ ყველა მგზავრი ადვილად დაინახავს, რომ გემი მესაჭეების გამოუცდელობის გამო იღუპება. ასევე, როცა ცუდი ექიმები მკურნალობენ არც თუ მძიმე ავადმყოფს, როცა მათგან დაშვებული დიდი შეცდომაც კი ვერაფერს აენებს ავადმყოფს, (ასეთი დაავადებები კი ბევრად მეტია, ვიდრე ჭეშმარიტად საშიშები) სწორედ ასეთი დაავადებების დროს სცოდავენ ცუდი ექიმები, რადგან ეს შეცოდებები შეუცნობელია უბრალო ადამიანებისათვის.

ხოლო, როცა ასეთ ექიმებს საქმე აქვთ დიდ, ძლიერ და საშიშ დაავადებებთან, მაშინ კი მათი უვიცობა და შეცდომები ყველასათვის ნათელი ხდება და მაშინ ავადმყოფთა უმეტესობაში შურისძიების გრძნობა აღარ აყოვნებს და მალევე გამომჟღავნდება.

10. კუჭი უდროო დაცარიელებითაც უღიზიანდება ადამიანს და ზედმეტი გადავსებითაც. ამას კარგად დაუინახავთ, თუ დავაკვირდებით ჯანმრთელ ადამიანებს. ზოგიერთმა საკვები დღეში მხოლოდ ერთჯერ უნდა მიიღოს და მხ-

ოლოდ ის, რაც მისთვის სასარგებლოა (მათ ხომ იგი თვით დაიდგინეს), ზოგიერთისთვის კი, ამასთან ერთად, სავალდებულოა საუზმეც, რადგან ეს მათთვის სასარგებლოა. ეს ეხება ყველას, რომლებმაც დაიდგინეს კვების ესა თუ ის განრიგი სიამოვნებისათვის თუ შემთხვევით, რადგან ადამიანთა უმეტესობა, რომლებიც ამას თუ იმას არიან მიჩვეულები, ყველა ერთნაირად მისდევს ამ ჩვეულებას, ან უნდა მიიღონ საკვები მხოლოდ ერთჯერ, ანდა უნდა ისაუზმონ კიდევ. თუმცა არიან ისეთებიც, რომლებიც, თუ რაიმეს თავის დროზე არ გააკეთებენ, ეს ძნელად გადააქვთ, რადგან, თუკი ისინი თუნდაც ერთი დღით დაარღვევენ რეჟიმს, მძიმე მდგომარეობაში ჩავარდებიან: კერძოდ, თუ ისაუზმებენ ისინი, რომელთაც არა რგებთ საუზმე, უმალ იღლებიან და მძიმდებიან სხეულითაც და გონებითაც, ამტყნარებენ, ეძინებათ და ძლიერ წყურდებათ, ხოლო თუ მას სადილსაც მიამატებენ, დაეწყებათ მუცლის გერემა, ჭრა და კუჭიც აეშლებათ. ბევრისთვის იგი დიდი ავადმყოფობის მიზეზი გამხდარა მაშინაც კი, თუ იმ საჭმელს, რომლის ჭამასაც ერთჯერ იყვნენ მიჩვეულნი, ორჯერ მიიღებდნენ და არა მეტჯერ. სხვებს კი, თუ ვინმე მიჩვეული იყო, რომ ესაუზმა და ეს მისთვის სასარგებლო იყო და, თუ არ ისაუზმებდა, მაშინვე, როგორც კი საუზმის დრო გადავიდოდა, მას დიდი უძლურება, კანკალი და სულით დაცემა ეწყებოდა, თვალეზი ჩაუცვივდებოდა, შარდი უმუქდებოდა და უცხელდებოდა, პირი უმწარდებოდა, შიგნეულობა თითქოს ეწვოდა, ეწყებოდა თავის ბრუალი, სევდა, შრომისუნარობა. ყოველივე ეს ემართებოდა სადილობის დაწყებისას. საჭმელი ნაკლებად სასიამოვნო ხდება, ადამიანს აღარ შეუძლია იმ საკვების მიღება, რომელსაც წინა საუზმის დროს ღებულობდა. საკვები ჭვალვითა და ხმაურით ჩადის დაბლა და აცხელებს კუჭ-ნაწლავს. ღამეს ატარებენ მოუსვენრად, შიშით შეკპრობილები საშინელი სიზმრების გამო. ბევრისათვის ეს დაავადების დასაწყისიც კი გამხდარა.

11. საჭიროა დავაკვირდეთ, რის გამო მოხდა ყოველივე ეს გართულება. მე მგონი, რომ მან, ვინც მხოლოდ ერთჯერ ჭამას მიეჩნია, არ მოიცადა შესაბამის დრომდე, სანამ კუჭი დააღობდა, დაძლედა და ბოლომდე მოინელებდა წინადმიღებულ საკვებს, დაწყნარდებოდა და აღულებულ და გახურებულ კუჭში კვლავ ჩაუშვა ახალი საჭმელი ასეთი კუჭი ძალიან ნელა ინელებს და სჭირდება კარგად დასვენება და დამშვიდება. ის კუჭი კი, რომელიც მიჩვეული იყო საუზმეს, იკუმშება და ღნება შიმშილისაგან იმიტომ, რომ მაშინვე ვერ მიიღო ახალი საკვები. ჰოდა მე მიმაჩნია, რომ, რასაც ეს ადამიანები განიცდიან, ყველაფერი შიმშილის ბრალია. მე იმასაც ვადასტურებ, რომ სხვა, ჯანმრთელი ადამიანები თუ უჭმელები ორი ან სამი დღე დარჩებიან, იგივეს განიცდიან, რაც ვთქვი უსაუზმოდ დარჩენილების შესახებ.

12. ისეთი ინდივიდები კი, მე მგონი, რომლებიც მალევე და ძლიერ განიცდიან თავის ცდომილობებს, სხვებზე უფრო სუსტები არიან; ხოლო ვინც სუსტია, ის ყველაზე ახლოსაა ავადმყოფთან; ხოლო ვინც ავადაა, ის კიდევ უფრო სუსტია და ბევრად უფრო მეტად ზიანდება, თუ რაიმეს არაშესაფერისს მოიმოქმედებს და, თუ სამედიცინო ხელოვნებაში ასეთი სიზუსტე უნდა არსებობდეს, მაშინ ძნელი იქნება ამ სიზუსტის მიღწევა, მაგრამ სამედიცინო პრაქტიკაში ბევრია ისეთი რამ, რაც სწორედ ასეთ სიზუსტეს საჭიროებს, რაზეც ქვემოთ ვიტყვით. მე არ ვამბობ, რომ ამის გამო უნდა უგულვებელვყოთ სამედიცინო დახელოვნება, თითქოს არ არსებობდეს ასეთი რამ და იგი არასწორად იყოს მოპოვებული, თუკი მას ასეთი სიზუსტე არ ექნება ყველაფერში. პირიქით, რადგან მას შეუძლია დიდი უეცობიდან ჭეშმარიტებამდე მივიდეს თავისი მსჯელობით, მე მგონი უფრო მეტადაც კი უნდა გაგვაკვირვოს იმან, რომ მრავალი რამ აღმოჩენილია სწორად და კარგად და არა შემთხვევით.

13. ახლა მე მინდა ვისაუბრო მათზე, რომლებიც, ახალ მეთოდზე დაყრდნობით, ჰიპოთეზიდან გამომდინარე

დახელოვნებაზე ფიქრობენ. თუ მართლაც არის რაიმე თბილი ან ცივი; მშრალი ან სველი, რომლებიც ვნებენ ადამიანებს, მაშინ მან, ვისაც სურს, რომ სწორად წარმართოს მკურნალობა, თბილი ცივით, ცივი თბილით, მშრალი-სველით, სველი მშრალით უნდა განკურნოს. ავიღოთ არა ბუნებრივად ძლიერი, არამედ შედარებით სუსტი ადამიანი, გამუდმებით ვაჭამოთ მას უმი და დაუმუშავებელი ხორბალი, ისეთივე, როგორიც მან უშუალოდ კალოდან აიღო, ჭამოს უმი ხორცი და სვას წყალი; მჯერა, რომ ასეთი კვების გამო ეს ადამიანი ბევრსა და მძიმე გასაჭირს განიცდის, იგი გაწამდება ტკივილებისაგან და სხეულიც დაუსუსტდება, კუჭიც დაუაეადდება და დიდხანს სიცოცხლეს ვერ შეძლებს. როგორი წამალი უნდა მოვამზადოთ ასეთ მდგომარეობაში ჩავარდნილი ადამიანისათვის? თბილი თუ ცივი; მშრალი თუ სველი? უეჭველია ერთი მათთაგანი. სინამდვილეში, როგორც ისინი ამბობენ, თუ ვნებს ერთი, უნდა შევეუმსუბუქოთ საპირისპიროთი! მაგრამ უსარწმუნოესი და უთვალსაჩინოესი წამალი ამ შემთხვევაში არის ის, რომ მოვაშოროთ ის საკვები, რომელსაც ღებულობდა და ხორბლის ნაცვლად მიეცეთ პური, უმი ხორცის ნაცვლად – მოხარშული და წყლის მაგიერ ვასვათ ღვინო და თუკი ეს მართლაც ასე იქნება, არ არსებობს, რომ ის არ გამოჯანმრთელდეს, თუ რომ განვლილი ხანგრძლივი კვების გამო იგი მთლად მოსპობილი არაა. რა შეგვიძლია ვთქვათ, რამ უშველა მას, ცივისაგან დაძაბუნებულს, თბილმა თუ პირიქით? მე მგონი, რომ ამისი შემკითხველი მეტად უხერხულ მდგომარეობაში ჩავარდება. მან, ვინც პურს ამზადებს, გამოყო ვითომ ხორბლიდან თბილი ან ცივი, მშრალი ან სველი? პური ხომ წყალში იზილება, ცეცხლზე ცხეება და სხვა რაიმეც სჭირდება მის შექმნას, რომელთაც აქეთ თავისი ძალა და ბუნება. ნაწილი, რაც მათ ჰქონდათ, დაკარგა, სხვებს კი შეერია და შეუერთდა.

14. ისიც კარგად ვიცვი, რომ ძალიან დიდი მნიშვნელობა აქვს ადამიანის სხეულისათვის იმას, წმინდა პურს ღებუ-

ლობს იგი თუ – შერეულს, ჩენსოგაცლილი ხორბლისაგან დამზადებულს, თუ – ჩენსოგაუცლელისაგან, ბევრ წყალში მოზეულილს–თუ ცოტაში, კარგად მოზეულილს–თუ ნაკლებად, კარგად გამომცხვარს–თუ გამოუშუშებელს და სხვა მრავალ ასეთს. იგივე ითქმის მაცას შესახებაც. თითოეულ ამაში არის დიდი ძალა და მათ ერთიმეორესთან თითქმის არაფერი აერთიანებს. ჰო და, ვინც ამ ყოველივეს არ დააკვირდება, ანდა დააკვირდება, მაგრამ ვერაფერს გაიგებს, რა უნდა გაიგოს მან ადამიანის ავადმყოფობის მიზეზის შესახებ?! აი, სწორედ ამ პირობებისაგან ასე თუ ისე იტანჯება და იცვლება ადამიანი და სწორედ ამ პირობებით ინარჩუნებს სიცოცხლეს როგორც ყოველი ჯანმრთელი ადამიანი, ისე ავადმყოფიც და გამოჯანმრთელების გზაზე მყოფიც. მართლაც სხვა არაფერია იმაზე უფრო სასარგებლო და აუცილებელი ამის შესანარჩუნებლად, ვიდრე საუკეთესოდ და შესაბამისი განსჯით შევისწავლოთ ადამიანის ბუნება; ეს რომ ყოველივე აღმოაჩინეს პირველმა მკვლევარებმა, ამის პატივს ღმერთს მიაწერდნენ და ეს ახლაც ასე ხდება. ისინი ფიქრობდნენ, რომ ადამიანს არ ვნებს არც ცივი და არც თბილი; არც მშრალი და არც სველი, არც რამ სხვა ამდაგვარი, რომ ადამიანს არა აქვს არაერთარი გასაჭირი ყოველივე ამის გამო. მათი აზრით ადამიანს ვნებს ის, რაც თითოეულ საგანში არის ძალიან ბევრი, ადამიანის ბუნებაზე ზედმატებული, რომლის დაძლევა მას არ შეუძლია და ეძებდნენ მისი შეცვლის საშუალებებს. უძლიერესი კი არის ტკბილთა შორის უტკბილესი, მწარეთა შორის უმწარესი, მჟავეთა შორის უმჟავესი და საერთოდ ის, რაც მოცემულ საგანში არის გადაჭარბებული. ისინი ხედავდნენ, რომ ყოველივე ეს არის ადამიანში და ეგონათ, რომ ისინი ვნებენ მას. დიახაც, არის ადამიანში მწუთხეც, მწარეც, ტკბილიც, მჟავეც, მაგარიც, რბილიც და სხვა მრავალი თვისებით, რაოდენობითა და ხარისხით განსხვავებული ნივთიერებები და ყველა ისინი, შეზავებულნი და შეწონასწორებულნი, არ ჩანან და არ აწუხებენ ადამიანს, მაგრამ როცა რომე-

ლიმე მათგანი გამოცალკევდება და დაიწყებს მოქმედებას დამოუკიდებლად, მაშინ იგი ხილულიც ხდება და აწუხებს კიდევ ადამიანს. ასევე უნდა ითქვას საკვებზეც: რომელიც ჩვენს სხეულს საერთოდ არ ესაჭიროება და მაინც ვჭამთ, ვნებს ადამიანს. თითოეული მათგანი ხომ არის ან მწარე, ან მწუთხე, ან მკავე, ან რაიმე სხვა სახით მოუზომელი და გადაჭარბებული და ამიტომ ორგანიზმში ისინი გართულე-ბებს იწვევენ ისევე, როგორც ეს ხდება ორგანიზმში გამო-მუშავებული სხვადასხვა ნივთიერებების მომატების დროს. მაგრამ ყველაფერს, რასაც ადამიანი ჭამს და სვამს, ცხადია, აქვს ყველაზე მცირე წილი ამ განუზომელ და ყოველის-დამძლე სითხესთან შედარებით. მაგალითად პურს, მაცას და სხვა საჭმელს, რომლის ჭამასაც ადამიანები უხვად და გამუდმებით მიეჩივნენ, იმ სანელებლებს გარდა, რომელიც მზადდება სიამოვნებისა და სიმაძღრისათვის და ეს მრავ-ლადსარგებლიანი საკვები, თუნდაც რომ დიდი რაოდენობით მივიღოთ იგი, არავითარ გაღიზიანებას და საწინააღმდეგო ძალების გამოყოფას არ გამოიწვევს სხეულში; პირიქით, ხელს შეუწყობს სიძლიერეს, სხეულის კვებას და ზრდას და ეს არარა სხვა მიზეზის გამო არაა, თუ არა იმიტომ, რომ კარგად გაწონასწორებულებს არაფერი აქვთ მოუზო-მავი და გადაჭარბებული. პირიქით, ისინი არიან ერთიანნი და უბრალონი.

15. ჩემთვის ნამდვილად გაუგებარია, ისინი, რომლებიც ასე ამბობენ და საექიმო ხელოვნება მითითებული გზიდან ჰიპოთეტურზე გადაჰყავთ, როგორღა აპირებენ ადამიანების განკურნებას თავიანთ ჰიპოთეზებზე დაყრდნობით?! მე მგო-ნი, რომ მათ ვერ მიუგნიათ რაიმე თავისთავად თბილი ან ცივი, მშრალი ან სველი ისეთი, რომელიც სხვა რომელიმე სახეობასაც არ მიეკუთვნება. პირიქით, მე ვფიქრობ, რომ მათაც ისეთივე საჭმელი და სასმელი აქვთ მხედველობაში, რომლებსაც ჩვენ ყველანი ვიყენებთ, მაგრამ ერთს მოიხ-სენიებენ თბილად, მეორეს კი-ცივად; ერთს მშრალად, მე-ორეს კი-სველად და მაშინ კი გაგვიძნელდება, რომ ავად-

მყოფს გამოუქულებნოთ რაიმე თბილი, რადგან იგი პირდაპირ შეგვეკითხება: კერძოდ რა? მაშინ იძულებული გაეხდებით ან მოვატყუოთ იგი, ან რომელიმე ნაცნობი საგანი უნდა დაეუსახელოთ და თუ რაიმე თბილი იქნება ამასთანავე მწკლარტე, ან სველი, ან კიდევ სხვა რამ გამაღიზიანებელი – ხომ არსებობს სხვა მრავალი თბილი საგანი სხვადასხვა, განსხვავებული თვისებების მქონე და მოგვიწვევს შევთავაზოთ რომელიმე მათგანი, ან თბილი და მწკლარტე, ან თბილი და სველი, ან ცივი და მწკლარტე – არიან ხომ ასეთებიც – ან ცივი და სველი და სხვა. აკი, რამდენადაც მე ვიცი, ყველაფერი საპირისპირო მომდინარეობს თითოეული ამ ორი თვისებიდან და ეს ასეა არა მხოლოდ ადამიანებში, არამედ ასევეა ეს, ვთქვათ, ხის ქერქში, თვით ხეში და სხვა მრავალ საგანში, რომლებიც ადამიანებზე ნაკლებ მგრძობიარენი არიან და არა სითბოა დიდი ძალის მქონე, არამედ, ვთქვათ, სიმწკლარტე და სხვა მრავალი, რომლებზეც მე ვსაუბრიბდი, როგორც ადამიანებში, ისე ადამიანების გარდა იმ საგნებშიც, რომლებიც შედიან საჭმელისა და სასმელის შემადგენლობაში, რომლებიც ადამიანებში გარედან შედიან და მკვიდრდებიან.

16. ჩემი აზრით სხეულში სითბოს და სიცივეს უმცირესი ძალა აქვს ყველა სხვა თვისებათა შორის შემდეგი მიზეზის გამო იმ დრომდე, სანამ ცივი და თბილი იქნება ერთმანეთთან შეთვისებული, არ აწუხებენ ადამიანს, თანაზომიერებისა და თანაფარდობის გამო ხომ თბილი ივსება ცივისაგან, ცივი კი – თბილისაგან, ხოლო ცივი და თბილი და სხვა დანარჩენი არ უპირისპირდებიან ერთიმეორეს, მაგრამ თუ ერთი მეორესაგან განცალკევდა, მაშინ კი საზიანოა ერთიცა და მეორეც. როცა გამოცალკევდება სიცივე და ასე თუ ისე შეაწუხებს ადამიანს, მალევე ამის გამო ადამიანში გამოვლინდება სითბო ყოველგვარი დახმარებისა და მომზადების გარეშე და ეს ასე ხდება როგორც ჯანმრთელ, ისე ავადმყოფ ადამიანებში. თუ როსმე ვინმე ჯანმრთელთაგანი მოისურვებს ზამთარში სხეულის გაგრილებას ან ცივ

აბაზანაში, ან რაიმე სხვა საშუალებით. თუ, ცხადია, მთლად არ გაიყინება, რაც მეტად იზამს ამას, რატომა უნდა, როცა ტანსაცმელს ჩაიცვამს და სახლში შევა, მით უფრო და მეტად გაუთბება სხეული. ხოლო, პირიქით, თუ ვინმე როსმე მოისურვებს, რომ ძლიერ გაცხელდეს ან ცხელ აბაზანაში, ან დიდ ცეცხლთან და მერე იმავე სამოსში დარჩენას და იმავე ადგილას ყოფნას, სადაც მას შეცივდა, მაშინ კიდევ უფრო შეცივდება და კანკალსაც დააწყებინებს; ან კიდევ, დიდი სიცხისა და ბულის დროს, როცა ვინმე მარათი ინიავებს და გრილდება, თუ შეწყვეტს მარათს ქნევას, იგი ათჯერ მეტ სიცხესა და ხუთვას იგრძნობს, ვიდრე ის, ვინც ამას არ აკეთებდა. აი, აქ კიდევ მეტი: როცა ადამიანები თოვაში, ან სხვა რამ ყინვიან ამინდში სადმე მიდიან და დაეყინებათ ხელები, ფეხები და თავები, როგორ იტანჯებიან ღამით სიცხისა და ქაველისაგან მას შემდეგ, როცა ჩაიცვამ- დაიხურავენ და თბილ ადგილას გაჩერდებიან. ზოგიერთებს კი, თითქოს დამწვრობის გამო, ბუშტუკებიც კი გაუნდებათ და ეს ყველაფერი მათ არ ემართებათ გათბობამდე. აი, ასე, უცებ ერთი მეორესაგან წარმოიქმნება. კიდევ სხვა ათასი ასეთი და სხვა მაგალითის მოყვანა შეიძლებოდა. განა იმ ავადმყოფებს, რომელთაც ჩამცივნებთ ხოლმე, უმაღვე არ აძლევს მაღალ სიცხეს? სადაც ჩამცივნება ძლიერი კი არაა, არამედ მალევე წყდება და სხვა მხრივაც არაა მავნებელი, სიცხე ხომ დიდხანს შენარჩუნდება ხოლმე! – მთელ სხეულს რომ გაივლის, ის ფეხებში გაჩერდება, სადაც ჩამცივნებაც და სიცივეც ყველაზე ძლიერია და ყველაზე დიდხანს გრძელდება. შემდგომ, როცა ოფლი წამოვა და სიცხეც გაივლის, ავადმყოფს ბევრად უფრო ძლიერ ჩამცივნებს, ვიდრე იმ შემთხვევაში, რომ მისთვის სიცხე თავიდანვე არ მიეცა. მაშ ასე, რატომაა რომ ყველაფერს მალევე მოსდევს საპირისპირო, რომელიც თავისთავად აქრობს მის ძალას, მისგან რა შეიძლება წარმოიქმნას რაიმე სერიოზული და საშიშელი?! და, რატომაა ამ დროს საჭირო ექიმის დახმარება?!

17. ალბათ მეტყვის ვინმე, კი მაგრამ ცხელებით, ფილტვების ანთებით ან სხვა ძლიერი დაავადებით დაავადებულებს ხომ არ გასდით მალევე სიცხე და, ესეიგი, აქ ხომ მალევე არ ცვლის ცივი თბილს? მე კი ამის კარგ დამადასტურებლად მიმაჩნია: არა მხოლოდ სითბოს გამო აძლევს ადამიანს სიცხეს, არა მხოლოდ ისაა ავადმყოფობის მიზეზი, არამედ არსებობს მწარე თბილთან ერთად, მუავე თბილთან ერთად, მწუთხე თბილთან ერთად და სხვა მრავალი ისევე, როგორც ცივია შეერთებული სხვა თვისებებთან და ესენი, მართალია, ენებენ, მაგრამ მათთან ერთად არის სითბოც, რომელსაც აქვს იმდენი ძალა, რომ ყველა მათგანთან ერთად წარმართავს, ამწვაეებს და აძლიერებს დაავადებას, მაგრამ რაიმე განსაკუთრებული, მისთვის დამახასიათებლის გარდა, არ აქვს.

18. ეს რომ ყველაფერი ასეა, კარგად ჩანს შემდეგი ნიშნებიდან: უპირველესად, ცხადია, უთვალსაჩინოესი მოვლენებიდან, რომელთაც თვითთული ჩვენთაგანი ხშირად თვით განვიცდით ახლაც და შევიგრძნობთ მომავალშიც. კერძოდ, როცა ჩვენ სურდო დაგვემართება და ცხვირიდან სითხე დაგვიწყებს დენას, ეს უკანასკნელი ბევრად უფრო მწვაეა იმასთან შედარებით, რომელიც ადრე ყოველდღიურად მოგვდიოდა ცხვირიდან; იგი ასივებს და წევს ცხვირს, აცხელებს მას, რასაც საკუთარი ხელის შეხებითაც კი შევიგრძნობთ და, თუ ეს დიდხანს გაგრძელდება, დაგვიწყლულდება კიდევ გამხმარი და მკერივი ადგილი.. სიმხურვალე კი ცხვირში გაგვივლის არა მაშინ, როცა ჯერ კიდევაა გამონადენი და ანთება არ შემწყდარა, არამედ მაშინ, როცა წამოვა უფრო ბლანტი და ნაკლებ მწვაე, მომწიფებული და მასთან შერეული, როგორიც გექონდა ადრე. ხოლო მათ კი, რომელთაც ეს დაავადება დაემართებათ მხოლოდ გაცივების გამო, სხვა რამეების შეერთების გარეშე, განკურნება წავა ერთადერთი გზით: ჩამცივნებას მოსდევს ჩახურება, სიცხეს გაგრილება და ყოველივე ეს ხდება მალევე და არ ჭირდება არავითარი მომწიფება. ყოველივე სხვა კი, რაც მომდინარე-

ობს [სხეულში არსებული] სითხის სიმწვავისა და არათანაფარლობის გამო, მე მგონი იმავე მიზეზით წარმოიქმნება და ქრება – მომწიფებითა და შეთანასწორებით.

19. ასევეა თვალებიდან წამოსული სითხეც, რომელიც შეიცავს ძლიერ და სხვადასხვაგვარ სიმწვავეს, რაიც აწყლულებს ქუთუთოებს, ზოგს კი უჭამს ლოყებს და თვალბქვეშა ადგილებს, რომლებზეც ის ჩამოედინება და თვით თვალის გუგას გარშემო არსებულ გარსს ხეთქს და ჭამს. ტკივილები, სიცხე და ძლიერი ანთება გრძელდება მანამ, სანამ არ მომწიფდება, გასქელდება და ჩირქად არ გარდაიქმნება ეს გამონადენი სითხე. გადამწიფება კი ხდება მაშინ, როცა მოხდება ურთიერთშერევა, გაწონასწორება და ურთიერთმომწიფება. ხოლო ის სითხეები, რომლებიც ყელში ჩაედინებიან, რომელთაგანაც იწყება ხრინწი, ანგინა, წითელი ქარი და ფილტვების ანთება, ყველანი თავიდან შეიცავენ მარილიან, სველ და მწვავე მასალას და ამათ გამო ავადმყოფობები ყოვნიანიან. ხოლო, როცა უფრო მომწიფებულები და უფრო სქელები ხდებიან და ყოველგვარი სიმწვავისაგან თავისუფლდებიან, მაშინ კი უკვე შეწყდება სიცხეც და სხვა ყველაფერიც, რაც აწუხებდა ავადმყოფს.

ეჭვგარეშეა, რომ ყოველივე არსებულის მიზეზად ის უნდა ჩაითვალოს, რისი არსებობაც აუცილებელია, რომ ისინი ისეთები იყვნენ, როგორებიც არიან, ხოლო, როცა ეს მდგომარეობა სხვაგვარი შერწყმით შეიცვლება, შესაბამისად შეიცვლება ეს საგანიც. ამგვარად, ყველაფერი, რაც მხოლოდ სითბოსმიერ, ან სიცვიისმიერ წარმოიქმნება ყოველგვარი სხვა ძალისა და თვისების გარეშე, შეწყვეტს არსებობას მაშინ, როცა თბილი გაცივდება, ან, შესაბამისად, ცივი გათბება. იცვლება იგი ისეთივე გზით, რომელიც ზემოთ ვთქვი. ასე რომ, სხვა ყველაფერიც, რაც ადამიანს აწუხებს, ძალისაგან მომდინარეობს. მაგალითად, თუ სხეულში ჩაიღვრება მწარე რამ სითხე, რომელსაც ჩვენ ყვითელ ნალველს ვეძახით, ხომ ძლიერი მოუსვენრობა, სიცხე და სისუსტე დაგვეუფლება, ხოლო ამისაგან გათავისუფლებ-

ული კი, გნებაუთ თვითგანწმენდით, გნებაუთ წამლების დახმარებით, თუ ყველაფერი ეს დროულად მოხდება, მაშინვე უშუალოდ განეთავისუფლდებით როგორც ტკივილებისაგან, ისე სიცხისაგან. ხოლო მანამ, სანამ ყოველივე ეს შეუზავებელი და მოუმწიფებელია ორგანიზმში, არ არსებობს ისეთი რამ საშუალება, რაც შეწყვეტდა ტკივილებს და სიცხეს და, თუ ვინმეს დაჯახნის მწვავე, ძლიერი და ჟანგიანი სიმჟავე, აი, მაშინ კი როგორი გამაშმაგებელი შეტევები და ცხელებები დაიწყება შიგნეულობასა და გულ-მკერდში.. როგორი უმწეობაა!... და არ შეწყდება ყოველივე ეს მანამ, სანამ არ გაიწმინდება, არ შეერევა სხვას და არ დაწყნარდება ეს სითხე. ხოლო სითხის მომწიფება, ცვალება, შესუსტება თუ შესქელება ხდება ჩვეულებრივი წველების მსგავსად მრავალი და სხვადასხვა საშუალებებით. ამიტომაც ასეთ შემთხვევაშიც დიდი მნიშვნელობა აქვს კრიზისსაც და დროის ხანგრძლივობასაც, მაგრამ ამაში ყველაზე ნაკლებ მონაწილეობას ღებულობს სითბო და სიცივე, რადგან მათ არ შეუძლიათ არც დაჩირქება და არც რამ შესქელება.

სხვა რა შეგვიძლია ვთქვათ ამასთან დაკავშირებით? ხდება ვითომ სხვადასხვა ძალის ნივთიერებების შერევა?! სითბო ხომ სითბო აღარ იქნება არა სხვა რაიმესთან შერევის, არამედ სიცივესთან შერწყმის შემდეგ და პირიქით, სიცივე აღარ იქნება სითბოსთან შერწყმის შემდეგ. ხოლო, ადამიანის სხეულში არსებული ყველა დანარჩენი, რაც მეტ სითხეში შეერევა, მით უფრო მშვიდდება და მსუბუქდება და ადამიანი მხოლოდ მაშინ გრძნობს თავს უკეთესად, როდესაც ეს სითხეები მომწიფდებიან და დამშვიდდებიან და აღარ იჩენენ არაერთარ დამოუკიდებელ ძალას, თუმცა, ამის შესახებ მე უკვე ვილაპარაკე.

20. ზოგიერთი ექიმი და სოფისტი ამბობს, რომ მედიცინას ვერ შეისწავლი ისე, თუ არ იცი, რა არის ადამიანი; რომ ეს უნდა იცოდეს ყველამ, ვისაც სურს, რომ უმკურნალოს ადამიანებს, მაგრამ მათი საუბარი ძირითადად მაინც ფილოსოფიას შეეხება, როგორიც მაგალითად ემპედოკლეა

და სხვები, რომლებიც წერდნენ ბუნების შესახებ, თუ რა არის ადამიანი დასაბამიდან, როგორ წარმოიშვა პირველად და რისაგან შედგება იგი. მე კი ვფიქრობ, რომ ყოველივე ის, რაც თქვენს ან დაწერეს როგორც სოფისტებმა, ისე ექიმებმა ბუნების შესახებ, მედიცინის ხელოვნებას იმდენად არ ეხება, რამდენადაც მხატვრულ მეტყველებას. მე მგონი, რომ ბუნების ჭეშმარიტი შემეცნება არაფრით სხვით არ ხდება, თუ არა სამედიცინო ხელოვნების მეშვეობით, მაგრამ ამისი გაგება ხდება მხოლოდ იმ შემთხვევაში, როცა მას კარგად ფლობენ, ხოლო, ვისაც ეს არ შეუძლია, მგონი ის ძალზე შორსაა ყოველივე ამისაგან. მე მხედველობაში მაქვს შემდეგი: რა არის ადამიანი, ზუსტად რა მიზეზით წარმოიქმნა იგი და სხვა მრავალი. აი მე რა მგონია:

ყოველი ექიმი ვალდებულია, იცოდეს ბუნების შესახებ ყველაფერი და, ამავე დროს, ესმოდეს თავისი მოვალეობა და მთელი თავისი ყურადღება ამის გაგებას უნდა მიაპყროს, თუკი უნდა, რომ ადასრულოს თავისი მოვალეობა, თუ რა დამოკიდებულებაშია ადამიანი საჭმელთან და სასმელთან მიმართებაში და ყველა სხვა დანარჩენს და იმასაც, თუ რა შეიძლება მოხდეს ერთის, ან მეორისაგან და არა მხოლოდ ასე: “ ყველი ცუდი საჭმელია, ის ხომ დიდ ზიანს აყენებს მის გადაჭარბებულად მჭამელს”, მაგრამ კერძოდ რომელ, როგორ ტკივილს, რა მიზეზით და ადამიანის სხეულის რომელ ნაწილს არა რგებს იგი? კიდევ სხვა მრავალი უზომო საჭმელიც და სასმელიც მავნებელია ადამიანისათვის, თუმცა ისინი ყველანი ერთნაირად როდი მოქმედებენ. თუ ვინმე შესვამს ბევრ სუფთა ღვინოს, მას, ცხადია, ჩააგდება გარკვეულ მდგომარეობაში; მაგრამ მისმა ყველა მხილველმა იცის, რომ მისი ასეთი მდგომარეობის მიზეზი ღვინის ძალაა და ჩვენ უკვე ისიც ვიცით, თუ უმეტესად ადამიანის რომელ ნაწილზე მოქმედებს იგი.

მე ამით იმისი თქმა მინდა, რომ ამგვარი ჭეშმარიტება ყველა სხვა შემთხვევაშიც ასეთივე ნათელი უნდა იყოს. ყველი ხომ, რადგან ჩვენ იგი მაგალითად მოვიყვანეთ, ყვე-

ლა ადამიანისათვის ერთნაირად მავნებელი არაა, ხომ არიან ისეთებიც, რომლებიც ჭამენ მას, მაგრამ არავეითარ. ზიანს არ განიცდიან მისგან, პირიქით, ვისაც ის შეერგება, გასაოცარ ძალასაც კი აძლევს მას; თუმცა არიან ისეთებიც, რომლებიც ნამდვილად ძნელად ინელებენ ყველს. შესაბამისად, ცხადია, ისინი განსხვავებული ბუნებისანი არიან. განსხვავდებიან ისინი იმიტომ, რომ ადამიანის სხეულში არის ყველის საწინააღმდეგო რაღაც და იგი ყველით ამოქმედდება და გაღიზიანდება. ვისაც ეს ნივთიერება ბევრი აქვს სხეულში, ცხადია, მას კიდევ უფრო მეტად ენებს ყველი. მაგრამ ყველი რომ ყოველნაირი ბუნების ადამიანისათვის მავნებელი ყოფილიყო, ცხადია, მაშინ იგი ყველას აენებდა და, ვისაც ეს ეცოდინებოდა, იგი არც გაიწვალებდა თავს.

21. დაავადებებიდან გამოჯანმრთელებისას და ასევე ხანგრძლივი ავადმყოფობების დროსაც მიმდინარეობს მრავალნაირი გართულებები, რომელთაგან ზოგი თავისთავადია, ზოგი კი რაიმე მიზეზითაა გამოწვეული. მე კი ვიცი მრავალი ისეთი ექიმი, რომლებიც, უბრალო ადამიანების მსგავსად, თუ ავადმყოფმა, თუნდაც იმავე დღეს რაიმე ახალი მოიმოქმედა, ვთქვათ იბანაეა, ან ისეირნა, ან ჭამა რაიმე განსხვავებული, თუნდაც რომ სინამდვილეში უკეთესი ყოფილიყო ამისი გაკეთება, მაინც ამ გაღიზიანების მიზეზად მიიჩნევენ ავადმყოფთა ამა თუ იმ საქციელს და, რადგან არ იციან ნამდვილი მიზეზი, უხსნიან ამათუ იმ, ვინ იცის სასარგებლო დანიშნულებას. ასე კი არ უნდა მივიქცეთ, არამედ კარგად უნდა ვიცოდეთ, თუ რა შეიძლება გამოიწვიოს უდროო ბანაობამ, ან რას გამოიწვევს დარდი და სხვა, რადგან ყოველთვის როდია მავნე ადამიანისათვის მაძღრისად ან ამა თუ იმ საჭმელის საერთოდ ჭამა. მაშ ასე, ვინც არ იცის, თუ თითოეული ამათგანი როგორ მოქმედებს ადამიანზე, ის ვერ გაარკვევს, რა შეიძლება მოყვეს ამას და ვერც გამოიყენებს ყოველივეს წესისამებრ.

22. ჩემი აზრით ისიც კარგად უნდა ვიცოდეთ, თუ რომელი ტკივილები აქვს ადამიანებს ამა თუ იმ სითხის ძალებისა-

გან და რომელი ამა თუ იმ ნაკეთებისაგან ამის შესახებ მე ვიტყვოდი: ძალებში მე ვეულისხმობ (ადამიანის სხეულში არსებულ) სითხეთა სიმწვავესა და სიძლიერეს, ხოლო ნაკეთებში მას ყველას, რაიც ადამიანთა სხეულში არსებობს. აკი წიაღთა ზოგიერთი ნაწილი ფართოდან ვიწროში გადადის, ზოგი დაჭიმულია, ზოგი მტკიცეა და მრგვალი, ზოგი ფართო ან ჩამოკიდებული, ზოგი დაჭიმული, ზოგი გრძელი, ზოგიც მკერივი, ზოგი რბილი და სითხისშემცველი, ზოგი უხეში ან ფაშალი...

ახლა კი იმის შესახებ, თუ რა იწოვს და იზიდავს სითხეს სხეულის დანარჩენი ნაწილებიდან: ღრუ და გაშლილი ან მკერივი და მრგვალი, თუ ფართოდან თანდათან დავიწროებული? – მე ვფიქრობ, რომ ფართო წიაღიდან თანდათან დავიწროებული. ამაში დარწმუნება ადვილად შეიძლება თვალხილულ საგნებზე გარეგნული დაკვირვებითაც; ასე მაგალითად, დაღებულ პირით სითხეს ვერ შეხვრეკ, ხოლო, თუ ტუჩებს მოკუმავ, მოწოვ და მოქაჩავ, ანდა თუ, მითუმეტეს, მილაკით მოწოვ, რამდენიც გნებავს, ადვილად შესვამ; ამასთანავე ნათლად აჩვენებენ ამას კოტოშები, რომლებშიც გაფართოებული ნაწილი თანდათან გადადის ვიწროში, რაიც შექმნილია იმისათვის, რომ სხეულიდან გამოქაჩოს და გამოიწოვოს სითხე... და სხვა მრავალი ასეთი იმ ნაწილებიდან, რომლებიც ბუნებრივად ადამიანის სხეულის შიგნით არიან. ასეთივე ფორმა აქვთ საშარდე ბუშტსაც და თავსაც, ასევე საშვილოსნოს. ნათელია, რომ ეს ორგანოები უხვად ისუტავენ სითხეს და მერე მუდამ სავსენი არიან ამ სითხით. ღრუ და ღია ნაწილები, ცხადია, ყველაზე მეტი რაოდენობით ღებულობენ მათში გამავალ სითხეს, მაგრამ ვერ იწოვენ მას შესაბამისი ოდენობით. ხოლო მკერივი და მრგვალი ნაწილები ვერც იწოვენ და ვერც ინარჩუნებენ მათზე გამდინარე სითხეს, რადგან იგი იღვრება სიმრგვალიდან და არაა ადგილი მის მოსათავსებლად, ხოლო ნებისმიერი ღრუბლოვანი და ფაშალი ნაწევარი, როგორებიცაა ელენთა, ფილტვები, სარძევე ჯირკვლები და სხვა, ადვილად

იწოვენ მათ გარშემო არსებულ სითხეს და რადგან მათში დიდი რაოდენობით გროვდება სითხე, ძალიან მაგრდებიან და იზრდებიან. თუმცა სინამდვილეში ელენთაში ისეთი სითხე არაა, როგორც კუჭში. კუჭი მას გარედან იღებს და ყოველდღე იცლება, ხოლო როცა ელენთა თავისთავად იწოვს და ღებულობს სითხეს, მისი ცარიელი და მეჩხერი ადგილებიც და პატარ-პატარა ფოსოებიც ივსებიან; ამის გამო იგი რბილისა და ფაშალის ნაცულად მაგარი და მტკიცე ხდება, იგი არც გადაამუშავებს მას და არც გარეთ გამოყოფს. ყოველივე ეს გამომდინარეობს ამ ნაკეთების ბუნებიდან.

ხოლო ყველაფერი, რასაც წარმოშობს ორგანიზმში ჰაერი და მისი ბრუნვა ცარიელ და შედარებით ფართო სივრცეში, მაგალითად გულ-მკერდის ღრუსა და მუცელში, ბუნებრივია, იწვევს ხმაურსა და შიშინს, რადგან ჰაერი ისე კი არ ავსებს მას, რომ ერთ ადგილას განერდეს, არამედ იგი არის ცვალებადი და მოძრავი, რის გამოც იგი იწვევს ცხად ხმაურსა და მოძრაობას. ლბილსა და ქსოვილოვან ნაწილებში კი ჰაერი იწვევს გადავსებას და გაშეშებას, როგორც ეს ხდება ხოლმე, მაგალითად, დადამბლავებულ ორგანოებში. ხოლო თუ ჰაერი შეხვდება რაიმე ფართოს და საწინააღმდეგოდ მდებარეს და მას მიაწეება და ეს ორგანო კი იქნება ბუნებრივად არც ისე მაგარი, რომ გაუძლოს მის ძალას და არაფერი დაუშავდეს, და არც ისე რბილი და ფაშალი, რომ განიცადოს მისი ძალა და დაემორჩილოს, მაგრამ იქნება სათუთი, სველი, სისხლით გაუღენთილი და ამასთანავე მტკიცე, როგორც მაგალითად ღვიძლი, მაშინ იგი თავისი სიმტკიცისა და სიფართოვის გამო ეწინააღმდეგება და არ ემორჩილება მას, ჰაერი კი აწეება და კიდევ მეტი ძალით უტევს, იგი კი ეწინააღმდეგება და რადგანაც ეს ადგილი სათუთია და სისხლით ავსილი, ხომ არ შეიძლება რომ ეს მისთვის მტკივნეული არ იყოს. ამიტომაც ამ ადგილებში იწყება ხშირი და ძლიერი ტკივილები, მრავალგვარი დაჩირქებები და ჩირქოვანი მუწუკები. ყოვე-

ლივე ეს ასევე ხდება შუასაბჭიდთან მიმართებაშიც, მაგრამ არა ასეთი სიძლიერით, რადგან შუასაბჭიდი ფართოდაა მიმართული ჰაერის საწინააღმდეგოდ, ბუნებრივად მტკიცეა და მყესოვანი, რის გამოც ნაკლებად განიცდის ტკივილებს, თუმცა ზოგჯერ ამ ადგილებშიც არის ხოლმე ტკივილებიც და ჩირქგროვებაც.

23. ასევე ბევრია როგორც გარეგანი, ისე შინაგანი ნაკეთი, რომლებიც ავადმყოფობასთან მიმართებაში დიდად განსხვავდებიან ერთიმეორისაგან როგორც ავადმყოფი, ისე ჯანმრთელ ადამიანებში. ასეთებია მცირე და დიდი თავები, წერილი და სქელი, ან მოკლე და გრძელი კისრები; მრგვალი ან წაგრძელებული მუცლები, გულ-მკერდისა და ნეკნების სივიწროე და სიფართოე და სხვა მრავალი და, საჭიროა, რომ ვიცოდეთ ყოველივე ეს იმისათვის, რომ თითოეულის მიზეზის გაგებით შესაბამისად მოეუფროთხილდეთ მათ.

24. რაც შეეხება სითხეთა თვისებებს, (როგორც უკვე ითქვა), მათ ისე უნდა შევხედოთ, თუ რომელი მათგანი როგორ მოქმედებს ადამიანზე და რა მიმართებაში არიან ისინი ერთიმეორესთან. აი, რისი თქმა მინდა ამით: თუკი ტკბილი სითხე მიიღებს სხვა თვისებას არა შერევით, არამედ თავისთავად, მაშინ, უპირველესად, როგორი იქნება იგი: მწარე თუ მწუთხე, მწკლარტე თუ მჟავე? – მე ვფიქრობ, რომ – მჟავე, მაგრამ მჟავე სითხე ყველა სხვასთან შედარებით იქნება ყველაზე უფრო შეუფერებელი, თუ ტკბილი ყოველთა შორის არაშესაფერისად ჩაითვლება.

ასე რომ, თუ ვინმეს, ვინც გარეგნულად იკვლევს ავადმყოფს, წარმატების მიღწევა უნდა, იგი ყოველთვის შეძლებს, რომ საუკეთესო აირჩიოს.. საუკეთესო კი ისაა, რომელიც მარად შორსაა შეუსაბამოსთან.

ჰაერთა, წყალთა და ადგილთა შესახებ.

I. ვისაც მოესურვება საექიმო ხელოვნების სწორად წარმართვა, შემდეგი უნდა მოიმოქმედოს: უპირველეს ყოვლისა უნდა გაითვალისწინოს წელიწადის დროთა თავისებურებები, თუ რა ძალა გააჩნია თითოეულ მათთაგანს. სინამდვილეში ხომ მათ საერთო თითქმის არაფერი აქვთ. პირიქით, საკმაოდ განსხვავდებიან როგორც ერთიმეორისაგან, ისე შინაგანი ცვალებადობით. ასევე უნდა გაითვალისწინოთ ქარებიც, როგორც ცივები, ისე თბილები, განსაკუთრებით კი ისინი, რომლებიც საერთონი არიან ყველა მოდგმის ადამიანთათვის, შემდეგ კი ისინიც, რომლებიც ამა თუ იმ ქვეყნისათვისაა დამახასიათებელი. ასევე უნდა გაითვალისწინოთ წყლის ხარისხიც, რადგან, როგორც განსხვავდებიან ისინი გემოთი და ხვედრითი წონით, ისევე განსხვავდებიან ქმედითუნარიანობით.

ამიტომაც, როცა ვინმე მივა მისთვის უცნობ ქალაქში, ყურადღება უნდა მიაქციოს მის მდებარეობასაც იმისათვის, რომ გაიგოს, თუ როგორაა იგი მიქცეული ქარებისა და მზის ამოსვლის მიმართ, რადგან არაერთიდაიგივე თვისებები ახასიათებთ ჩრდილოეთისაკენ და სამხრეთისაკენ მიმართულ ქალაქებს, ასევე მის განლაგებას მზის ამოსვლისა და ჩასვლის მიმართ. ასევე საჭიროა, რომ უდიდესი ყურადღება მივაქციოთ იმას, თუ რა მდგომარეობაა ამ ქალაქში წყლების თვალსაზრისით, იყენებენ ისინი ჭაობის რბილ, მაღალი კლდოვანი ადგილებიდან მომდინარე ხისტ, თუ მარილიან და მოსანელებლად შეუფერებელ წყალს. თვით ნიადაგსაც უნდა დავაკვირდეთ, შიშველია იგი და გამომშრალი, თუ ტყიანი და ნესტიანი, მდებარეობს იგი ჩაღრმავებულ და სიციხისაგან ჩახურებულ, თუ მაღალსა და გრილ ადგილას.

ხალხის ცხოვრების ნირსაც უნდა დავაკვირდეთ; თუ რა უფრო უყვართ: უყვართ თუ არა სმა, ქეიფი და გართობა, თუ უფრო მოსწონთ შრომა და ვარჯიში, ჭამენ ბევრს და არ სვამენ...

II. კიდევ აი რა უნდა გავითვალისწინოთ: თუ ვინმე მივა უცნობ ქალაქში და ყოველივეს კარგად დააკვირდება, საუკეთესოა აქ ყოველივე თუ არა, ან, ყოველ შემთხვევაში, მათგან უმრავლესობა თუ ვერ შეძლებს, რომ დაუმალოს მას ამ ადგილებისათვის დამახასიათებელი დაავადებები და ისიც, თუ როგორია ამ დაავადებათა ბუნება, მაშინ იგი არც დაიბნევა და არც გაუჭირდება მათგან განრიდება და, თუკი ვინმე, წინასწარვე ამისი გამომცნობი ყოველივე ამ პირობას გაითვალისწინებს, ეს უკანასკნელიც ჩვეულებისამებრ წარიმართება, ხოლო დროთა განმავლობაში იგი მთელი წლით იწინასწარმეტყველებს, თუ რომელი საყოველთაო დაავადებები იმძვინვარებენ ამ ქალაქში ზაფხულობით თუ ზამთრობით და რომელი ცალკეული დაავადებები ემუქრება თითოეულს ცხოვრების ნირის შეცვლის გამო. აკი, ვისაც ეცოდინება წელიწადის დროთა ცვალებადობა, ვარსკვლავთა ამოსვლისა და ჩასვლის განჭვრეტა, თუ როგორ მიმდინარეობს თითოეული მათგანი, იგი შეძლებს მომავალი წლის მდგომარეობის გამოცნობასაც.

ამგვარად გამოკვლევის წარმმართველი, თუ განჭვრეტს დროთა შემთხვევითობას, საუკეთესოდ გამოიცნობს თითოეულის ბუნებას, ბევრს მიაღწევს ჯანმრთელობის შენარჩუნების მხრივ და არანაკლებს დახელოვნების თვალსაზრისით.

თუ ვინმეს ჰგონია, რომ ყოველივე ეს მხოლოდ მეტეოროლოგიის საქმეა, ცდება და, თუ ამას გადაიფიქრებს, ადვილად დარწმუნდება, რომ ვარსკვლავთმცოდნეობას მედიცინასთან არა თუ მცირე, არამედ ძალიან დიდი საერთო აქვს, აკი წელიწადის დროთა ცვალებადობის შესაბამისად იცვლება ადამიანის კუჭიც და დაავადებებიც.

III. კერძოდ თუ რომელი საშუალებებით უნდა განვჭვრიტოთ და გამოვიკვლიოთ თითოეული, ჩამოთვლილი შემთხვევები, ქვემოთ გასაგებად განვმარტავ:

რომელი ქალაქიც განლაგებულია ზამთრის მზის ამოსვლისა და ჩასვლას შორის მქროლავ თბილი ქარების მიმართ და ეს მისთვის ჩვეულებრივი რამაა, ჩრდილოეთის

ქარებისაგან კი დაცულია, იმ ქალაქში მარად იქნება ბევრი, როგორც მლაშე, ისე წვიმის წყლები, ზაფხულში თბილები, ზამთარში კი - ცივები; მის მცხოვრებთ აქეთ სირისტიანი, ლორწოვანი თავები; თავიდან გამონადენი ლორწოს გამო ხშირად ეშლებათ კუჭი... უმრავლესობას აქვს შესახედავად მეტად სუსტი სხეული, კარგად არც ჭამა შეუძლიათ და არც სმა. აკი მათ, რომელთაც რბილი თავები აქვთ, არასოდეს შეუძლიათ კარგად სმა, რადგან მეორე დღეს მეტისმეტად აწუხებთ ე.წ. ზარხოში.

ადგილობრივი დაავადებები კი შემდეგია: უპირველესად ქალები არიან სნეულები და მენსტრუაციისადმი მიდრეკილები, მრავალნი არიან უნაყოფოები არა ბუნებრივად, არამედ ავადმყოფობის გამო და თუ როგორმე დაორსულდნენ, ხშირად ეშლებათ მუცელი; ბავშვებს კი ემართებათ კონვულსიები და ასთმები, რომელთაც ღმერთებს მიაწერენ და წმინდა დაავადებებს უწოდებენ; მამაკაცებს ხშირად აქვთ დისენტერიები და ფაღარათები, ზამთრისეული ხანგრძლივი ციებები, ხანგრძლივი ღამისეული გამონაყარები (ეპინიკტიები), სისხლდენები უკანა ტანიდან, თუმცა პლევრიტი, პერიპნევმონია, ციება და სხვა ასეთი მწვავე დაავადებები ჩვეულებრივები არიან და სუსტკუჭიანებს იშვიათად ემართებათ;

თვალთა დაავადებები არსებობენ ნესტიანები, ძნელები და არახანგრძლივები, თუ რომ წელიწადის დროთა დიდი ცვალებადობის გამო არ გავრცელდა რაიმე საყოველთაო დაავადება. ხოლო ორმოცდაათ წელს გადაბიჯებულებს, თუ მათი თავი მზის ზემოქმედების ქვეშ მოექცევა ან სიცივისაგან გაითოშება, ტვინიდან გამონადენი ლორწოს გამო დამბლა ემართებათ.

აი, ასეთია ამ ქალაქების მცხოვრებთა ადგილობრივი დაავადებები, ხოლო, თუ წელიწადის დროთა ცვალებადობის გამო რაიმე საერთო დაავადება გავრცელდება, ისინი მათ მიმართაც მიდრეკილები არიან.

IV. ხოლო იმ ქალაქებში, რომელთაც აქვთ ამის საპირისპირო მდებარეობა და მიმართულნი არიან ზაფხულის

მზის ჩასვლასა და ამოსვლას შორის მქროლავ ადგილობრივ, ცივ ქართა მიმართ, სამხრეთული და საერთოდ თბილი ქარებისაგან კი განშორებულნი არიან, მდგომარეობა ასეთია: უპირველესად ის უნდა ითქვას, რომ იქ წყლები არიან ხისტები და ცივები, რის გამოც ადამიანებიც უცილობლად უნდა იყვნენ გამხდრები და მტკიცე აღნაგობისანი; მათ უმეტესობას კუჭები აქვთ ქვემოდან დაუძლეველები და მაგრები, ზემოდან კი უფრო ლბილები და გამტარები და ამავე დროს უფრო მეტად მარაგდებიან ნაღვლით და არა ღორწოთი. თავები აქვთ ჯანმრთელები და მაგრები, უმეტესობას აქვს ე.წ. რეგმატიები (ρηγματιαι—ნაპრალეები?). მათ შორის გავრცელებულია შემდეგი დაავადებები — ხშირი პლევრიტები და მწვავედ სახელდებული სხვა დაავადებები... და ეს აუცილებლობით უნდა იყოს გამოწვეული, რადგან მათ აქვთ მეკრივი კუჭები. ასევე მრავალთ, სხვადასხვა შემთხვევების გამო უჩნდებათ დაჩირქებები, რისი მიზეზიც არის სხეულის დაძაბულობა და კუჭის სიმკვრივე — სიმშრალე ხომ ნაპრალეების წარმოქმნის მიზეზია, სიცივე კი წყლისა. ასეთი ინდივიდები აუცილებლობის გამო არიან ღორმუცელები, მაგრამ არამსმელები — ხომ არ შეიძლება, რომ ადამიანმა ერთდროულად ბევრიც ჭამოს და ბევრიც სვას. თვალებიც ასტკივდებათ ხოლმე მათ დროდადრო ისე მწვავედ და ძლიერად, რომ თვალები ძალიან სწრაფად უსკდებათ (ρηγυσθαι).

ოცდაათ წლამდე მიღწეულ ახალგაზრდებს ზაფხულობით ეწყებათ ცხვირიდან ძლიერი სისხლდენები და ასევე არც თუ ისე ხშირად, მაგრამ მძიმედ ემართებათ ე.წ. ღეთაებრივი დაავადებები. აქაური ადამიანები, ცხადია, გამოირჩევიან სხეებთან შედარებით ხანგრძლივი სიცოცხლისუნარიანობით. აქაურებს უჩნდებათ ხოლმე არაანთებითი და არც თუ მძიმე წყლულები. ამ ადამიანთა ზნე-ჩვეულებები უფრო ველური, ვიდრე ზომიერი. მამაკაცებისათვის დამახასიათებელია იქაური და წელიწადის დროთა ცვალებადობით გამოწვეული სხვა შემთხვევითი დაავადებებიც.

რაც შეეხება ქალებს: უპირველეს ის უნდა ითქვას, რომ უმეტესობა უნაყოფონი არიან ხისტნი, მკავე და ცივი წყლებ-ის გამო, რადგან ძნელი და არასაკმარისია მათი მენსტრუალური გაწმენდები. ამასთანავე მძიმედ მშობიარობენ ისინი, თუმცა მუცელი იშვიათად ეშლებათ. მშობიარობის შემდეგ არ შეუძლიათ ბავშვის კვება, რადგან რძე უშრებათ წყლის სიხისტისა და სიმკვავის გამო. ბავშვებს ხშირად აქვთ თანდაყოლილი ჭლექი და ამის გამო იტანჯებიან ძარღვების საცობებითა და სპაზმებით. ბიჭებს პატარაობისას ყვერის კაკლებზე უჩნდებათ წყალმანკური სიმსივნეები, რომლებიც თანდათანობით, ნელ-ნელა უქრებათ. ასეთ ქალაქებში გვიან აღწევენ სიმწიფეს.

V. მაშ ასე, თბილი და ცივი ქარების და მათდამი მიმართული ქალაქების შესახებ საქმე ისეა, როგორც ითქვა ზემოთ, ხოლო იმ ქალაქების შესახებ, რომლებიც მიმართული არიან მზის ზაფხულისა და ზამთრის ამოსვლას შორის მქროლავ ქართა მიმართ და, აგრეთვე მათ შესახებ, რომლებიც საპირისპირო მდებარეობისანი არიან, საქმე ასეა: ისინი, რომლებიც მდებარეობენ მზის ამოსვლის პირისპირ, ბუნებრივად ჯანმრთელები არიან, ვიდრე ისინი, რომლებიც ჩრდილოეთის და თბილი ქარების პირდაპირ დგანან, თუნდაც მანძილი მათ შორის ერთი სტადიონი იყოს. — უმთავრესი ისაა, რომ სითბო და სიცივე აქ ყოველთვის ზომიერია; ამასთანავე აქ წყლები, რადგან აღმოსავლეთისაკენ არიან მიმართულნი, ბუნებრივად არიან გამჭვირვალენი, კეთილსურნელოვანნი, ლბილები და სასმელად სასიამოვნონი, რადგან, ახლადამოსული მზე რომ ასხივებს, თავისი სხივებით განდევნის დილის ნისლს და ამდენად, ასუფთავებს წყლებს.

აღამიანთა გარეგნული შესახედაობა, თუ ამას ხელი არ შეუშალა რომელიმე დაავადებამ, არის ბრგე და ახალგაზრდული; აქვთ მიმადლებული მკაფიო ხმა, ცხოვრების ნირითა და განსჯისუნარიანობით სჯობნიან ჩრდილოელებს, რადგან, ყოველივე სხვაც, იქ დაბადებული, საუკეთესოა. ასეთი მდებარეობის ქალაქებში სითბოსა და სიცივის შეთანასწორე-

ბის გამო, თითქოს სულ გაზაფხულია. თვით დაავადებებიც აქ იშვიათად ჩნდებიან და ისინიც სუსტები არიან, ჰგვანან იმ დაავადებებს, რომლებიც იცის თბილი ქარების მიმართ მიქცეულ ქალაქებში. ქალები იქ ერთობ ნაყოფიერი არიან და ძალიან ადვილად მშობიარობენ.

VI. ის ქალაქები კი, რომლებიც მიქცეულნი არიან დასავლეთისაკენ, რომლებსაც არ ხვდებათ დასავლეთის ქარი და ნელა უბერავს როგორც თბილი, ისე ჩრდილოეთის ცივი ქარი, თავისი მდებარეობის გამო, ბუნებრივადაა მიდრეკილი ყოველგვარი დაავადებისაკენ, რადგან, უპირველეს ყოვლისა, მათ აქვთ მღვრიე წყლები, რისი მიზეზიც ისაა, რომ ამ ადგილებს დილის საათებში თითქმის ყოველთვის ფარავს ნისლი და იგი, წყალში შერეული, აბლანტებს მას, მზე კი მას მხოლოდ შუადღის მერე ანათებს. ზაფხულში დილაობით ქრის ცივი სიო და დებს ნამს, ნაშუადღევს კი მზის მცხუნვარება თითქოს ხარშავსო ადამიანს. ამიტომაც ისინი, ცხადია, არიან უყვრულები და სუსტები, მიდრეკილები ყველა, ზემოთდასახელებული დაავადებებისაკენ, არცერთისაგან არაეინ არაა დაზღვეული. მათ აქვთ ხრინწიანი და უხეში ხმა იმ ბინძური და არაჯანმრთელი ჰაერის გამო, რომელიც იქაა; იქაური ჰაერი ხომ მცირედ იწმინდება ჩრდილოური ქარებისაგან, რომლებიც იქ მხოლოდ იშვიათად ქრიან; ის ქარები კი, რომლებიც ყოველთვის ქრიან და ჯაბნიან ჩრდილოეთის ქარებს, მეტად ნოტიონი არიან, დასავლეთიდან მქროლი ქარები ხომ ჩვეულებრივ ასეთებია. დღის დროთა ცვალებადობის თვალსაზრისით ასეთი ქალაქის მდგომარეობა შემოდგომისას უფრო ჰგავს, რადგან ბევრი განსხვავებაა დილისა და საღამოს დროთა შორის,

VII. სასარგებლო და არასასარგებლო ქარებთან დაკავშირებით აი, ასეა საქმე, ახლა კი მოგიტხრობთ წყლების შესახებ, კერძოდ იმაზე, თუ რომელი მათგანია მავნებელი, რომელი მეტ-ნაკლებად სასარგებლო და, თუ როგორი უსიამოვნებანი ან სიკეთეები მომდინარეობენ მათგან, რადგან წყალს ძალიან დიდი მნიშვნელობა ენიჭება ადამიანის ჯანმ-

რთელობის საქმეში. ჭაობის, მდგომარე და ჭის წყლები ზაფხულობით თბებიან, ბლანტდებიან და ყროლდებიან, რადგან ისინი არ გაედინებიან და გამუდმებით შეივსებიან ყოველი წვიმის დროს და თბებიან მზის სხივებით, რის გამოც, ცხადია, ხდებიან უფერულები, უვარგისები და ნალველმდენები. ზამთრობით კი ისინი ცივდებიან, იყინებიან და მათში ერევა როგორც თოვლი, ისე ყინული, რის გამოც იწვევენ ძლიერ ღორწოსა და ხრინწს; მათ მსმელებს ელენთები მუდამ გადიდებული და გამაგრებული აქვთ, მუცლები-მაგრები, თხელები და თბილები, ხოლო მხრები, ლაეიწები და სახეები უმჭლევედებთ, რადგან ქსოვილი ელენთისაკენ გადადის, რის გამოც ისინი გამხდრები არიან. ასეთ ინდივიდებს შესაბამისად აქვთ ძლიერი მადა და წყურვილი და კუჭი როგორც ზემო, ისე ქვემო მხრიდან აქვთ მეტად მშრალი და ცხელი, რის გამოც ესაჭიროებათ ძლიერი გამწმენდი საშუალებები და ეს განცდები მათ ჩვეულებრივ აქვთ ზამთარშიც და ზაფხულშიც. ამას გარდა არც თუ იშვიათად უჩნდებათ საბედისწერო წყალმანკები, ზაფხულობით კი ხშირი დისენტერიები და ფაღარათები, ასევე – ორდლიანი და ხანგრძლივი ციებ-ციხელებებიც. ეს დაავადებები კი, როცა ძალიან დიდხანს გრძელდებიან, ასეთებს უჩენენ წყლულებს და ზოგჯერ კლავენ კიდევც. ეს დაავადებები მათ ზაფხულობით ემერთებათ. ზამთრობით კი უფრო ახალგაზრდებს ეწყებათ ფილტვების ანთება და მანიაკალური დაავადებები, ხოლო უფროსებს-ციხელები (კაუსოსები) კუჭის გამაგრების გამო. ქალებს უჩნდებათ სიმსივნეები და “ლეეკოფლეგმები”, ასევე ძნელად ფეხმძიმდებიან და მშობიარობენ, ნაყოფები არიან დიდები და გაფუფულები, შემდეგ კი უმწეოები და ავადმყოფები იზრდებიან. ქალებს არ აქვთ ხოლმე აგრეთვე კარგი მშობიარობის შემდგომი გაწმენდები. ბავშვებს ხშირად უჩნდებათ ტრიკები, მამაკაცებს კი – ვარიკოზული გაგანიერებები და წყლულები წვივებზე. ასეთი ინდივიდები, ცხადია, ვერ იქნებიან დღევანდელი და მართლაც განკუთვნილ დროზე ადრე ბერდებიან. ისეც ხდება

ხოლმე, რომ ქალებს თავი ფეხმძიმედ ჰგონიათ, მაგრამ, როცა მშობიარობის დრო დადგება, მუცელი უქრებათ. ეს ასე მაშინ იცის, როცა საშვილოსნოზე წყალმანკები უწნდებათ... ამიტომაც, ასეთი წყლები, ჩემი აზრით, არაფრისათვის არაა გამოსადეგი. ამ წყლების შემდეგ მეორე ადგილზე მე ვაყენებ იმ წყლებს, რომლებიც ქვა-კლდეებიდან გამოედინებიან (ისინი, ჩვეულებრივ, ხისტები არიან), თუ მიწიდან გამოედინებიან თბილი წყლები, წარმოიქმნება რკინა, თუჯი, ვერცხლი, ოქრო, გოგირდი, შაბი, კუპრი, სოდა. ყოველი ესენი ხომ სითბოსაგან წარმოიქმნებიან და სინამდვილეში ასეთი მიწიდან წარმოიქმნება არა კეთილი, არამედ ხისტი და ცხელი წყლები, რომლებიც ძნელად შეერევიან შარდში და ხელს უშლიან მის გამოყოფას.

საპირისპიროდ, საუკეთესო წყლები ისინი არიან, რომლებიც ამალღებული და მიწით დაფარული გორაკებიდან გამოედინებიან... ისინი ხომ თავისთავადაც ტკბილები, ანკარები და თვით ზომიერი ღვინის დასაყენებლადაც საუკეთესონი არიან. ამავე დროს ისინი არიან ზამთარ თბილი, ზაფხულ – გრილი, რადგან მიწის უღრმესი ადგილებიდან გამოედინებიან. ყველაზე საუკეთესოდ მე მიმაჩნია ის წყლები, რომლებიც განსაკუთრებით მზის ზაფხულის აღმოსვლის მხრიდან მოედინებიან, რადგან ისინი თავისთავად არიან ანკარა, სურნელოვანი და მსუბუქი, ხოლო მარილიანი წყლები, ძნელადმოსანელებლები და ხისტები, სასურველია, რომ სასმელად საერთოდ არ გამოვიყენოთ. თუმცა არიან ისეთი დააეადებები და ინდივიდები, რომელთათვისაც სწორედ ასეთი წყალია სასარგებლო, მათზე მე ახლავე მოგახსენებთ: ამ წყლებთან დაკავშირებით საქმე შემდეგში მდგომარეობს: თუ მათი დენა აღმოსავლეთისაკენ არის მიმართული, სხვებთან შედარებით ისინი საუკეთესონი არიან, მეორე ადგილი მათ უჭირავთ, რომლებიც მზის ზაფხულის ამოსვლისა და ჩასვლის ადგილებს შორის მდებარეობენ, თუმცა განსაკუთრებით კარგები აღმოსავლეთისაკენ მიქცეულები არიან.

მესამე ადგილზე ისინი დგანან, რომლებიც მდებარეობენ მზის ზაფხულისა და ზამთრის ჩასვლას შორის; ყველაზე ცუდები კი ისინი, რომლებიც სამხრეთისაკენ არიან მიქცეულები და მდებარეობენ მზის ზამთრის აღმოსავლსა და დასავალს შორის. ეს უკანასკნელები სამხრეთულ ქარებზე ყველაზე ცუდები არიან, ჩრდილოეთის ქარებზე კი – შედარებით კარგები. წყლით კი ასე უნდა ვისარგებლოთ: ვინც ჯანმრთელია და ძლიერი, მისთვის სულ ერთია, შეუძლია მიირთვას ის წყალი, რომელზეც ხელი მიუწვდება. ვინც ავადმყოფობის გამო იძულებულია სვას ის წყალი, რომელიც მისი ჯანმრთელობისათვის საუკეთესოა, უმეტესად შემდეგი საშუალებით მოიპოვებს ჯანმრთელობას: რომელთაც კუჭები მაგრები აქვთ და ადვილად ინელებენ ყოველგვარ საჭმელს, მათთვის, ცხადია, სასარგებლოა ყველაზე ტკბილი, მსუბუქი და ანკარა წყლები, ხოლო რომელთაც რბილი, ტენიანი და ღორწოვანი კუჭები აქვთ, მათთვის ხისტი, ძნელადმოსანელებელი და ოდნავმარილიანი წყლებია საჭირო, რადგან ისინი ამგვარად უფრო ადვილად გამოიშრობენ კუჭებს. ცხადია, ის წყლები, რომლებიც უფრო სასარგებლონი არიან მონელებისა და შემსუბუქებისათვის, უფრო ათავისუფლებენ და ასუსტებენ კუჭს, ხოლო ყველა ხისტი და მონელებისათვის ნაკლებად ვარგისი წყლები უფრო ჭიმავენ და აშრობენ მას. მარილიან წყლებთან მიმართებაში კი გამოუცდელია გამო ზოგიერთები იბნევიან, ეჩვენებათ, რომ ეს წყლები აამკბენ კუჭს, და სხვათა შორის, ისინი უფრო ეწინააღმდეგებიან კუჭის გაწმენდას, ისინი ხომ უეარგისნი არიან მონელებისა და დარბილებისათვის და ამის გამო მათგან კუჭი უფრო იკუმშება, არა თუ ფართოვდება.

VIII. აი, ეს შეიძლება ითქვას წყაროს წყლებზე, ახლა კი ვილაპარაკებ იმაზე, თუ როგორი თვისებები აქვთ წვიმისა და თოვლის დნობით დაგროვილ წყლებს; წვიმის წყლები არიან უმსუბუქესნი და უგემრიელესნი, უანკარესნი და უგამჭვირვალესნი, რადგან, უპირველეს ყოვლისა, მზე მიიტაცებს და მიიზიდავს მალლა მხოლოდ მას, რაც არის

წყალში უნატიფესი და უმსუბუქესი. ამ უკანასკნელს ადასტურებს მარილიც, რადგან, რაც წყალში არის მარილიანი, იგი სისქისა და სიმძიმის გამო მიწაზე რჩება და მარილად წარმოგვიდგება, ხოლო უმსუბუქესს ყველაფერს მზე მაღლა იზიდავს. ცხადია, ყოველივე მსგავსს იზიდავს მზე მაღლა არა მხოლოდ ტბებისა და ზღვების წყლებიდან, არამედ ყველაფრისაგან, რაშიც კი არის რაიმე ნესტი, ეს უკანასკნელი კი თითქმის ყველა საგანშია. მზე თვით ადამიანებისაგანაც კი ამოიზიდავს უნატიფესსა და უმსუბუქეს ტენს; ამისი საუკეთესო დამადასტურებელია შემდეგი: როცა ჩაცმული ადამიანი გაისეირნებს ანდაც დაჯდება მზის გულზე, კანის ის ადგილები, რომელთაც უშუალოდ ეცემათ მზის სხივები, არ გაოფლიანდებიან, რადგან გამოსულ სითხეს უმაღლ იტაცებს მზე, ხოლო სამოსით, ან სხვა რაიმეთი დაფარული ადგილები გაოფლიანდება, რადგან მზის დაცხუნებით ოფლი გამოიყოფა, მაგრამ მზისაგან საფარველითაა განრიდებული და ამიტომ ვერ შრება. თუ კაცი გადავა ჩრდილში, მთელი ტანი ერთიანად დაუოფლიანდება, რადგან მზე უშუალოდ აღარსად აცხუნებს... ამის გამოა, რომ წვიმის წყალი ყველა სხვაზე უმაღლ შმორდება და გამოსცემს მყრალ სუნს, იგი ხომ გამოკრებილია სხვადასხვა ნივთიერებებიდან და შესაბამისად ფუჭდება კიდევ ყველა სხვა წყალზე ადრე. გარდა ამისა, როცა მზისაგან ატაცებული წყალი მაღლა ადის, ტრიალებს, ერევა ჰაერში, რაც მღვრიე და მუქია მასში, გამოიყოფა და წარმოქმნის ორთქლსა და ნისლს; ყველაზე ფაქიზი და ნათელი კი რჩება და მზისაგან გაცხელებული და გადახარშული, ტკბილდება კიდევ – მოხარშვის შედეგად ხომ ყველაფერი სხვაც მეტ-ნაკლებად ტკბილდება.. ასე, სანამ წყალი გაფანტული და ჯერ კიდევ შეუკუმშველი იქნება, იგი მიიწვეს მაღლა, ხოლო როცა შეჯგუფდება და ერთიმეორეს დაუპირისპირდება, ქარები უცებ შეკუმშავენ მას და მაშინ იგი გასკდება ქვემოდან იმ ადგილას, სადაც ყველაზე მეტი იქნება შეჯგუფებული, რადგან ეს ჩვეულებრივ მაშინ ხდება, როცა ქარისაგან განდევნილი ღრუბლები შეეჯახ-

ებთან საპირისპირო ქარს, ან სხვა ღრუბლებს. მაშინ მათი წინა ნაწილი სქელდება, ხოლო უკან მდებარე მიისწრაფვის მისკენ და ამის გამო კიდევ უფრო სქელდება და შავდება, მძიმდება და სიმძიმის გამო იხსნება ქვემოდან და მაშინ კი იწყება წვიმა.

სინამდვილეში ეს წყლები საუკეთესონი არიან, მაგრამ მაინც საჭიროა მისი გადადუღება და გასუფთავება; წინააღმდეგ შემთხვევაში ისინი აყროლდებიან და მათ დამლევის დაეწყება ხრინწი და ხველა და გაუხუხუდებათ ხმა. ხოლო თოვლისა და ყინულისაგან მიღებული წყალი ყველა ცუდია, რადგან, როცა ისინი პირველად გაიყინებიან, უკვე აღარასოდეს უბრუნდებიან პირველ მდგომარეობას და ის, რაც მათში არის ნათელი, მსუბუქი და გემრიელი, გამოიყოფა და ქრება, ხოლო ყველაზე მძიმე და მუქი კი მასში რჩება. ამის სისწორეში შენ შეგიძლია დარწმუნდე შემდეგნაირად: თუ შენ ზამთარში წყლით სავსე ჭურჭელს ჰაერზე გასაცვივებლად გამოიტან და მეორე დღეს გაყინულ წყალს ჭურჭლიდან თბილ ადგილას გადაიტან, სადაც სითბო მთლიანად დაადნობს ყინულს და მერე კვლავ გაზომავ წყალს, დაინახავ, რომ წყალი საკმაოდ დაკლებული იქნება. ეს ადასტურებს იმას, რომ გაყინვის შედეგად ორთქლდება და ქრება ყველაზე მსუბუქი და ნათელი და არა ყველაზე მძიმე და ყველაზე სქელი – ეს უკანასკნელი ხომ ყოველად შეუძლებელია. სწორედ ამიტომ ყინულისა და თოვლის და სხვა ამგვართაგან გამომდნარი წყალი მე ყველა სხვა წყალთა შორის ხმარებისათვის უუვარგისესად მიმაჩნია.

IX. ამგვარად, აი ასეთია მდგომარეობა წვიმის, თოვლისა და ყინულისაგან მიღებულ წყლებთან დაკავშირებით.

კენჭოვანი დაავადებები, ნეფრიტები, სტრანგურიები, ისხიაზი, თიაქარი და სხვა უმუტესად ემართება იმ ადამიანებს, რომლებიც სვამენ ყველანაირ ან დიდი მდინარეების (რომლებშიც სხვა მდინარეებიც ჩაედინებიან), ტბების (რომლებშიც ბევრი სხვადასხვანაირი ნაკადული ჩაედინება) წყლებს, იგივე ემართებათ მათაც, ვინც სვამს შორიდან გამოყვანილ

და არა ახლოს გამომდინარე წყალს. ხომ არ შეიძლება, რომ ყველა წყალი იყოს ერთნაირი; ზოგი ხომ არის გემრიელი, ზოგი მლაშე და შაბიანი, ზოგი თბილი ადგილებიდან გამოედინება და სხვა. ისინი რომ ერთიმეორეს უერთდებიან, ებრძვიან ერთიმეორეს და ყოველთვის, ცხადია, იმარჯვებს ძლიერი. მაგრამ ყოველთვის ერთიდაიგივე როდია გამარჯვებული, ერთ შემთხვევაში იმარჯვებს ერთი, მეორე შემთხვევაში—მეორე განსხვავებული ქარების შესაბამისად, რადგან ზოგს ძალას აძლევს ჩრდილოეთის ქარები, ზოგს კი — სამხრეთის, ასეა სხვა შემთხვევებშიც. ასეთი წყლები-საგან სისხლძარღვებში იღექება შლამი და ქვიშა და მათი სმა იწვევს ზემოთ დასახელებულ დაავადებებს; მაგრამ ეს რომ ყველას არ ემართება, ამაზე ქვემოთ თანმიმდევრობით ვიტყვი.

რომელთაც კუჭი ცარიელი აქვთ და ჯანმრთელი, საშარდე ბუშტი გაუღიზიანებელი და საშარდე ბუშტის ყელი არც თუ ძალიან შევიწროებული, ისინი ადვილად ატარებენ შარდს და საშარდე ბუშტში არაერთარი დანალექი არ რჩება, მაგრამ ვისაც კუჭი გაღიზიანებული აქვს, უეჭველად საშარდე ბუშტიც ასევე შეაწუხებს, რადგან, როცა იგი იმაზე დიდია, რასაც ბუნება მოითხოვს, იგი გაცხელდება და მისი ყელიც გახურდება და ამგვარად გაღიზიანებული, იგი არ ატარებს შარდს, შიგნითვე გადახარშავს მას და წვაეს ყოველივეს, რაც მასში ყველაზე ფაქიზია და გამოაცალკეებს მას; დიახ, ის, რაც ყველაზე ფაქიზია და სუფთა, გამოიყოფა შარდთან ერთად, ხოლო ყველაზე სქელი და მღვრიე ბუშტშივე გროვდება, იღექება და თანდათან იზრდება ეს წანაზარდი თავიდან არაა დიდი, მაგრამ თანდათანობით იზრდება, რადგან ბრუნავს შარდში და იწოვს და იკრავს ყოველივეს, რაც კი რჩება მასში. ასე თანდათან იზრდება, მკერივდება, ქვეადება და, როცა ავადმყოფს მოშარდვა მოუნდება, შარდის ძალით გამოდენილი ეს წანაზარდი მივა ბუშტის ყელთან, გაიჩხირება, აძნელებს შარდის გამოყოფას და ამიტომ იწვევს საშინელ ტკივილს. ამიტომაც, ასეთი ქვე-

ბით განაწამები ბიჭუნები ისრესენ და წევენ სასქესო ორგანოს, ჰგონიათ, რომ ტკივილის მიზეზი სწორედ მასშია. ამის დასამტკიცებლად, რომ ეს ასეა, გამოდგება ის, რომ კენტოვანი დაავადებით შეპყრობილი ავადმყოფები გამოყოფენ სრულიად გამჭვირვალე შარდს, რადგან ყველაზე სქელი და მღვრიე რჩება და ილექება საშარდე ბუშტში. დიახ, უმეტესობა სწორედ ამ მიზეზით ავადდება კენტოვანი დაავადებით. ბიჭუნებს კენტოვანი დაავადება უჩნდებათ აგრეთვე რძით იმ შემთხვევაში, თუ რძე იქნება სქელი და ხოლესტერინიანი, რადგან ასეთი რძე აცხელებს კუჭს და საშარდე ბუშტს და გაცხელებული შარდიც მასთან ერთად განიცდის შესაბამის ცვლილებებს. ამიტომაც, ჩემი აზრით, ჰატარა ბავშვს უნდა მიეცეთ, რაც შეიძლება მეტად განზავებული ღვინო, რადგან იგი ნაკლებად აცხელებს და აშრობს ვენებს.

ქალებს კი კენტები უჩნდებათ არა ამგვარად, რადგან საშარდე ბუშტის ყელი მათ აქვთ ბევრად მოკლე და განიერი, რის გამოც შარდი ადვილად გამოიყოფა. ამიტომაც, რომ გოგონები არ ისრესენ შარდსასქესო ორგანოებს ბიჭუნებივით და არც კი ეხებიან შარდსადენ არხს, იგი ხომ უშუალოდ საშოსთან იხსნება მაშინ, როცა მამაკაცებს ეს არხი არა აქვთ სწორი და არც ფართოა იგი. ამასთანავე საყურადღებოა ისიც, რომ გოგონები ბიჭებთან შედარებით მეტ სითხეს ღებულობენ.

X. აი ეს, ან თითქმის ეს უნდა ითქვას ყოველივე ამის შესახებ. წელიწადის დროებზე დაკვირვების შედეგად ყველას შეუძლია განსაზღვროს, თუ როგორი იქნება მომავალი წელი—ჯანმრთელობის თუ დაავადებათა მომტანი. თუ ვარსკვლავთა ამოსვლისა და ჩასვლისას კარგი ამინდის მაუწყებელი ნიშნები გამოჩნდებიან ანგარიშის შესაბამისად, თუკი შემოდგომაზე იქნება წვიმები და ზამთარიც ზომიერი, არც მთლად თბილი და არც მეტისმეტად ყინვიანი, ხოლო გაზაფხულზე და ზაფხულშიც იქნება დროული წვიმები, მაშინ, ცხადია, ასეთი წელიწადი ერთობ ჯანმრთელი იქნება, ხოლო, თუ ზამთარი იქნება მშრალი და ჩრდილ-

ოური, გაზაფხული კი წვიმიანი და სამხრეთული, მაშინ ზაფხული უცილობლად იქნება ციებ-ცხელებებით აღსავსე, უხვად მიოტანს ოფთალმიებს და დისენტერიებს, რადგან, როცა გაზაფხულის წვიმებითა და სამხრეთის ქარებით მიწა ნესტით იქნება გაჯერებული და უცებ სიცხეები დაიწყება, მაშინ, ცხადია, სველი და თბილი მიწიდან მზის მცხუნვარების გამო ხვატი გაძლიერდება და მაშინ, როცა ადამიანთა კუჭები სრულებითაც არ ჩერდებიან და ტვინიც არ შრება, და მართლაც, როცა ასეთი გაზაფხული იქნება, ხომ არ შეიძლება, რომ ადამიანთა ტვინი და ხორცი ზედმეტი სითხით არ იყოს გაესილი, რის გამოც ბევრს და განსაკუთრებით ფლეგმატიკებს ეყრებათ უმწვავესი ციებ-ცხელებები, ქალებს და უმეტესად სუსტებს კი, ბუნებრივად უჩნდებათ დისენტერიები.

თუ ქოფაკის ვარსკვლავის ამოსვლისას (25 ივლისი ნ.გ.) წამოვა წვიმა, აციედება და დაუბერავს ეტესიები, უნდა ვიფიქროთ, რომ დაავადებები შეწყდება და შემოდგომა ჯანმრთელი იქნება. წინააღმდეგ შემთხვევაში მოსალოდნელია, რომ დაიხოცონ ბავშვები და ქალები, ხანდაზმულები კი, თითქმის არა; მათ კი, რომლებსაც არ შეეყრებათ ოთხდღიანი ციებ-ცხელებები, ბოლოს შეხვდებათ და შემდეგ წყალმანკიც გაუჩნდებათ; ხოლო, თუ ზამთარი იქნება სამხრეთული, წვიმიანი და რბილი, გაზაფხული კი ჩრდილოური, მშრალი და ქარიანი, მაშინ ფეხმძიმე ქალებს, რომელთაც გაზაფხულზე უნდა ემშობიარათ, უცილობლად მოეშლებათ მუცელი, ხოლო თუ ვინმე მაინც დაბადებს ცოცხალ ბავშვს, იგი იქნება მეტად სუსტი და ავადმყოფი ისე, რომ იგი ან მაშინვე დაიღუპება, ანდა, თუ იცოცხლებს, იქნება განლეული, სუსტი და ავადმყოფი. ეს ქალების შესახებ, სხვებს კი დაემართებათ დისენტერიები, თვალთა მშრალი ანთებები; ზოგიერთებს კი—კატაროები, თავიდან ფილტვებზე ჩანაღვენთები. ამიტომაც ფლეგმატიკებს დაეწყებათ დისენტერიები... ასევე დაემართებათ ქალებსაც ტვინიდან ლორწოს გამოდინებისა და ბუნებრივი სინაზის გამო; ღვარძლიანებს სითბოსა და

სხეულის სიმშრალის გამო დაეწეებათ თვალების მშრალი ანთებები; მოხუცებს, ვენების სითხელისა და სივიწროვის გამო სისხლდენები ისე, რომ ზოგიერთი მათთაგანი უცებ დაიღუპება, სხეები კი ჩაწეებიან მარჯვენა ან მარცხენა მხარზე დამბლადაცემულები. ასე იმიტომ მოხდება, რომ თბილი, სამხრეთული და ნესტიანი ზამთრის გამო არც სხეული მკვრივდება, არც ტვინი და არც ვენები, ხოლო ჩრდილოური, მშრალი და ცივი გაზაფხულის დადგომისას ტვინი, რომელიც გაზაფხულის დადგომასთან ერთად უნდა გაფართოებულიყო და გაწმენდილიყო სურდოსა და ხრინწის მეშვეობით, იმდენად მკვრივდება და იჭიმება, რომ ზაფხულის უეცარი დადგომის და სიცხეზე გადასვლის გამო წარმოიქმნებიან ზემოთდასახელებული დაავადებები.

ცხადია, ქალაქებში, რომლებიც კარგად არიან მიქცეულები მზისა და ქარების მიმართ და ამავე დროს ხმარობენ კარგ წყალს, ნაკლებად განიცდიან ამ დაავადებებს, ხოლო, რომლებშიც სვამენ ჭაობებისა და ტბების წყლებს და მზისა და ქარების მიმართაც არც თუ კარგად არიან განლაგებულნი, — უფრო მეტად. თუ ზაფხული იქნება მშრალი, დაავადებები მალე შეწყდება, ხოლო, თუ წვიმიანი — დაავადებები ხანგრძლივდებიან და ბუნებრივად, ყველანაირ შემთხვევაში, ჭრილობებზე ჩნდებიან “მჭამელი” წყლულები; ბოლოს, დაავადების შეწყვეტისას ეწეებათ ფაღარათები და წყალმანკები, რადგან კუჭები ადვილად არ უშრებათ. თუ ზაფხული იქნება წვიმიანი და სამხრეთული, ასევე შემოდგომაც, ზამთარში უცილობლად გავრცელდება მრავალი დაავადება, ხოლო ფლეგმატიკებს და მათ, ვინც გადააბიჯეს ორმოც წელს, ბუნებრივად ეწეებათ ცხელებები, ხოლო ღვარძლიანებს — პლევრიტები და პერიპნევმონიები, ხოლო, თუ ზაფხული იქნება მშრალი და ჩრდილოური, შემოდგომა კი წვიმიანი და სამხრეთული, მაშინ ზამთარში ბუნებრივად ეწეებათ თავის ტკივილები და ტვინის კრუნხვები, ამასთანავე ხრინწი, სურდო და ხველა; ზოგიერთებს კი ჭლექიც ემართებათ.

თუ შემოდგომა იქნება ჩრდილოური და მშრალი, და თვით ქოფაკის ვარსკვლავის დროსაც არ იწვიმებს და არც არკტურის დროს, ეს სასარგებლოა განსაკუთრებით ფლეგმატიკების, ბუნებრივად სუსტებისა და ქალებისათვის; ღვარძლიანებისათვის კი ეს კიდევ უფრო მავნებელია, რადგან ისინი კიდევ უფრო ჩამოხმებიან და დაეწყებათ თვალების მშრალი დაავადებები და ხანგრძლივი მწვავე ციებ-ცხელებები; ზოგიერთებს კი — მელანქოლიაც, რადგან ყოველივე, რაც არის ნაღველში ყველაზე ტენიანი და წყლიანი, ისეობა, ხოლო ყველაზე უფრო სქელი და მწვავე კი რჩება; ეს კი ხდება იმავე მიზეზისა და იმავე სისხლის გამო, საიდანაც მათ მითითებული დაავადებები უჩნდებათ. ფლეგმატიკებისათვის ეს სასარგებლოც კია, რადგან ისინი ხდებიან და ზამთარს ხედებიან არა დანესტიანებულები, არამედ გამომშრალეები.

XI. მაშ ასე, ვინც ყოველივე ამას გონებით ჩაწელება და განჭვრეტს, ცვალებადობათა საფუძველზე წინასწარ განჭვრეტს საკმაოდ ბევრ რაიმეს იმის შესახებ, თუ რა უნდა მოხდეს მომავალში. განსაკუთრებით უნდა დაეაკვირდეთ წელიწადის დროთა უმთავრეს ცვალებადობებს, ისე, რომ არც გამწმენდი საშუალებები უნდა გამოვიყენოთ, თუ გარდაუვალი არაა, არც უნდა გავკეთოთ და არც უნდა ამოვწვათ მანამ, სანამ არ გაივლის ათი დღე, ან მეტი. განსაკუთრებით მნიშვნელოვანი და საშიშია ცვალებადობები ორივე ბუნიაობის (განსაკუთრებით ზაფხულის) და ამასთანავე ორივე დღელამსწორობის (განსაკუთრებით შემოდგომის) დროს. უნდა დაეაკვირდეთ აგრეთვე ვარსკვლავების, განსაკუთრებით ქოფაკის, შემდეგ არკტურის ამოსვლასა და ჩასვლას, რადგან ამ დღეებში ავადმყოფობები უმეტესწილად კრიზისში გადადიან და ზოგნი მთავრდებიან სიკვდილით, ზოგნი კი იკურნებიან. სხვა დანარჩენები კი გადადიან სხვა სახეობასა და მდგომარეობაში. აი, ასეთია მდგომარეობა ყოველივე ამასთან დაკავშირებით.

XII. [XII-XXIV თავი ბერძნულიდან თარგმნა და 1965 წელს გამოაქვეყნა პროფესორმა თინათინ ყაუხჩიშვილმა წიგნში "პიპოკრატე და მისი ცნობები საქართველოს შესახებ", ჩვენ იგი უცვლელად გადმოგვაქვს. ნ.გ.]

[ახლა] მინდა აზიისა და ევროპის მიმართ ვაჩვენო, თუ რაოდენ განსხვავდებიან ისინი ერთმანეთისაგან ყოველმხრივ. [მინდა ვილაპარაკო] მათი ტომების შესახედობის შესახებ, რომ ისინი განსხვავებულები არიან და არაფრით ჰგვანან ერთმანეთს. ყოველივე ამის შესახებ ძალიან გაგრძელებოდა სიტყვა, [ამიტომ] მე, რაც, ჩემის აზრით, უმთავრესი და საგანგებო სხვაობაა, მხოლოდ იმაზე ვილაპარაკებ. მე ვამბობ, რომ აზია დიდად განსხვავდება ევროპისაგან, როგორც ყოველივე იმის ბუნებით, რაც აღმოცენდება დედამიწიდან, აგრეთვე ადამიანთა [ბუნებით]. რადგან აზიაში ყველაფერი ბევრად უფრო ღამაზი და ზორბა ჩნდება.

თვით ქვეყანაშიც [ევრიპის] ქვეყანაზე უფრო რბილი ჰავა და ხალხსაც ზნე უფრო სათნო და წყნარი აქვს. ამისი მიზეზი არის წლის დროების მონაცვლეობა, რადგან [აზია] მდებარეობს მზის აღმოსვლის შუაში, აღმოსავლეთის პირდაპირ და სიცივისაგან საკმაოდ დაშორებით.. [ყოველივეს] ზრდა და სათნოება [აზიაში] ყველა სხვა ქვეყანაზე მეტადაა, რადგან იქ არაფერია ძალით მოპოვებული, არამედ ყოველივეზე ბატონობს თანასწორობა. მაგრამ აზიაში ყველგან არაა ერთნაირად: ქვეყნის ის [ნაწილი], რომელიც სითბოსა და სიცივეს შუაში მდებარეობს, არის ყველაზე უფრო ნაყოფიერი, ყველაზე მეტად მდიდარია ხეებით და [იქაა] ყველაზე სასიამოვნო ჰავა, [იქ] ხმარობენ საუკეთესო წყლებს, რომლებიც ზეციდან [ჩამოდის] და დედამიწიდან [ამოდის].

ეს იმიტომ, რომ ეს [ქვეყანა] არც სიცივისაგან არის სულ მთლად ამომწვარი, არც გვალვისა და უწყლობისაგან გამომხმარი, არც სიცივისაგანაა დაძაბუნებული და არც ნოტიო და ნესტიანია ბევრი წვიმისა და თოვლისაგან. ამიტომ ბუნებრივია, რომ იქ ბევრი ნაყოფი მოდის, ის, რაც

წარმოიშევა თესლისაგან და ის, რასაც თვითონ დედამიწა აღმოაცენებს. ამ ნაყოფს იყენებენ ადამიანები, რომლებიც ველურ [მცენარეულს] აშინაურებენ და მათ საჭიროებისამებრ გადარგავენ ხოლმე. ამას გარდა ბუნებრივია, რომ იქ გაზრდილი საქონელი მშვენიერ მდგომარეობაშია. ის განსაკუთრებით ხშირად იგებს და ძალიან კარგადაა გამოკეებილი, ხოლო რაც შეეხება ხალხს, ისიც კარგად ჩასუქებულია, შესახედობით ლამაზია, ტანად ზორბაა და ძალიან ნაკლებად განსხვავებული [ერთმანეთისაგან] თავისი შესახედობითაც და სიდიდითაც. ცხადია, რომ ეს ქვეყანა ყველაზე უფრო ახლოა გაზაფხულთან თავისი ბუნების და წლის დროების ზომიერების მიხედვით, მაგრამ ასეთ ბუნებაში არ შეიძლება წარმოიშვას სიმამაცე, სიბეჯითე, შრომისმოყვარეობა და შეუპოვრობა – არც ამავე ტომის ხალხში და არც უცხო ტომისაში; ის კი არა, მათზე დატკობის [სურვილი] ბატონობს.

ამიტომაც, რომ [აქაურ] ცხოველებშიაც მრავალი სხვადასხვა სახეობა მოიპოვება.

XIII. მე მგონია, ასეა ეგვიპტელთა და ლიბიელთა საქმე, ხოლო რაც შეეხება მზის ზამთრის აღმოსავალის მარჯვნივ [მდებარე მხარეებს], ვიდრე მეოტიდის ტბამდე (რადგან ეს არის საზღვარი ევროპისა და აზიისა), მათ მიმართ შემდეგი გვაქვს [სათქმელი]: აქ მცხოვრები ტომები უფრო მეტად განსხვავდებიან ერთმანეთისაგან, ვიდრე ზემოხსენებულნი, წლის დროების მონაცვლეობისა და ქვეყნის ბუნების მიზეზით. დედამიწის მიმართაც ისევეა საქმე, როგორც სხვა ადამიანების მიმართ. რადგან, სადაც წლის დროები დიდს და ხშირ ცვალებას განიცდიან, იქ ქვეყანა საგანგებოდ ველურია და მრავალფეროვანი. [იქ] შეხვედები მრავალ მთებს, ტყეებს, დაბლობებსა და მინდვრებს, ხოლო სადაც წლის დროები დიდად არ განსხვავდებიან ერთმანეთისაგან, მათი ქვეყანა ძალიან ერთგვაროვანია. ასევეა ადამიანთა მიმართაც, თუკი ვინმე მიაქცევს ყურადღებას: რადგან ზოგი [ადამიანის] ბუნება ჰგავს ხეებიან და მორწყულ მთებს, [ზოგისა]

– მწირსა და ურწყაე [გარემოს, სხვების] – ჭალებიანსა და ჭაობიან [ადგილებს], [ზოგი ადამიანისა კიდევ] დაბლობ, მოტიტვლებულ და გამხმარ დედამიწას. რადგან წლის დროები, რომლებიც სცვლიან ბუნების ფორმებს, განსხვავებულები არიან, ხოლო თუ ისინი დიდად იქნებიან განსხვავებული ერთმანეთისაგან, განსხვავებულსა და მრავალ სახეობასაც წარმოშობენ.

XIV. ტომთაგან იმათ, რომლებიც ერთმანეთისაგან მცირედ განსხვავდებიან, გამოვტოვებ, ხოლო რომლებიც დიდად [განსხვავდებიან], ან ბუნების ან კანონების მიხედვით, მათ შესახებ ვილაპარაკებ ისე, როგორც არის და პირველ რიგში [ვიტყვი] მაკროკეფალების შესახებ; რადგან არც ერთ სხვა ტომს არა აქვს ამათი მსგავსი თავები. თავდაპირველად წეს-ჩვეულება გახდა მიზეზი [მათი] თავის სიგრძისა, ახლა კი ბუნებაც წაეშველა ამ წესს, რადგან ვისაც ყველაზე უფრო გრძელი თავი აქვს, ისინი არიან ყველაზე უფრო კეთილშობილად მიჩნეულნი. მათი წეს-ჩვეულების მიხედვით ასე ხდებოდა: როგორც კი იბადებოდა ბავშვი, მის თავს, რომელიც ძალიან რბილი იყო, იმიტომ, რომ [ბავშვი] ჯერ სულ ჩვილია, ხელით აძლევდნენ ფორმას და აიძულებდნენ, რომ სიგრძეში გაზრდილიყო; თავსაკრავებს ხმარობდნენ და [სხვადასხვა] გამოსაყენებელ ხერხებს, რომელთა საშუალებითაც თავის სიმრგვალებს არღვევდნენ და [მისი] სიგრძე იზრდებოდა. ამრიგად, დასაწყისში წეს-ჩვეულება მოქმედებდა ისე, რომ ამგვარი ბუნება წარმოექმნა; ხოლო დროთა ეითარებაში [ის] ბუნებად იქცა ისე, რომ წეს-ჩვეულება აღარ იყო აუცილებელი, რადგან თესლის შემადგენლობა სხეულის ყოველი ნაწილიდან მიოდის, ჯანმრთელიდან ჯანმრთელი, ხოლო სნეულიდან–სნეული. თუ მელოტებისაგან მელოტები წარმოიშვებიან და ლურჯთვალიათაგან ლურჯთვალიანები, [თუ] დაკრუნჩხულთაგან მახინჯები [ჩნდებიან], როგორც ეს მეტწილადაა, იგივე [ეხება] სხვა ფორმებსაც; რა უშლის ხელს იმას, რომ გრძელთავიანისაგან გრძელთავიანი გაჩნდეს? ახლა კი აღარ ჩნდებიან იმგვარად, როგორც

უწინ, რადგან წეს-ჩვეულებას ძალა აღარ ჰქონდა ადამიანებს შორის ურთიერთობის გამო.

XV. ამათ შესახებ ეყიქრობ, რომ ასეა, ხოლო ვინც ფასისში ცხოვრობს, მათ შესახებ [შემდეგი მაქვს სათქმელი]: ეს ქვეყანა ჭაობიანია, თბილი, წყლიანი და ტყიანი. წლის ყოველ დროს იქ ხშირი და ძლიერი წვიმები მოდის. ადამიანებს საცხოვრებელი ჭაობებში აქვთ, და [მათი] ხისა და ლერწმის სახლები წყალზეა გამართული. ისინი ცოტას დადიან ფეხით ქალაქებსა და ნავთსადგურებში, არამედ დაცურავენ აღმა-დაღმა ერთ ხეში ამოღებული ნაგებით, რადგან არხები ბევრია. ისინი სვამენ თბილსა და დამდგარ წყალს, მზისგან დამპალს და წვიმებისაგან ადიდებულს. თვითონ ფასისი კი ყველა მდინარეთა შორის ყველაზე უფრო ღინჯია და ძალიან მდორედ მოედინება. ნაყოფი, რომელიც იქ წარმოიშევა, ყველა ზრდადაუსრულებელია, სუსტი და უვარგისი, წყლის სიუხვის გამო. ამიტომ [აქ ნაყოფი] არ მწიფდება. წყლებისაგან ამ ქვეყანას დიდი ნისლი ადგას. ამ მიზეზის გამოა, რომ ფასისელებს სხვა ადამიანებთან შედარებით დიდად განსხვავებული შესახედაობა აქვთ: ტანად დიდები არიან, სისქით—მეტისმეტად სქელები; არც ერთს არ ემჩნევა არც სახსარი და არც ძარღვი; კანი კი ყვითელი აქვთ, თითქოს სიყვითლე სჭირდეთ. ლაპარაკობენ ადამიანთა შორის ყველაზე ბოხი ხმით, [რადგან] სუფთა ჰაერით კი არ სუნთქავენ, არამედ ნოტიოთი და ნესტიანით; ხოლო იმისათვის, რომ სხეულს ჯაფა არ მიაყენონ, ძალიან ზარმაცები არიან. [ამ ქვეყანაში] წლის დროები დიდად არ სხვაობენ ერთმანეთისაგან, არც სიცხის მხრივ და არც სიცივის მხრივ. აქ ბევრი სამხრეთის ქარი ქრის, გარდა ერთი ადგილობრივი ქარისა. ხოლო ეს ზოგჯერ ძლიერად და სასტიკად უბერავს და ცხელია. ამ ქარს უწოდებენ “კენზრონს”. ჩრდილოეთის ქარი [აქამდე] თითქმის ვერ აღწევს, ხოლო როდესაც უბერავს, ის სუსტი და წყნარია.

XVI. ასეა საქმე აზიასა და ევროპაში მცხოვრები ხალხების ბუნების, განსხვავებისა და შესახედაობის მიმართ.

ხოლო რაც შეეხება ადამიანთა სიმხდალესა და ლაჩრობას, რომ აზიელები ევროპელებზე გაცილებით უფრო ნაკლებ მეომარნი არიან და უფრო მშვიდი ზნის, ამის უმთავრეს მიზეზად უნდა მივიჩნიოთ ის, რომ წლის დროები დიდ ცვლილებებს კი არ განიცდიან არც სითბოსი და არც სიცივის თვალსაზრისით, არამედ [მუდამ] დაახლოებით ერთგვარნი არიან. ამიტომაც არც აზრი განიცდის [რაიმე] ძერას და არც სხეული ძლიერ ცვლილებას, რისგანაც ჩვეულებრივად [ადამიანი] მძვინვარდება და უგუნურებასა და სიფიცხეს იძენს უფრო მეტად, ვიდრე [მაშინ, როდესაც] მუდამ ერთსადაიმაცე მდგომარეობაში არის; რადგან ცვლილებები აფხიზლებს ყველაზე უფრო ადამიანის აზრს და არ აძლევს მშვიდად ყოფნის საშუალებას. მე ვუიქრობ, ამ მიზეზის გამოა, რომ აზიელი ხალხი არაა მამაცი და ამას გარდა, მისი კანონების გამოც. რადგან აზიის მეტ წილს მეფე მართავს, ხოლო სადაც ხალხი თვითონ არ არის ძლიერი და დამოუკიდებელი, არამედ [სხვა] ბატონობს მასზე, მაშინ მათ ის კი არა აქვთ საზრუნავი, რომ საომარ საქმეებში იეარჯიშონ, არამედ ის, თუ როგორ მოაჩვენონ თავი, რომ მეგრძოლნი არიან. მართლაც და საფრთხე თანაბარი არაა, რადგან [დამორჩილებული ხალხი] ლაშქრობს, იტანჯება და კვდება იძულებით [თავისი] ბატონებისათვის, ცოლ-შვილისა და სხვა მეგობართაგან მოშორებით. რა კარგად და მამაცად არ უნდა მოქმედებდნენ ისინი, [ამ საქმეებისაგან] აღზევდებიან და განდიდდებიან მათი ბატონები, ხოლო თვითონ კი საფრთხესა და სიკვდილს იმკიან მხოლოდ. ამას გარდა ამისთანა ადამიანები იძულებით იმორჩილებენ [თავიანთ] ვნებებს იმის გამო, რომ არ ომობენ და უმოქმედონი არიან; ისე რომ თუ ვინმე ბუნებით მამაცი და გულაღია, [ამ] კანონის გამო ეცვლება მათაც გუნება. ამისი დიდი საბუთია [შემდეგი]: ვინც არიან აზიაში ელინები თუ ბარბაროსები, რომელთაც არა მყავთ ბატონი, არამედ დამოუკიდებელნი არიან და თავისთვის შრომობენ, ისინი ყველაზე უფრო მეგრძოლი ბუნების არიან, რადგან საფრთხეში თავს საკუთარი თავისთვისე

იგდებენ და ჯილდოს სიმამაცისათვის [თეითონვე] ღებულობენ, ისევე როგორც სასჯელს – სიმხდალისათვის. შენ შეამჩნევ, რომ აზიელებიც განსხვავდებიან ერთმანეთისაგან: ზოგი უკეთესია, ხოლო ზოგი უფრო უმნიშვნელო. ამის მიზეზებიც წლის დროების ცვალებადობაა, როგორც უკვე ეთქვი ადრე.

XVII. მათ შესახებ, ვინც აზიაში არის, ესაა [სათქმელი], ხოლო ევროპაში არის სკეითური ტომი, რომელიც ცხოვრობს მეოტიდის ტბასთან და რომელიც განსხვავებულია [ყველა] სხვა ტომებისაგან. მათ ეწოდებათ სავრომატები. მათი ქალები ცხენოსნობენ, ისარს ისვრიან, შუბს ტყორცნიან ცხენებზე [შემსხდარნი] და მტერს ებრძვიან, ვიდრე ქალწულები არიან: ქალწულობას კი არ კარგავენ მანამ, ვიდრე მტერთაგან სამს არ მოკლავენ და არ თხოვდებიან მანამ, ვიდრე [მათი] ჩუქულების მიხედვით გათვალისწინებულ მსხვერპლშეწირვას არ მოახდენენ. ვინც თავისთვის ამოირჩევს კაცს, ის თავს ანებებს ცხენზე ჯდომას, ვიდრე აუცილებელი არ იქნება საყოველთაო ლაშქრობაში [მონაწილეობა]. მათ მარჯვენა ძუძუ არა აქვთ, რადგან როცა ისინი ჩვილი ბავშვები არიან, დედები საგანგებოდ ამისთვის გაკეთებულ გავარყარებულ სპილენძის [ხელსაწყოს] ადებენ მარჯვენა ძუძუზე და ამოწავენ ხოლმე, რათა [ძუძუს] ზრდა შეჩერდეს და მთელი ძალა და ღონე გადავიდეს მარჯვენა მხარსა და მკლავზე.

XVIII. ხოლო რაც შეეხება დანარჩენი სკეითების გარეგნობას, რომ ისინი ერთმანეთს ჰგვანან და სხვას არავენ, ამის შესახებ იგივე აზრი [უნდა გამოითქვას], რაც ეგვიპტელების შესახებ, ოღონდ [იმ განსხვავებით], რომ [ეგვიპტელები] სიცხისაგან არიან დაჩაგრულნი, ხოლო ესენი კი სიცვიისაგან. სკეითურ უდაბნოდ წოდებული [ადგილი] არის ვაკე, ბალახოვანი, მოტიტველებული და ზომიერად მდიდარი წყლებით. [იქ] მდინარეები დიდია, რომლებსაც გამოაქვთ წყლები ველებიდან. აქ ცხოვრობენ სკეითები, [რომლებიც] ნომადებად იწოდებიან, რადგან სახლები კი

არა აქეთ, არამედ ურმებზე ცხოვრობენ. ხოლო ურმები კი ყველაზე პატარები, ოთხბორბლიანებია, სხვები კი – ექვსბორბლიანები. [ურმების] გარშემო ნაბადი აქეთ შემოკრული. არის ისეთი [ურმებიც], რომლებიც მოწყობილია როგორც სახლები, ზოგი ერთმაგი და ზოგი სამმაგი [სახურავეებით] და ეს იცავს წვიმისაგან, თოვლისაგან და ქარებისაგან. ურმებს ეწევა ორი ან სამი უღელი ურქო ხარებისა. მათ არა აქეთ რქები სიცივის გამო. ამ ურმებში ცხოვრობენ ქალები, ხოლო თვითონ მამაკაცები დადიან ცხენებით. მათ უკან მისდევენ ცხერები, რაც ჰყავთ, ხარები და ცხენები. ერთსა და იმავე ადგილას იმდენხანს რჩებიან, რა ხანსაც მათ საქონელს ბალახი ჰყოფნის, ხოლო როდესაც აღარ [ჰყოფნის], სხვა ადგილზე გადადიან. თვითონ [ხალხი] იკეებება მოხარშული ხორციით, სვამს ცხენის რძეს და ჭამს ჰიპაკეს. ეს არის ცხენის ყველი.

XIX. ასეთია მათი ცხოვრება და კანონები. ხოლო რაც შეეხება წელიწადის დროებსა და გარეგნობას, [ყველა] დანარჩენი ხალხებისაგან დიდად განსხვავდება სკიითური ტომი და ჰგავს [მხოლოდ] თავის თავს, ისევე, როგორც ეგვიპტური; [ეს ტომი] ნაკლებად ნაყოფიერია, ხოლო [მათ] ქვეყანაში გარეული მხეცები ძალიან პატარები არიან ზომით და [მცირენი] სიმრავლეს თვალსაზრისით. ეს იმიტომ, რომ ის მდებარეობს ზედ პოლუსის ქვემოთ და რიპეის მთების ძირში, საიდანაც უბერავს ჩრდილოეთის ქარი. მზე კი, როდესაც ის ზაფხულის წრეს მიაღწევს, მაშინ უახლოვდება მას ყველაზე უფრო და მაშინაა, რომ ცოტა ხნით ათბობს, მაგრამ არც მაინცაღამაინც. ქარები, რომლებიც თბილი ქვეყნებიდან უბერავენ, [იქამდე] ვერ აღწევენ; თუ [აღწევენ], ოდნავ და სუსტად, ხოლო ჩრდილოეთიდან მუდმივად უბერავს ცივი ქარი, თოვლის, ყინვისა და წყლების სიმრავლის გამო. ესენი არასოდეს ილევნიან მთებზე. ამის გამოა, რომ [მთებზე] მოსახლეობა არაა. ვაკეს დღისით დიდი ნისლი ადგას თავზე და [ხალხი] იქ ცხოვრობს; ისე რომ [იქ] მუდმივი ზამთარია, ხოლო ზაფხული კი სულ რაღაცა მცირერიცხოვანი

დღეებია. ეს იმიტომ, რომ ვაკე მაღალზეა, მოტიტველებულია და არაა გარშემორტყმული მთებით, არამედ ჩრდილოეთის მიმართულებით მაღლდება. არც მხეცები არიან აქ დიდი ზომის, არამედ [ისეთები] არიან, რომ შეეძლოთ მიწის ქვეშ თავის შეფარება. ეს იმიტომ, რომ ზამთრისა და დედამიწის სიშიშველის გამო იზაგრებიან ისინი, რადგან არც სითბო აქვთ და არც თავშესაფარი. წლის დროების ცვალება არც დიდია და არც ძლიერი, არამედ ისინი ერთმანეთის მსგავსნი არიან და მცირედ განსხვავდებიან ერთიმეორისაგან; ამიტომაც, რომ [ხალხი] შესახედავად ერთმანეთის მსგავსია, საჭმელსაც ისინი მუდამ ერთნაირს ხმარობენ და ტანსაცმელიც ერთიდაიგივე აცვიათ ზაფხულშიც და ზამთარშიც. სუნთქავენ ნესტიანი და მძიმე ჰაერით, სვამენ თოვლისა და ყინულის წყლებს და თავისი დაუდევრობით მათ არ შეუძლიათ სხეული დაიტვირთონ [რაიმეთი], ანდა სული, რადგან [ბუნებაში] ძლიერი ცვლილებები არ ხდება. აი, ამ აუცილებელი [მიზეზების] გამო [მოსახლეობა] შესახედავად მსუქანი არის, ხორციანი, ნაკვთები არ ემჩნევა, დონდლოა და ძაბუნი; ყველაზე უფრო მუცელი აქვთ სითხენამდგარი და განსაკუთრებით კი მისი ქვემოთა ნაწილი. რადგან, მართლაც, მუცელი არ შეიძლება გამოშრეს ამისთანა ქვეყანაში, [ასეთი] ბუნებასა და ჰაერის ასეთი მდგომარეობის დროს. ის კი არა, სხეულის სიმსუქნისა და უბალნობის გამო შესახედავად ერთმანეთს ჰგვანან, მამაკაცები – მამაკაცებს და დედაკაცები – დედაკაცებს. რაკი წლის დროები ასე ჰგვანან ერთმანეთს. არც იღუპება და არც სხვა რაიმე უბედურება ემართება თესლს შედედების დროს, თუ არ შეემთხვა რაიმე ძალდატანება ან ავადმყოფობა.

XX. მე მოვიყვან [ერთ] დიდ საბუთს [მათი] ტენიანობისას: შენ შეხედები ბევრ სკვითს და ყველას, ვისაც ნომადები [ეწოდებათ], რომელთაც მომწვარი აქვთ ბეჭები, მკლავები და ხელის მტეენები, მკერდი, თეძოები და წელი. ამისი მიზეზი კი სხვა არაფერია, თუ არა [მათი] ბუნების ტენიანობა და დონდლოობა. მართლაც, მათ სინოტივისა და სისუსტის

გამო არ შეუძლიათ არც მშვილდის მოწვევა, არც შუბის სროლა ბეჭის შემწვებით. ხოლო როდესაც მოიწვებენ, მაშინ ამოშრება მათი ნაწილებიდან ბევრი სისველე და მათი სხეული უფრო ჯანმრთელი ხდება, უფრო უკეთ ნაკვები და შეკრული. ისინი მოდონდლოვებულნი არიან და განში გასულნი უპირველესად ყოვლისა იმიტომ, რომ მათ არ ახვევენ, როგორც ეს ეგვიპტეში ხდება ხოლმე; არც მიაჩნიათ [შეხვევა] საჭიროდ [ჯერ] ცხენოსნობის გამო, (რათა [ცხენებზე] კარგად ისხდნენ), ხოლო შემდეგ იმის გამო, რომ [საერთოდ ბევრს] სხედან. მაგალითად, ბიჭები, ვიდრე მათ არ შეუძლიათ ცხენზე ჯდომა, ბევრ დროს სხედან ურემზე და ძალიან ცოტას დადიან ფეხით იმდენი მოგზაურობისა და გადაადგილების დროს. რაც შეეხება გოგოებს, შესახვაობით საოცრად დონდლონი არიან და სუსტნი. სკეითური ტომი წითურია სიცივის გამო, რადგან ცხარე მზე მათ ახლოს არ ეკარება. ხოლო სიცივისაგან მათი სითეთრე იწვის და ღებულობს წითურ [ფერს].

XXI. ასეთი ბუნების ხალხი არ შეიძლება, რომ ნაყოფიერი იყოს. მართლაც, არც მამაკაცებს აქეთ დიდი სურვილი შეუძლებსა აღნაგობის ტენიანობის და მუცლის დონდლოობის და გაცივებულობის გამო; ამიტომაა, რომ მამაკაცს ჩვეულებრივ ძალიან ნაკლებად აღეძერის ენებიერება. ამას გარდა გამუდმებით ცხენზე ჯანჯღარის გამო ისინი სუსტები არიან შეუძლებისათვის. ეს მიზეზი აქეთ მამაკაცებს; ხოლო ქალების [უნაყოფობის მიზეზი] არის სხეულის სიმსუქნე და ტენიანობა. ამიტომაა, რომ მათ საშვილოსნოებს არ შეუძლიათ თესლი დაიჭირონ, არც ყოველთვიური განწმენდა აქეთ მათ ისე, როგორც საჭიროა, არამედ ემართებათ მხოლოდ ცოტა [რაოდენობით] და ხანდახან; საშვილოსნოს ყელი სიმსუქნის გამო დაკეტილია და არ იღებს თესლს; თვითონ [ქალები] გულგრილები არიან ყველაფრის მიმართ და მსუქნები, ხოლო მუცელი ცივი აქეთ და დონდლო. აი, ამ მიზეზის გამო სკეითური ტომი ნაყოფიერი არ არის. ამის დიდ საბუთად გამოდგებიან მონა ქალები: ისინი მაინცა

და მაინც არ ისწრაფვიან, რომ მამაკაცებთან მივიდნენ [და მიუხედავად ამისა], მაშინვე ორსულდებიან, იმიტომ რომ ბევრს შრომობენ და სხეულიც გამხდარი აქვთ.

XXII. ამას გარდა სკეითები ძალიან ბევრნი არიან უძლურნი; ისინი დედაკაცურად ირჯებიან და ქალების მსგავსად ლაპარაკობენ. მათ ეწოდებათ ანარიეები. ადგილობრივი მცხოვრებლები ამის მიზეზად ღმერთს მიიჩნევენ; ამისთანა ადამიანებს მოწიწებით ეპყრობიან და თაყვანს სცემენ. [მაგრამ] თითოეული თავისი თავის მიმართ შიშით არის შეპყრობილი. მე თვითონ კი ვფიქრობ, რომ ეს ავადმყოფობა ღვთაებრივია ისევე, როგორც ყველა სხვა და არც ერთი [ავადმყოფობა] არაა მეორეზე უფრო ღვთაებრივი ანდა ადამიანური, არამედ ყველა ერთნაირია და ყველა ღვთაებრივი, ხოლო თითოეულს აქვს [თავისი] ბუნება და არაფერი ხდება ბუნების გარეშე. როგორ წარმოიშება ეს ავადმყოფობა, ამის შესახებ მოგითხრობთ ისე, როგორც მე ვფიქრობ: ცხენზე გამუდმებით ჯდომის გამო [სკეითებს] ძარღვები ებერებათ, რადგან ფეხები მუდამ ჩამოკიდებული აქვთ ცხენებიდან; ხოლო შემდეგ, ვინც განსაკუთრებით ავადმყოფობს, კოჭლდება და თქოებს მიათრევს. ისინი თავს ასე მკურნალობენ; როდესაც იწყება ავადმყოფობა, ორივე ყურის უკან ძარღვს იჭრიან; როდესაც სისხლი გამოვა, სისუსტისაგან ძილქუში აწვებათ და იძინებენ. შემდეგ იღვიძებენ და ზოგი მათგანი გამოჯანმრთელდება, ზოგი — არა. მე ვფიქრობ, რომ ასეთი მკურნალობის დროს იღუპება მემკვიდრეობის [გაგრძელების უნარი]. რადგან ყურებთან არის ძარღვები, რომელთაც თუ ვინმე გადაჭრის, უნაყოფო გახდება. მე ვფიქრობ, რომ სწორედ ამ ძარღვებს იჭრიან [მკურნალობისას]. შემდეგ, როდესაც მიდიან ცოლებთან და არ შეუძლიათ, რაიმე მოუხერხონ, პირველად სულაც არ სწუხან ამისათვის, არამედ წყნარად არიან; ხოლო როდესაც ორჯერ, სამჯერ და მეტჯერ შეეცდებიან და მაინც არაფერი გამოდისთ, გადაწყვეტენ, რაღაცა შეეცოდეთ ღმერთსო, იმას დააბრალებენ, ჩაიცივამენ ქალის ტანსაცმელს, აღიარებენ თავიანთ თავს უძლურად, იქცევიან

ქალებივით, მუშაობენ ქალებთან ერთად და [აკეთებენ] იმას, რასაც [ქალები]. სკეითთაგან ეს მდიდრებს ემართებათ; არა ყველაზე მდაბიობებს, არამედ კეთილშობილთ და მათ, ვინც მხედრობით დიდი ძალა მოიხვეჭა; ღარიბები კი ნაკლებად [განიცდიან ამ უძლურებას], რადგან ცხენზე არ სხედან ხოლმე. ისე კი, თუ ეს ავადმყოფობა სხვაზე უფრო ღვთაებრივია, ის სკეითთა შორის არა მარტო დიდგვაროვნებსა და მდიდრებს უნდა დასტყდომოდა, არამედ ყველას თანაბრად და განსაკუთრებით ღარიბებს; რადგან თუ ღმერთებს უხარიან პატივისცემა და ადამიანთაგან მოწიწება და ამის მიხედვით მიაგებენ მათ წყალობას, მდიდრები ხომ ჩვეულებრივ უფრო ხშირად სწირავენ მსხვერპლს ღმერთებს, შესაწირავენსაც მხარტმევენ ხოლმე და პატივს სცემენ, რადგან ქონება აქვთ, ხოლო ღარიბები ნაკლებად აკეთებენ ამას, რადგან არა აქვთ; თან კიდევ უწივიან [ღმერთებს], რომ არ აძლევენ ისინი მათ ქონებას. ასე რომ მცირემქონენი ამისთანა ცოდვებისათვის უფრო მეტად უნდა ისჯებოდნენ, ვიდრე მდიდრები. მაგრამ, როგორც უკვე ვთქვით, [ეს ავადმყოფობაც] ისევეა ღვთაებრივი, როგორც [ყველა] სხვა და თითოეული [ავადმყოფობა] წარმოიშობა [თავისი] ბუნების მიხედვით. ეს ავადმყოფობა სკეითებს ემართებათ იმ მიზეზის გამო, რომელიც უკვე ვთქვი. ასევე ემართება ის სხვა ხალხებს, რადგან სადაც განსაკუთრებით ხშირად სხედან ცხენზე, იქ უმრავლესობას ემართება ძარღვების დაბერვა, იშიაზი და პოდაგრა, და სრულიად გამოუსადეგარნი არიან სქესობრივი ურთიერთობისათვის. ყოველივე ეს აქვთ სკეითებს და ზემოთქმული მიზეზის გამო ისინი ყველა ხალხზე უფრო ემსგავსებიან საჭურისებს. ამას გარდა იმიტომაც, რომ მათ მუდამ აცვიათ შარვალი და დროის მეტწილს ცხენზე ატარებენ; ასე რომ მათ არც კი შეუძლიათ ხელი ახლონ თავის სარცხვინალს და სიცვივისა და ჯაფის გამო არც ახსოვთ სასიყვარულო [სურვილები], შეუძლები-სადმი [ლტოლვა] და არაფერს ცდილობენ საამისოდ მაშინაც კი, ვიდრე მამაკაცობა აქვთ.

XXIII. სკვითების ტომის შესახებ ასეა ამბავი. ხოლო დანარჩენი ხალხი, რომელიც არის ევროპაში, განსხვავდება ერთმანეთისაგან, როგორც სიდიდით, აგრეთვე შესახედობით, წლის დროების მონაცვლეობის გამო, რადგან დიდია [ეს მონაცვლეობა] და ხშირი; მაგარი სიცხე, მკაცრი სიცივე, დიდი წვიმები, კელაე ხანგრძლივი გვალვები და ქარები – აი ამის გამოა დიდი და სხვადასხვაგვარი ცვლილებები. ამის გამო ბუნებრივია, რომ ჩასახვა თესლის შედეგებისას სხვადასხვანაირია და არაერთგვარი სიცხესა და სიცივეში, ანდა წვიმებისა და გვალვის დროს. მე ვფიქრობ, რომ ამიტომაც, რომ ევროპელები უფრო განსხვავებიან შესახედობით ერთმანეთისაგან, ვიდრე აზიელები და თვითველ ქალაქში [მეორე ქალაქთან შედარებით] განსხვავებული სიდიდისაა [ხალხი]. რადგან შედეგების დროს თესლის გაფუჭება გაცილებით უფრო ხშირია წელიწადის დროების ხშირი ცვალებადობის დროს, ვიდრე მაშინ, როდესაც [ეს დროები] ერთმანეთის მსგავსი და თანაბარია. წესჩვეულების მიმართ იგივე ამბავია: ველურობა, სიმკაცრე და სიმამაცე ამნაირსავე ბუნებაში წარმოიშვება. რადგან ხშირი შეშფოთება აზრისა წარმოშობს სიველურეს. ხოლო სათნოებასა და თვინიერებას კი ასუსტებს. ამიტომაც, რომ ევროპის მოსახლეობა უფრო მამაცად მიმჩნია, ვიდრე აზიისა. რადგან სადაც მუდმივად ერთდაგვარი მდგომარეობაა, [იქ] სიზარმაცეა, ხოლო ცვალებადობისას სხეულიც და სულიც უფრო იძაბება. სიწყნარესა და სიზარმაცეში სიმხდალე ვითარდება, ხოლო დაძაბულობისა და შრომისაგან – სიმამაცე. ამის გამო და კანონების გამოც ევროპის მოსახლეობა მებრძოლია – ისინი ხომ მეფეს არ ექვემდებარებიან, როგორც აზიელები. რადგან სადაც მეფეს ექვემდებარებიან, იქ უთუოდ ძალიან მხდალებიც იქნებიან. ამის შესახებ მე ზემოთაც ვთქვი. ვინაიდან სულს, როდესაც ის დამონებულია, არ სურს ნებაყოფილობით ტყუილუბრალოდ თავი საფრთხეში ჩაიგდოს სხვისი ძალაუფლებისათვის; ხოლო ვინც დამოუკიდებელია, ისინი თავისი თავისთვის ვარდებიან ხი-

ფაშში და არა სხვისათვის. ისინი თავისი ნებით, ხალხით ეგებებიან ხიფათს, რადგან გამარჯვებისათვის ჯილდოს თვითონ იღებენ. ამრიგად კანონებს მცირე მნიშვნელობა არა აქვთ სულის მხნეობისათვის.

XXIV. ასეა მთლიანად და საერთოდ ევროპისა და აზიის ამბავი. არიან ევროპაში [სხვა] ხალხებიც, განსხვავებულნი ერთმანეთისაგან როგორც სიდიდით, [ასევე] შესახედობითა და სიმამაცით. განსხვავების [მიზეზები] აქაც იგივეა, რაც უწინ ვთქვი, ოღონდ ახლა უფრო ნათლად მინდა გადმოვცე. ისინი, ვინც ცხოვრობენ მთიან, ოღრო- ჩოღრო, მაღლობ და უწყლო ქვეყანაში, სადაც ცვლილებებია და წლის დროები დიდად განსხვავდებიან ერთმანეთისაგან, იქ [ხალხი] ჩვეულებრივ შესახედავად დიდია და გაჩენილია ჯაფისა და მამაცობისათვის; ველურობა და სიმხეცე ასეთი ბუნების [ხალხს] მცირეოდენი როდი აქვს. ხოლო რომლებსაც უჭირავთ ჩავარდნილი ადგილები, ბალახით დაფარული და დახუთული, სადაც უფრო ცხელი ქარები ქრის, ვიდრე ცივი და წყალსაც თბილს ხმარობენ, ის [ხალხი] ვერ იქნება მაღალი ტანის, ვერც მოხდენილი. ისინი ბუნებრივად განში მიდიან, ხორცოვანები არიან და შეეთმიანები; თვითონაც უფრო შავები არიან, ვიდრე თეთრები, და ნაკლებ აქვთ [სხეულში] ლორწო, ვიდრე ნაღველი. სიმამაცე და შრომისუნარიანობა მათ სულში ბუნებრივად [ყველას] თანაბრად აქვს [და ამას გარდა] მათ კანონი ზრდის და წერტნის. თუ ამ ქვეყანაში არის მდინარეები, რომელთაც ქვეყნიდან გამოაქვთ დამდგარი და წვიმის წყალი, [მაშინ მოსახლეობა] ჯანმრთელი იქნება და ნათელი ფერის, ხოლო თუ მდინარეები არ არის, და [ხალხი] სვამს ტბის წყალს, დამდგარსა და ჭაობისას, [მაშინ] მათ აუცილებლად ასეთი შესახედაობა აქვთ: მუცელი ჰკიდიათ და ელენტა აქვთ დაავადებული. ხოლო რომლებიც ცხოვრობენ მაღლობ და სწორ ქვეყანაში, [სადაც] ქრის ქარები და ბევრია წყლები, ისინი შესახედავად ახოვანები არიან და ერთმანეთის მსგავსნი; სულით მხდალი და თვინიერი. ისინი კი, ვინც მწირ, უწყლო და მოტიტვე-

ბულ ქვეყანაში [ცხოვრობენ, სადაც] წლის დროების ცვლილებანი ზომიერი არაა, ბუნებრივია, რომ ისინი შესახედავად ტლანქები არიან და ფიცხები; უფრო ქერები, ვიდრე შავები და ზნითაც ამაყი და თავნება ხასიათისა. ეს იმიტომ, რომ სადაც ცვლილებები ხშირია, [ამინდის] და წლის დროები დიდად განსხვავდებიან ერთმანეთისაგან, იქ შეხვედები დიდად განსხვავებულ შესახედაობას, ზნეს და ბუნებას.

ესაა უმთავრესი [მიზეზი] ბუნების ცვლილებებისა. ხოლო შემდეგ [ამის მიზეზია] ქვეყანა, სადაც იზრდება ადამიანი, და წყლები. რადგან შეამჩნევ, რომ მეტწილად ქვეყნის ბუნებას მიჰყვება ადამიანთა შესახედაობა და ზნე. მართლაც, სადაც დედამიწა ნოყიერია, რბილი და ბევრ წყალს შეიცავს, და ეს წყლები [ნიადაგში] განსაკუთრებით მაღლაა, ისე რომ ზაფხულობით ისინი თბილი არიან, ხოლო ზამთრობით ცივი, და წლის დროების მონაცვლეობა კარგია, იქ ადამიანები ხორცოვანები არიან, დონდლონი, სითხით გაუღენთილნი, უდარდელები და მეტწილად მხდალი სულის. მათ ახასიათებთ სიზარმაცე და მძინარობა. ხელოვნება არ ესმით და [საერთოდ] არც ნატიფნი არიან და არც [გონება]მახვილნი. ხოლო სადაც ქვეყანა მოტიტვლებულია, უმცენარო, ოღრო-ოღრო, სიცივისაგან გატანჯული და მზისაგან ამომწვარი, იქ [ხალხი] უხეშია, გამხდარი, დანაკეთული და ბალნიანი. ისინი ასეთი ბუნების გამო საქმიანები არიან და ფხიზელნი. ზნე ამაყი აქეთ და ხასიათი – თავნება. უფრო ველური თვისების არიან, ვიდრე თვინიერის. შენ დაინახავ, რომ ხელოვნების მოყვარენი და ნიჭიერნი არიან და სამხედრო საქმიანობაშიც საუკეთესონი. და ასევე ყველაფერი სხვა, რაც დედამიწისაგან წარმოიშევა, მისდევს იმას, როგორიც არის თვითონ ეს დედანიწა.

ასეა ერთმანეთის ყველაზე უფრო საწინააღმდეგო ბუნებისა და ფორმების ამბავი; აი აქედან უნდა დაასკვნა, როდესაც სხვა რამეებს უკვირდები და არ შეცდები.